

বিজয়া

দত্তা

শরৎচন্দ্র চট্টোপাধ্যায়

নব নাট্যমন্দির কর্তৃক ষ্টার রঙ্গমঞ্চে অভিনীত
প্রথম অভিনয় রজনীতালিকা ৬ই পৌষ ১৩৪১



গুরুদাস চট্টোপাধ্যায় এও প্রিন্স.

২০৩/১/১, কর্ণওয়ালিশ স্ট্রীট • কলিকতা

ହୁଇଁ ଟାକା

নাটোল্লিখিত ব্যক্তিগণ

পুরুষ

রাসবিহারী	...	মৃত বনমালীর বন্ধু ও বিজয়ার অভিভাবক
বিলাসবিহারী	...	রাসবিহারীর পুত্র
নরেন	...	বনমালী ও রাসবিহারীর বন্ধু মৃত জগদীশের পুত্র
দয়াল	...	বিজয়ার মন্দিরের আচার্য্য
পূর্ণ গাঙ্গুলী	...	নরেনের মাতুল
কালীপদ	...	বিজয়ার ভৃত্য
পরেশ	...	ঐ বালক ভৃত্য
কানাই সিং	...	ঐ দরওয়ান

গ্রামবাসিগণ, নিমন্ত্রিত ভদ্রলোকগণ, কর্মচারিগণ ইত্যাদি

স্ত্রী

বিজয়া	...	বনমালীর কন্যা
নলিনী	...	দয়ালের ভাগিনেয়ী
পরেশের মা	...	বিজয়ার দাসী

দয়ালের স্ত্রী, নিমন্ত্রিতা মহিলাগণ, গ্রামবাসিনীগণ ইত্যাদি

বিজয়া

প্রথম অঙ্ক

প্রথম দৃশ্য

বিজয়ার বসিবার ঘর

বিজয়া । জগদীশ মুখ্যো কি সত্যিই ছাদ থেকে পড়ে মারা গিয়েছিলেন ?

বিলাস । তাতে সন্দেহ আছে নাকি ? মদ-মত্ত অবস্থায় উড়তে গিয়েছিলেন ।

বিজয়া । কি দুঃখের ব্যাপার !

বিলাস । দুঃখের কেন ? অপঘাত-মৃত্যু ওর হবে না ত' হবে কার ? জগদীশবাবু শুধু আপনার স্বর্গীয় পিতা বনমালীবাবুরই সহপাঠী বন্ধু নয়, আমার বাবারও ছেলেবেলার বন্ধু । কিন্তু বাবা তার মুখও দেখতেন না । টাকা ধার কর্তে ছ'বার এসেছিল—বাবা চাকর দিয়ে বার করে' দিয়েছিলেন । বাবা সর্বদাই বলেন, এই সব অসচ্চরিত্র লোকগুলোকে প্রশ্রয় দিলে মঙ্গলময় ভগবানের কাছে অপরাধ করা হয় ।

বিজয়া । এ কথা সত্যি ।

বিলাস । বন্ধুই হ'ন আর যেই হ'ন । দুর্বলতাবশতঃ কোন ~~কোন~~ সমাজের চরম আদর্শকে ক্ষুণ্ণ করা উচিত নয় । জগদীশের সমস্ত সম্পত্তি এখন শ্রায়তঃ আমাদের । তার ছেলে পিতৃঋণ শোধ করতে পারে, ভাল,

না পারে আমাদের এই দণ্ডেই সমস্ত হাতে নেওয়া উচিত। বস্তুতঃ ছেড়ে দেবার আমাদের অধিকার নেই। কারণ, এই টাকায় আমরা অনেক সংকার্য করতে পারি, সমাজের কোন ছেলেকে বিলেত পর্য্যন্ত পাঠাতে পারি—ধর্ম প্রচারে ব্যয় করতে পারি—কত কি করতে পারি—কেন তা না করব বলুন? আপনার সম্মতি পেলেই বাবা সব ঠিক কবে ফেলবেন।

বিজয়া একটু ইতস্ততঃ করিতে লাগিল

বিলাস। না না, আপনাকে ইতস্ততঃ করতে আমি কিছুতেই দেব না। দ্বিধা দুর্বলতা পাপ, শুধু পাপ কেন মহা পাপ। আমি মনে মনে সঙ্কল্প করেছি, আপনার নাম করে—যা কোথাও নেই, কোথাও হয় নি—আমি তাই করব। এই পাড়াগায়ের মধ্যে ব্রহ্মমন্দির প্রতিষ্ঠা করে, দেশের হতভাগ্য মূর্খ লোকগুলোকে ধর্ম শিক্ষা দেব। আপনি একবার ভেবে দেখুন দেখি, এদের অজ্ঞতার জ্বালায় বিপন্ন হয়ে আপনার পিতৃদেব দেশ ছেড়েছিলেন কি না? তাঁর কণ্ঠা হয়ে আপনার কি উচিত নয়, এই নোবল প্রতিশোধ নিয়ে তাদের এই চরম উপকার করা? বলুন, আপনিই একথার উত্তর দিন। (বিজয়া নিরুত্তর) সমস্ত দেশের মধ্যে একটা কত বড় নাম, কত বড় সাড়া পড়ে যাবে ভাবুন দেখি? সর্বসাধারণকে স্বীকার করতেই হবে—সে ভার আমার—যে আমাদের সমাজে মাহুষ আছে, হৃদয় আছে, স্বার্থত্যাগ আছে। যাকে তারা নির্যাতন করে, দেশছাড়া করেছিল, সেই মহাত্মার মহীয়সী কণ্ঠা, শুধু তাদের জগতই এই বিপুল স্বার্থত্যাগ করেছেন। সমস্ত ভারতময় কি moral effect হবে ভাবুন দেখি?

বিজয়া। তা বটে, কিন্তু মনে হয় বাবার ঠিক এই ইচ্ছা ছিল না। জগদীশ্বারবুকে তিনি চিরদিন মনে মনে ভালবাসতেন।

বিলাস। এমন হতেই পারে না। সেই দুষ্ক্রিয়াজন্ত মাতালটাকে তিনি ভালবাসতেন এ বিশ্বাস আমি করতে পারি না।

বিজয়া । বাবার সঙ্গে এ নিয়ে আমিও তর্ক করেছি । তাঁর কাছেই শুনেছি, তিনি আপনার বাবা ও জগদীশবাবু এই তিনজনে—শুধু সতীর্থ নয় পরস্পরের পরম বন্ধু ছিলেন । জগদীশবাবুই ছিলেন সবার চেয়ে মেধাবী ছাত্র, কিন্তু যেমন দুর্বল, তেমনই দরিদ্র । বড় হয়ে বাবা ও আপনার বাবা ব্রাহ্মধর্ম গ্রহণ করলেন, কিন্তু জগদীশবাবু পারলেন না । গ্রামের মধ্যে নির্যাাতন শুরু হ'ল । আপনার বাবা অত্যাচার সয়ে গ্রামেই রইলেন, কিন্তু বাবা পারলেন না, সমস্ত বিষয় সম্পত্তির ভার আপনার বাবার উপর দিয়ে, মাকে নিয়ে কল্‌কাতায় চলে এলেন, আর জগদীশবাবু স্ত্রী নিয়ে ওকালতি করতে পশ্চিমে চলে গেলেন ।

বিলাস । এ সব আমিও জানি ।

বিজয়া । জানবার কথাই তো । পশ্চিমে তিনি বড় . উকিল হয়েছিলেন । কোন দোষই ছিল না, শুধু স্ত্রী মারা যাবার পর থেকেই তাঁর দুর্গতি শুরু হ'ল ।

বিলাস । অমার্জ্জনীয় অপরাধ ।

বিজয়া । তা বটে, কিন্তু এর অনেক পরে আমার নিজের মা মারা গেলে বাবা একদিন কথায় কথায় হঠাৎ বলেছিলেন, কেন যে জগদীশ মদ খরেছিল সে যেন বুঝতে পারি বিজয়া ।

বিলাস । বলেন কি ? তাঁর মুখে মদ খাবার justification ?

বিজয়া । আপনি কি যে বলেন বিলাসবাবু ! justification নয়—বাল্যবন্ধুর ব্যথার পরিমাণটাই বাবা ইঙ্গিত করেছিলেন । সম্মত গেল, স্বাস্থ্য গেল, উপার্জন গেল, সমস্ত নষ্ট করে তিনি দেশে ফিরে এলেন ।

বিলাস । বড় কীর্ত্তিই করেছিলেন !

বিজয়া । সব গেল, শুধু গেল না, বোধহয় আমার বাবার বন্ধুত্বই । তাই যখনই জগদীশবাবু টাকা চেয়েছেন তিনি না বলতে পারেন নি ।

বিলাস । তা হলে ঋণ না দিয়ে দান করলেই তো পারতেন ।

বিজয়া । তা জানিনি বিলাসবাবু । হয় তো দান করে বন্ধুর শেষ আত্মসম্মান-বোধটুকু বাবা নিঃশেষ করতে চান নি ।

বিলাস । দেখুন, এসব আপনার কবিত্বের কথা, নইলে ঋণ ছেড়ে দেবার উপদেশ তিনি আপনাকেও দিয়ে যেতে পারতেন । কিসের জন্ত তা করেন নি ?

বিজয়া । তা জানিনি । কোন আদেশ দিয়েই তিনি আমাকে আবদ্ধ করে যান নি । বরঞ্চ, কথা উঠলে বাবা এই কথা বলতেন, মা, তোমার ধর্মবুদ্ধি দিয়েই তোমার কর্তব্য নিকূপণ ক'রো । আমার ইচ্ছের শাসনে তোমাকে আমি বেঁধে বেঁধে যাব না । কিন্তু পিতৃঋণেব দায়ে পুত্রকে গৃহহীন করার সঙ্কল্প বোধহয় তাঁর ছিল না । তাঁর ছেলের নাম শুনেছি নরেন্দ্র । তিনি কোথায় আছেন জানেন ?

বিলাস । জানি । মাতাল-বাপের শ্রদ্ধা শেষ কবে সে নাকি বাড়ীতেই আছে । পিতৃঋণ যে শোধ করে না সে কুপুত্র । তাকে দয়া করা অপরাধ ।

বিজয়া । আপনার সঙ্গে বোধহয় তাঁর আলাপ আছে ?

বিলাস । আলাপ ! হিঃ—আপনি আমায় কি মনে করেন বলুন তো ? আমি তো ভাবতেই পারিনি যে জগদীশ মুখুয্যের ছেলের সঙ্গে আমি আলাপ করছি ! তবে সেদিন রাত্তায় হঠাৎ পাগলের মত একটা নতুন লোক দেখে আশ্চর্য্য হয়েছিলুম—শুনলাম সেইই নাকি নরেন মুখুয্যে ।

বিজয়া । পাগলের মতো ? কিন্তু শুনেছি নাকি ডাক্তার ?

বিলাস । ডাক্তার ! আমি বিশ্বাস করিনি । যেমন আকৃতি তেমনি প্রকৃতি ; একটা অপদার্থ লোফার !

বিজয়া । আচ্ছা বিলাসবাবু, জগদীশবাবুর বাড়ীটা যদি সত্যিই আমরা দখল করে নিই, গ্রামের মধ্যে কি একটা বিদ্রী গোলামাল উঠবে না ?

বিলাস । একেবারে না । আপনি পাঁচ-সাতখানা গ্রামের মধ্যে একজনও পাবেন না, এই মাতালটার ওপর যার বিন্দুমাত্র সহানুভূতি

ছিল। আহা বলে এমন লোক এ অঞ্চলে নেই। তাও যদি না হ'ত আমি বেঁচে থাকা পর্য্যন্ত সে চিন্তা আপনার মনে আনা উচিত নয়।

ভৃত্য আসিয়া চা দিয়া গেল। ক্ষণেক পরে কিরিয়া আসিয়া বলিল
কালীপদ (ভৃত্য)। একজন ভদ্রলোক দেখা করতে চা'ন।
বিজয়া। এইখানেই নিয়ে এস।

ভৃত্যের প্রস্থান

বিজয়া। আর পারিনে। লোকের আসা-যাওয়ার আর বিরাম নেই। এর চেয়ে বরং কল্‌কাতায় ছিলুম ভাল।

নরেনের প্রবেশ

নরেন। আমার মামা পূর্ণ গান্ধুলীমশাই আপনার প্রতিবেশী—ওই পাশের বাড়ীটা তাঁর। আমি শুনে অবাক হয়ে গেছি যে তাঁর পিতৃ-পিতামহ কালের দুর্গাপূজা নাকি আপনি এবার বন্ধ করে দিতে চান? একি সত্যি? (এই বলিয়া একটা চেয়ার টানিয়া উপবেশন করিল)

বিলাস। আপনি তাই মামার হয়ে ঝগড়া করতে এসেছেন নাকি? কিন্তু কার সঙ্গে কথা কচ্ছেন ভুলে যাবেন না।

নরেন। না সে আমি ভুলি নি, আর ঝগড়া করতেও আমি আসি নি। বরঞ্চ, কথাটা বিশ্বাস হয় নি বলেই জেনে যেতে এসেছি।

বিলাস। বিশ্বাস না হবার কারণ?

নরেন। কেমন করে হবে? নিরর্থক নিজের প্রতিবেশীর ধর্মবিশ্বাসে আঘাত করবেন, এ বিশ্বাস না হওয়াই তো স্বাভাবিক।

বিলাস। আপনার কাছে নিরর্থক বোধ হলেই যে কারো কাছে তার অর্থ থাকবে না, কিংবা আপনি ধর্ম বললেই যে অপরে তা শিরোধার্য্য করে নেবে এর কোনো হেতু নেই। পুতুল পূজো আমাদের কাছে ধর্ম নয় এবং তার নিষেধ করাটাও আমরা অত্যাঁয় মনে করি নে।

নরেন। (বিজয়ার প্রতি) আপনিও কি তাই বলেন?

বিজয়া। আমি? আমার কাছে কি আপনি এর বিরুদ্ধ মন্তব্য শোনবার আশা করে এসেছেন?

বিলাস। কিন্তু উনি ত বিদেশী লোক। খুব সম্ভব আমাদের কিছুই জানেন না।

নরেন। (বিজয়ার প্রতি) আমি বিদেশী না হলেও গ্রামের লোক নয় সে কথা ঠিক। তবুও আমি সত্যিই আপনার কাছে এ আশা করি নি। পুতুল পূজা কথাটা আপনার মুখ থেকে বার না হলেও সাকার নিরাকারের পুরোনো ঝগড়া আমি এখানে তুলব না। আপনারা যে অগ্র সমাজের তাও আমি জানি, কিন্তু এ তো সেকথা নয়। গ্রামের মধ্যে মাত্র এই একটি পূজা। সমস্ত লোক সারা বৎসর এই তিনটি দিনের আশায় পথ চেয়ে আছে। আপনার প্রজারা আপনার ছেলে মেয়ের মতো। আপনার আসার সঙ্গে সঙ্গে গ্রামের আনন্দ উৎসব শতগুণে বেড়ে বাবে এই আশাই তো সকলে করে। কিন্তু তা না হয়ে এতো বড় দুঃখ, এতো বড় নিরানন্দ, আপনার দুঃখী প্রজাদের মাথায় নিজে তুলে দেবেন এ বিশ্বাস করা কি সহজ? আমি তো কিছুতেই বিশ্বাস করতে পারি নি।

বিলাস। আপনি অনেক কথাই বলছেন। সাকার নিরাকারের তর্ক আপনার সঙ্গে করব এত অপরিচাপ্ত সময় আমাদের নেই। তা সে চুলোয় যাক। আপনার মামা একটা কেন, একশোটা পুতুল গড়িয়ে ঘরে বসে পূজা করতে পারেন তাতে কোন আপত্তি নেই, শুধু কতকগুলো ঢাক, ঢোল কাঁশী অহোরাত্র গুঁর কানের কাছে পিটে গুঁকে অস্থস্থ করে তোলাতেই আমাদের আপত্তি।

নরেন। অহোরাত্র তো বাজে না। তা সকল উৎসবেই একটু হৈ চৈ গাওগোল হয়। অস্থবিধে কিছু না হয় হলাই। আপনারা মায়ের জাত, এদের আনন্দের অত্যাচার আপনি সহিবেন না তো কে সহাবে?

বিলাস। আপনি তো কায আদায়ের ফন্দিতে মা ও ছেলের উপমা

দিলেন, শুনতেও মন্দ লাগল না। কিন্তু জিজ্ঞাসা করি আপনার মামার কানের কাছে মরমের বাজনা সুরু করে দিলে, তাঁর সেটা ভাল বোধ হ'ত কি? তা সে যাই হোক বকাবকি করবার সময় নেই আমাদের। বাবা যে হুকুম দিয়েছেন তাই হবে।

নরেন। আপনার বাবা কে, আর তাঁর নিষেধ করবার কি অধিকার তা আমার জানা নেই। কিন্তু আপনি মরমের যে অদ্ভুত উপমা দিলেন, কিন্তু এটা রসোঁনচোঁকি না হয়ে কাড়ানাকড়ীর বাজ হ'লে কি করতেন শুন, এ তো শুধু নিরীহ স্বজাতির প্রতি অত্যাচার বৈ তো নয়?

বিলাস। বাবার সম্বন্ধে তুমি সাবধান হয়ে কথা কও বলে দিচ্ছি, নইলে এখনি অল্প উপায়ে শিথিয়ে দেবো তিনি কে এবং তাঁর নিষেধ করবার কি অধিকার।

নরেন। (বিলাসকে উপেক্ষা করিয়া বিজয়ার প্রতি) আমার মামা বড়লোক নন। তাঁর পূজোর আয়োজন সামান্যই। তবুও এইটেই একমাত্র আপনার দরিদ্র প্রজাদের সমস্ত বছরের আনন্দোৎসব। হয় তো আপনার কিছু অসুবিধে হবে, কিন্তু তাদের মুখ চেয়ে কি আপনি এইটুকু সহ করতে পারবেন না?

বিলাস। (টেবিলের উপর প্রচণ্ড মুষ্টাঘাত করিয়া) না পারবেন না, একশোবার পারবেন না। কতকগুলো মূর্খ লোকের পাগলামী সহ্য করবার জন্ত কেউ জমিদারী করে না। তোমার আর কিছু বলবার না থাকে তুমি যাও, মিথ্যে আমাদের সময় নষ্ট করো না।

বিজয়া। (বিলাসের প্রতি) আপনার বাবা আমাকে মেয়ের মতো ভালবাসেন বলেই এঁদের পূজা নিষেধ করেছেন, কিন্তু আমি বলি হলই বা তিন-চার দিন একটু গোলমাল।

বিলাস। ওঃ—সে অসহ্য গোলমাল। আপনি জানেন না বলেই—

বিজয়া। জানি বই কি। তা হোকগে গোলমাল—তিনদিন বই

তো নয়। আর আপনি আমার অস্ববিধের কথা ভাবছেন, কিন্তু কল্‌কাতা হ'লে কি করতেন বলুন তো? সেখানে অষ্টপ্রহর কেউ কানের কাছে তোপ দাগতে থাকলেও তো চুপ করে সহিতে হ'তো? (নরেনের প্রতি) আপনার মামাকে জানাবেন, তিনি প্রতিবৎসর যেমন করেন, এবারেও তেমনি করুন, আমার বিন্দুমাত্র আপত্তি নেই। আপনি তবে এখন আসুন, নমস্কার।

নরেন। ধন্যবাদ—নমস্কার। (উভয়কে নমস্কার করিয়া প্রস্থান)

বিজয়া। আমাদের কথাটাইতো শেষ হতে পেলো না। তা হ'লে তালুকটা নেওয়াই কি আপনার বাবার মত?

বিলাস। হুঁ।

বিজয়া। কিন্তু এর মধ্যে কোন রকম গোলমাল নেই তো?

বিলাস। না।

বিজয়া। আজ কি তিনি ওবেলা এদিকে আসবেন?

বিলাস। বলতে পারি না।

বিজয়া। আপনি রাগ করলেন না কি?

বিলাস। রাগ না করলেও পিতার অপমানে পুত্রের ক্ষুণ্ণ হওয়া বোধ করি অসঙ্গত নয়।

বিজয়া। কিন্তু এতে তাঁর অপমান হয়েছে এ ভুল ধারণা আপনার কোথেকে জন্মালো? তিনি স্নেহবশে মনে করেছেন আমার কষ্ট হবে। কিন্তু কষ্ট হবে না এইটাই শুধু ভদ্রলোককে জানিয়ে দিলুম। এতে মান-অপমানের তো কিছুই নেই বিলাসবাবু!

বিলাস। ওটা কথাই নয়। বেশ, আপনার ষ্টেটের দায়িত্ব নিজে নিতে চান নিন্। কিন্তু এর পরে বাবাকে আমার সাবধান করে দিতেই হবে। নইলে পুত্রের কর্তব্যে আমার ক্রটি হবে।

বিজয়া। এই সামান্য বিষয়টাকে যে আপনি এমন করে নিয়ে এরকম

গুরুতর করে তুলবেন এ আমি মনেও করি নি। ভাল, আমার বোঝবার ভুলে যদি অত্যাচার হয়ে গিয়ে থাকে আমি অপরাধ স্বীকার করছি। ভবিষ্যতে আর হবে না।

বিলাস। তাহলে পূর্ণ গাঙ্গুলীকে ডানিয়ে পাঠান যে রাসবিহারীবাবু যে হুকুম দিয়েছেন তা অন্তথা করা আপনার সাধ্য নয়।

বিজয়া। সেটা কি ঢেব বেশি অত্যাচার হবে না? আচ্ছা আমি নিজেই চিঠি লিখে আপনার বাবার অনুমতি নিচ্ছি।

বিলাস। এখন অনুমতি নেওয়া না নেওয়া দুইই সমান। আপনি যদি বাবাকে সমস্ত দেশের কাছে উপহাসের পাত্র করে তুলতে চান, আমাকেও তা হলে অত্যন্ত অপ্রিয় কর্তব্য পালন করতে হবে।

বিজয়া। (আত্মসংযম করিয়া) এই অপ্রিয় কর্তব্যটা কি শুনি?

বিলাস। আপনার জমিদারী শাসনের মধ্যে তিনি যেন আর হাত না দেন।

বিজয়া। আপনার নিষেধ তিনি শুনবেন মনে করেন?

বিলাস। অন্ততঃ, সেই চেষ্টার আমাকে করতে হবে।

বিজয়া। (ক্ষণকাল মৌন থাকিয়া) বেশ! আপনি বা পারেন করবেন কিন্তু অপরের ধর্ম্মে-কর্ম্মে আমি বাধা দিতে পারব না।

বিলাস। আপনার বাবা কিন্তু একথা বলতে সাহস পেতেন না।

বিজয়া। (ঈষৎ রুদ্ধস্বরে) বাবাব কথা আপনার চেয়ে আমি ঢের বেশি জানি বিলাসবাবু। কিন্তু সে নিষে তর্ক করে ফল নেই—আমার জ্ঞানের বেলা হল আমি উঠলুম। (গমনোত্তর)

বিলাস। মেয়েমানুষ জ্ঞাতটা এমনই নেমকহারাম।

বিজয়া পা বাড়াইয়াছিল। বিদ্যুৎ বেগে ফিরিয়া দাঁড়াইয়া পলকমাত্র বিলাসের প্রতি দৃষ্টিপাত করিয়া নিঃশব্দে ঘর হইতে চলিয়া গেল। এমন সময় বৃদ্ধ রাসবিহারী ধীরে ধীরে প্রবেশ করিতেই পুত্র বিলাসবিহারী লাকাইয়া উঠিল

বিলাস । বাবা, শুনেছ এইমাত্র কি ব্যাপার ঘটলো ? পূর্ণ গাঙ্গুলী এবারও ঢাক ঢোল কাঁশী বাজিয়ে দুর্গাপূজা করবে, বারণ করা চলবে না । এইমাত্র তার কে একজন ভাগ্নে এসেছিল প্রতিবাদ করতে, বিজয়া তাকে হুকুম দিলেন পূজো হোক ।

রাসবিহারী । তা তুমি এত অগ্নিশর্মা হয়ে উঠলে কেন ?

বিলাস । হব না ? তোমার হুকুমের বিরুদ্ধে হুকুম দেবে বিজয়া ? এবং আমার আপত্তি করা সবেও ?

রাস । কিন্তু এই নিয়ে তার সঙ্গে রাগারাগি করলে নাকি ?

বিলাস । কিন্তু উপায় কি ? আত্মসম্মান বজায় রাখতে—

রাস । দেখ বাপু, তোমার এই আত্মসম্মান বোধটা দিনকতক খাটো কর, নইলে আমি তো আর পেরে উঠি নে । বিয়েটা হয়ে যাক, বিষয়টা হাতে আসুক, তখন ইচ্ছে মতো আত্মসম্মান বাড়িয়ে দিও, আমি নিষেধ করব না ।

বিজয়ার প্রবেশ

রাসবিহারী । এই যে মা বিজয়া !

বিজয়া । আপনাকে আসতে দেখে আমি ফিরে এলুম কাকাবাবু । শুনে হয়তো আপনি রাগ করবেন, কিন্তু মোটে তিন দিন বইতো নয়, হোক্গে গোলমাল—আমি অনায়াসে সহিতে পারবো, কিন্তু গাঙ্গুলী মশায়ের দুর্গা পূজায় বাধা দিয়ে কায নেই । আমি অনুমতি দিয়েছি ।

রাস । সেই কথাই বিলাস আমাকে বোঝাচ্ছিলেন ! বুড়ো মানুষ, শুনে হঠাৎ চঞ্চল হয়ে উঠেছিলুম যে ভবিষ্যতে এরকম পুনরীকার ঘটলে তো চলবে না । তখন আত্মসম্মান বজায় রাখতে তোমার বিষয় থেকে নিজেকে তফাৎ করতেই হবে । কিন্তু বিলাসের কথায় রাগ গেছে মা ; বুঝেছি অজ্ঞান ওরা করুক পূজো । বরং পরের জন্ত দুঃখ সওয়াটাই

মহত্ব ! আশ্চর্য্য প্রকৃতি এই বিলাসের। ওর বাক্য ও কর্মের দৃঢ়তা দেখলে হঠাৎ বোঝা যায় না যে হৃদয় ওর এত কোমল। তা সে যাক, কিন্তু জগদীশের দরুণ বাড়ীটা যখন তুমি সমাজকেই দান করলে মা, তখন আর বিলম্ব না করে, এই ছুটির মধ্যেই এর সমস্ত আয়োজন সম্পূর্ণ করে ফেলতে হবে। কি বল ?

বিজয়া। আপনি যা ভাল বুঝবেন তাই হবে। টাকা পরিশোধের মেয়াদ তো তাদের শেষ হয়ে গেছে ?

রাস। অনেক দিন। সর্ব্ব ছিল আট বৎসরের কিন্তু এটা নয় বৎসর চলছে।

বিজয়া। শুনতে পাই তাঁর ছেলে নাকি এখানে আছেন। তাঁকে ভেকে পাঠিয়ে আরও কিছুদিনের সময় দিলে হয় না ? যদি কোন্‌ উপায় করতে পারেন ?

রাস। (মাথা নাড়িতে নাড়িতে) পারবে না—পারবে না—পারলে—

বিলাস। পারলেই বা আমরা দেব কেন ? টাকা নেবার সময় সে মাতালটার হুঁস ছিল না কি সর্ব্ব করেছে ? এ শোধ দেব কি করে ?

বিজয়া। (বিলাসের প্রতি মাত্র একবার দৃষ্টিপাত করিল। রাসবিকারীর মুখের দিকে চাহিয়া শান্ত দৃঢ়কণ্ঠে কহিল) তিনি বাবার বন্ধু ছিলেন, তাঁর সম্বন্ধে সসম্মানে কথা কইতে বাবা আমাদের আদেশ করে গেছেন !

বিলাস। (সগর্জ্জনে) হাজার আদেশ করলেও সে যে একটা—

রাস। আহা চুপ কর না বিলাস। পাপের প্রতি তোমার আন্তরিক ঘৃণা যেন না পাপীর ওপর গিয়ে পড়ে। এইখানেই যে আত্মসংঘের সব চেয়ে প্রয়োজন বাবা।

বিলাস। না বাবা এই সব বাজে sentiment আমি কিছুতেই সহ্য করতে পারিনে, তা সে কেউ রাগই করুক আর যাই করুক। আমি সত্য কথা কইতে ভয় পাইনে, সত্য কাঁচ করতে পেছিয়ে দাঁড়াইনে।

রাস । তা বটে, তা বটে । তোমাকেই বা দোষ দেব কি ? আমাদের বংশের এই স্বভাবটা যে বুড়ো বয়স পর্য্যন্ত আমারই গেল না ! অগ্নায় অধর্ম দেখলেই যেন জলে উঠি । বুঝলে না মা বিজয়া, আমি আর তোমার বাবা এই জগুই সমস্ত দেশের বিরুদ্ধে সত্য ধর্ম গ্রহণ করতে ভয় পাই নি । জগদীশ্বর তুমিই সত্য ! (এই বলিয়া দুই হাত কপালে ঠেকাইয়া উদ্দেশে নমস্কার করিলেন)

রাস । কিন্তু দেখো মা, আমি বাই হই তবু তৃতীয় ব্যক্তি । তোমাদের উভয়ের মতভেদের মধ্যে আমার কথা কওয়া উচিত নয় । কারণ, কিসে তোমাদের ভাল সে আজ নয় কাল, তোমরাই স্থির করে নিতে পারবে । এ বুড়োর মতামতের আবশ্যক হবে না । কিন্তু কথা যদি বলতেই হয় তো বলতেই হবে যে, এ ক্ষেত্রে তোমারই ভুল হচ্ছে । জমিদারী চালাবার কায়ে আমাকেও বিলাসের কাছে হার মানতে হয়, এ আমি বহুবার দেখেছি । আচ্ছা তুমিই বল দেখি কার গরজ বেশি ? আমাদের না জগদীশ্বরের ছেলের ? ঋণ পরিশোধের সাধ্যই যদি থাকতো, একবার নিজে এসে কি চেষ্টা করে দেখতো না ? সে তো জানে তুমি এসেছ ? এখন আমরাই যদি উপযাচক হয়ে ডাকিয়ে পাঠাই, সে নিশ্চয়ই একটা বড় রকমের সময় নেবে । তাতে ফল শুধু এই হবে যে দেনাও শোধ হবে না, আর তোমাদের সমাজ-প্রতিষ্ঠার সঙ্কল্পও চিরদিনের মত ডুবে যাবে । বেশ করে ভেবে দেখ দিকি মা, এই কি ঠিক নয় ? আর তার অগোচরেও তো কিছু হতে পারবে না ! তখন নিজে যদি স্নে সময় চায় তখন না হয় বিবেচনা করে দেখা যাবে ! কি বল মা ?

বিজয়া । (অপ্রসন্ন মুখে) আচ্ছা । কাকাবাবু, আমার বড় দেরি হয়ে গেল এখন কি যেতে পারি ?

রাস । বাও মা যাও, আমিও চলাম ।

বিলাস । (সক্রোধে) সে যদি দশ বছরের সময় চায় তো বিবেচনা করতে হবে নাকি ?

রাস । (ক্রুদ্ধ চাপা কণ্ঠে) হবে না তো কি সমস্ত খোয়াতে হবে ? মন্দির প্রতিষ্ঠা ! দেখ বিলাস, এই মেয়েটী বয়স বেশি নয়, কিন্তু সে বেশ জানে যে সেই তার বাপের সমস্ত সম্পত্তির মালিক, আর কেউ নয় । মন্দির স্থাপনা না হলেও চলবে, কিন্তু আমার কথাটা ভুললে চলবে না ।

অস্থান

কালীপদর প্রবেশ

কালী । মা জিজ্ঞাসা করলেন আপনাকে কি আর চা পাঠিয়ে দেবেন ?

বিলাস । না ।

কালী । সরবৎ কিংবা —

বিলাস । না দরকার নেই ।

কালী । ফল কিংবা কিছু মিষ্টি ?

বিলাস । আঃ দরকার নেই বলচিনা ? তাকে বলে দিও 'আমি বাড়ী চল্লুম ।

অস্থান

কালী । বলতে হবে না, তিনি গেলেই জানতে পারবেন ।

অস্থান

দ্বিতীয় দৃশ্য

গ্রাম্য পথ

পূর্ণ গাঙ্গুলী ও দুই তিন জন গ্রামবাসীর প্রবেশ

১ম ব্রাহ্মণ । হাঁ পূর্ণ খুড়ো, গুনচি নাকি পূজো-করবার হুকুম পাওয়া গেছে ?

পূর্ণ। হাঁ বাবা, জগদম্মা মুখ তুলে চেয়েছেন। জমিদার বাড়ী থেকে হুকুম পাওয়া গেছে পূজোয় তাঁব আপত্তি নেই।

১ম ব্রাহ্মণ। শুনে পর্য্যন্ত দুশ্চিন্তার অবধি ছিলনা খুড়ো। সবাই ভাবছিলো তোমাদের এত কালের পূজোটা বুঝি এবার বন্ধ হয়ে যাব। হুকুম দিলে কে ?

পূর্ণ। জমিদার কণ্ঠা স্বয়ং। এসব ব্যাপারের তিনি নিজে কিছুই জানতেন না। আমাদের নবেন গিয়ে বলতেই আশ্চর্য্য হয়ে বললেন, সে কি কথা। আপনার মামাকে জানাবেন তিনি যথাবীতি মায়েব পূজো ককন, আমার বিন্দুমাত্র আপত্তি নেই। এ সমস্তই ওই দু ব্যাটা বজ্জাত বাপ ব্যাটার কারসাজি! আমার ওপব ওদেব জাতক্রোধ।

১ম ব্রাহ্মণ। মেয়েটী তো তা হলে ভাল ?

২য় ব্রাহ্মণ। হুঁ ভাল! স্নেহ, বিধর্ম্মী, বলি খোঁজ বেখেছ কিছু ?

পূর্ণ। হোক স্নেহ। বাবা, তবুও রায় বংশের মেয়ে—হরি রায়ের নাতনী! শুনলুম ঐ বিলেস ছোঁড়াটা অনেক চেষ্টা কবেছিল বন্ধ করতে, কিন্তু তিনি কোন কথায় কান দেন নি। স্পষ্ট বলে দিলেন, হাজার অশ্লুবিধা হলেও আমি পরের ধর্ম্ম কস্মে হাত দিতে পাবব না। এ কি সহজ কথা।

১ম ব্রাহ্মণ। বল কি খুড়ো? প্রথম যেদিন জুতো মোজা পবে ফেটিং চড়ে ও দেশেতে এলো লোক ত ভয়ে মরে। গুজব রটে গেল এরই সঙ্গে হবে নাকি বিলাসবাবুর বিয়ে, তাই এসেছে দেশে। সবাই ভাবলে, একা রামে রক্ষে নেই স্ত্রীগ্রীব দোসর—আর কাউকে বাঁচতে হবে না, দেড়েল ব্যাটা এবার গ্রাম শুদ্ধ সবাইকে ধরে ধরে ফাঁসী দেবে। কিন্তু তোমার ব্যাপারটা দেখলে যেন মনে ভরসা হয়। না খুড়ো ?

পূর্ণ। হাঁ বাবা, হয়। আমি বলছি তোমরা পরে দেখো, এই মেয়েটির দ্বারা ধর্ম্ম আছে। কাউকে সহজে দুঃখ দেবে না।

২য় ব্রাহ্মণ। বাজে—বাজে—সব বাজে কথা। আরে বিধর্মী যে! শাস্তরে বলেচে স্লেচ্ছ; তার আবার দয়া! তার আবার ধর্ম!

১ম ব্রাহ্মণ। তা বটে, শাস্তর বাক্য সহজে মিথ্যে হয় না। সত্যি, কিন্তু খুড়োর পূজোটা তো মা লক্ষ্মী নিজের জোরে চালিয়ে দিলেন। বাপ ব্যাটায় হাজার চেষ্টা করেও তো বন্ধ করতে পারলে না।

২য় ব্রাহ্মণ। (মাথা নাড়িয়া) কিন্তু ত্নেমরা পরে দেখো ঐ জুতো মোজা পরা মেলেচ্ছ মেয়ে গাঁ জ্বালিয়ে থাক করে ছাড়বে। আমি চেয়ে স্পষ্ট দেখতে পাচ্ছি।

পূর্ণ। কি জানি বাবা, আমাদের নরেন তো সাহস দিয়ে বললে, ভয় নেই, উনি কাউকে কষ্ট দেবেন না। মহামায়া কপালে যা লিখেছেন তা হবেই। কিন্তু এইটি দেখো বাবা, তোমরা সকলে মিলে যেন আমার কাজটা উদ্ধার করে দিতে পার!

২য় ব্রাহ্মণ। দেবো খুড়ো, দেবো, আমরা সবাই মিলে তোমার কাজে গিয়ে লাগব—কোন দিকে তোমার চাইতে হবে না।

১ম ব্রাহ্মণ। মায়ের পূজোটা ভালয় ভালয় চুকে যাক, কিন্তু বাবা তোমাকেও আমাদের একটু সাহায্য করতে হবে। তোমাকে আর নরেনকে সঙ্গে নিয়ে সময় বুঝে একদিন আমরা দল বেঁধে গিয়ে পড়বো। বলব—মা, গ্রাম্য-দেবতা সিদ্ধেশ্বরীর পুকুরটা আপনি খালাস করে দিন। বুড়ো ব্যাটা ভয় দেখিয়ে জোর করে খাস করে নিলে, কিন্তু বছর অন্তর যে একশো টাকার মাছ বিক্রি হয়, তার কটা টাকা সরকারী তবিলে জমা পড়ে একবার খোঁজ করে দেখুন। আমি খবর রাখি বাবা, যে এই ছ'সাত বছর একটা পয়সাও জমা পড়েনি। তখন দেখবো বুড়ো তার কি কৈফিয়ৎ দেয়।

২য় ব্রাহ্মণ। বুড়ো তখন বলবে, ও-কথা মিথ্যে। মাছ বিক্রি হয় না।

১ম ব্রাহ্মণ। তাই বলুক একবার। গরিটীর ঝোড়ো জেলেকে আমি চিনি, তার পুরুতের সঙ্গে আমার খুব ভাব। তাকে দিয়ে প্রমাণ করিয়ে

দেবো আমাদের কথা মিথ্যে নয়। ঐ ঝোড়ো জেলেই বুড়োর হাতে একশ টাকা জমা দিয়ে বছর-বছর কলকাতায় মাছ চালান দেয়।

পূর্ণ। আমায় কিন্তু টেনো না বাবা, ঘরের পাশে ঘর, গরীব মানুষ,
—আমি তাহলে মারা যাব।

১ম ব্রাহ্মণ। কিন্তু তোমার ভাগনে নরেন্দ্র কখনো ভয় পাবে না বলতে পারি। তাকে পাঠাবো, সঙ্গে থাকব আমরা। দিঘড়ার এত লোকের সে এত কাষ করে, আর আমাদের এই উপকারটী করে দেবে না ভাবো? নিশ্চয় দেবে।

২য় ব্রাহ্মণ। তা' হলে অমনি আমার বড় জামাইয়ের বাবলার মাঠের খবরটাও তাকে গুনিয়ে দিও না ভাই—কম নয় সাড়ে তিন বিঘে যায়গা। জামাই মারা গেল, দেখবার শোনবার কেউ নেই, মেয়েটি আমার কাছে এসে পড়ল; তিন চার বছরের খাজনা বাকি পড়ে গেল, তারপর কবে যে ক্রোক দিলে, কবে যে নিলেম হলো, তা কেউ জানলে না। তারপর যখন জানা গেল তখন কত গিয়ে ধরাধরি করলুম, কিন্তু এত বড় বজ্জাত —কিছুতেই ছাড়লে না।

পূর্ণ। বাবুর বাড়ীর উত্তর দিকের সেই নতুন কানামের বাগানটা নয়?

২য় ব্রাহ্মণ। হাঁ বাবা সেইটে। এখন হয়েছে বুড়োর সখের আমবাগান।

পূর্ণ। কিন্তু নিলেম খরিদ যায়গা এতো আর কেউ ছেড়ে দিতে পারবে না বাবা।

২য় ব্রাহ্মণ। না পারুক সে আশা আমি করিনে, কিন্তু বুড়ো ব্যাটা দুদিন বাদে স্বপ্ত হবে কিনা—তাই বলি সময় থাকতে স্বপ্তরের গুণা-গুণ মা-লক্ষ্মী একটু শুনে রাখুন।

১ম ব্রাহ্মণ। জগদীশ মুখ্যোর বাড়ীটাও নাকি বুড়ো দখল করে নিতে চায়।

পূর্ণ। কাণা-ঘুঘা তাইতো শুনছি বাবা।

২য় ব্রাহ্মণ । এমন কেউ থাকে বুড়ো বজ্জাতের দাড়িটা চড় চড় করে একটানে ছিঁড়ে নিতে পারে তবে গায়ের জ্বালা মেটে ।

পূর্ণ । থাক থাক বাবা, পথের মাঝখানে দাঁড়িয়ে ওসব কথায় কায নেই । কে কোথায় শুনতে পাবে, কে কোথায় বলে দেবে, তাহলে আর রঞ্জে থাকবে না ।

২য় ব্রাহ্মণ । না খুড়ো শুনবে আর কে ? এই তো আমরা তিনজন । থাকগে ওসব কথা, বেলা হ'ল । চলো ঘরে যাওয়া যাক ।

পূর্ণ । তাই চল বাবা । সুধীর, সন্ধ্যার পর আমার ওখানে একবার এসো । আর সময় নেই—তোমাদের সঙ্গে একটা পরামর্শ করতে হবে ।

১ম ব্রাহ্মণ । সন্ধ্যার পরেই যাবো খুড়ো । চল, এখন বাড়ী যাওয়া যাক ।

সকলের প্রস্থান

তৃতীয় দৃশ্য

সরস্বতী নদী-তীর

শরৎ অশ্রু শীর্ণ-সঙ্কীর্ণ সরস্বতী নদী । এ-তটে বিস্তীর্ণ মাঠ, ও-তটে লতাগুল্ম পরিব্যাপ্ত ঘন বন । বনাস্তুরালে দিঘ্ড়া গ্রাম । নদীর উভয় তীর ক্ষুদ্র বাণেশের সেতু দিয়া সংযুক্ত । একটা পায়ে ঠাঁটা সঙ্কীর্ণ পথ বনের মধ্য দিয়া দিঘ্ড়া গ্রামে গিয়া প্রবেশ করিয়াছে । এই সকলের অন্তরালে নরেনের বৃহৎ অট্টালিকার কিছু কিছু দেখা যায় মাত্র । নদীর তীরে বসিয়া নরেন ছিপি মাছ ধরিতেছিল । বিজয়া ও কানাই সিং প্রবেশ করিল

বিজয়া । এই নদীর পারেই দিঘ্ড়া, না কানাই সিং ।

কানাই । হাঁ মা-জী ।

বিজয়া । এই গাঁয়েই জগদীশ বাবুর বাড়ী না ?

কানাই । হাঁ মা-জী বহুৎ বড়া বাড়ী ।

বিজয়া । এই পুল পেরিয়ে বুঝি ঐ গায়ে যেতে হয় ?

বিজয়া পুলের কাছে অগ্রসর হইতে নরেন্দ্র তাহাকে দেখিয়া

নরেন । এই যে—নমস্কার ! বিকেল বেলা একটুখানি বেড়াবার পক্ষে নদীর ধারটি মন্দ জায়গা নয় বটে, কিন্তু এ সময় ম্যালেরিয়ার ভয়ও তো বড় কম নয় । এ বুঝি আপনাকে কেউ সাবধান করে দেয় নি ?

বিজয়া । না, কিন্তু ম্যালেরিয়া তো লোক চিনে ধরে না । আমি তো বরং না জেনে এসেছি, আপনি যে জেনে শুনে জলের ধারে বসে আছেন ? কৈ দেখি কি মাছ ধরলেন ?

নরেন । (পুলের অপর প্রান্ত হইতে) পুঁটি মাছ । কিন্তু ছুষ্টায় মাত্র দুটি পেয়েছি মজুরী পোষায় নি । সময়টা তো কোনো মতে কাটাতে হবে ?

বিজয়া । কিন্তু মামার পূজোবাড়ীতে এসে তাঁকে সাহায্য না করে পালিয়ে বেড়াচ্ছেন যে বড়ো ? গুটি দুই পুঁটি মাছ দিয়ে তো তাঁর সাহায্য হবে না !

নরেন । (হাসিয়া) না, কিন্তু প্রথমতঃ, মামার বাড়ীতে আমি আসি নি, দ্বিতীয়তঃ, তাঁকে সাহায্য করবার বহু লোক আছে । আমার প্রয়োজন নেই ।

বিজয়া । মামার বাড়ী আসেন নি ? এখানে তবে আছেন কোথায় ?

নরেন । বাড়ী আমার ঐ দিঘড়া গ্রামে । এই বাঁশের সাঁকো দিয়ে যেতে হয় ।

বিজয়া । দিঘড়ায় ? তা হলে নরেনবাবুকে তো আপনি চেনেন ? তিনি কি রকম লোক বলতে পারেন ?

নরেন । ও—নরেন ? তার বাড়ীটা তো আপনি দেনার দায়ে কিনে নিয়েছেন ? এখন তার সম্বন্ধে অহুস্কানে আর ফল কি ? যে উদ্দেশ্যে নিলেন সে কথাও এ অঞ্চলের সবাই শুনেছে ।

বিজয়া । একেবারে নেওয়া গেছে এই বুঝি এদিকে রাষ্ট্র হয়েছে ?

নরেন। হবারই কথা। জগদীশবাবুর সর্বস্ব আপনার বাবার কাছে বিক্রী কবলায় বাঁধা ছিলো, তাঁর ছেলের সাধ্য নেই ততটাকা শোধ করে। মেঘাদও শেষ হয়েছে—এ খবর সবাই জানে কি না।

বিজয়া। আপনি নিজেই যখন গ্রামের লোক তখন খবর জানবেন বই কি। আচ্ছা, শুনেছি নরেনবাবু বিলেত থেকে ভাল করেই ডাক্তারী পাশ করে এসেছেন। কোন ভাল জায়গায় practice আরম্ভ করে আবও কিছুদিন সময় নিয়ে কি বাপের ঋণটা শোধ করতে পারেন না ?

নরেন। সম্ভব নয়। শুনেছি practice করাই নাকি তার সঙ্কল্প নয়।

বিজয়া। তবে তাঁর সঙ্কল্পটাই বা কি? এত খরচ পত্র করে বিলেত গিয়ে কষ্ট কবে ডাক্তারী শেখবার ফলটাই বা কি হতে পারে? একেবারে অপদার্থ।

নরেন। অপদার্থ? (হাসিয়া) ঠিক ধরেছেন। এইটেই বোধ হয় তাব আসল রোগ। তবে শুনতে পাই নাকি সে নিজে চিকিৎসা করার চেষ্টা এমন একটা কিছু বার করে যেতে চায়, যাতে বহু লোকের উপকার হবে। খবর পাই এ নিয়ে সে পরিশ্রমও খুব করে।

বিজয়া। সত্যি হলে তো এ খুব বড় কথা। কিন্তু বাড়ী-ঘর গেলে কি করে এ সব করবেন? তখন তো রোজকার করা চাই। আচ্ছা আপনি তো নিশ্চয়ই বলতে পারেন বিলেত যাবাব জন্তে এখানকার লোক তাঁকে একঘরে করে রেখেছে কিনা।

নরেন। সে তো নিশ্চয়ই। আমার মামা পূর্ণবাবু তারও এক প্রকার আত্মীয়, তবুও পূজোর কদিন বাড়ীতে ডাকতে সাহস করেন নি! কিন্তু তাতে তার ক্ষতি হয়নি। নিজের কাজ কর্ম নিয়ে থাকে, সময় পেলে ছবি আঁকে! বাড়ী থেকে বড় বারই হয় না।

কানাই। মা-জী সন্ধ্যা হ'য়ে আসলে, বাড়ী ফিরতে রাত হবে।

নরেন। হাঁ কথায় কথায় সন্ধ্যা হ'য়ে এলো।

বিজয়া । তা হ'লে বাড়ীটা গেলে কোনও আত্মীয় 'কুটুম্বের ঘরেও তাঁর আশ্রয় পাবার ভরসা নেই বলুন ?

নরেন । একেবারেই না ।

বিজয়া । (মুহূর্ত্ত কাল নীরব থাকিয়া) তিনি যে কারও কাছেই যেতে চান না—নইলে এই মাসের শেষেই তো তাঁকে বাড়ী ছেড়ে দেবার নোটিশ দেওয়া হয়েছে—আর কেউ হ'লে অন্ততঃ আমার সঙ্গেও একবার দেখা করবার চেষ্টা করতেন ।

নরেন । হয়তো তার দরকার নেই, নয় ভাবে লাভ কি ? আপনি তো সত্যিই তাকে বাড়ীতে থাকতে দিতে পারেন না ।

বিজয়া । চিরকাল না পারলেও আর কিছু কাল থাকতে দেওয়া তো যায় । কিন্তু মনে হ'চ্ছে আপনার সঙ্গে তাঁর বিশেষ পরিচয় আছে । কি বলেন সত্যি না ?

নরেন । কিন্তু এদিকে সন্ধ্যা ঘনিয়ে আসছে যে ।

বিজয়া । আসুক ।

নরেন । আসুক ? অর্থাৎ, দেশের প্রতি আপনার সত্যিকার টান আছে ।

বিজয়া । (গম্ভীর হইয়া) তার মানে ?

নরেন । মানে এই যে সন্ধ্যা বেলায় এখানে দাঁড়িয়ে থেকে দেশের ম্যালেরিয়াটা পর্য্যন্ত না নিলে আপনার চলছে না ।

বিজয়া । (হাসিয়া) ওঃ, এই কথা ! কিন্তু দেশ তো আপনারও । ওটা আপনারও নেওয়া হয়ে গেছে বোধ হয় ? কিন্তু মুখ দেখে তো মনে হয় না ।

নরেন । ডাক্তারদের একটু সবুৰ করে নিতে হয় ।

বিজয়া । আপনিও কি ডাক্তার নাকি ?

নরেন । হাঁ ডাক্তার বটে, কিন্তু খুব ছোট্ট ডাক্তার ।

বিজয়া । 'তাহলে আপনি শুধু প্রতিবেশী ন'ন,—তঁার বন্ধু । তঁার সম্বন্ধে যে সব কথা আমি বলেছি হয়তো, গিয়ে তাঁকেই গল্প করবেন—না ?

নরেন । (হাসিয়া) কি গল্প করবো, বলেছেন একটা অপদার্থ হতভাগা লোক এই তো ? আপনার চিন্তা নেই এ অত্যন্ত পুরোণো কথা, এ তাকে সবাই বলে । নতুন করে বলবার দরকার নেই । তবে, বললে হয়তো সে কৌনদিন আপনার সঙ্গে দেখা করতে যেতে পারে ।

বিজয়া । আমার সঙ্গে দেখা করে তাঁর লাভ কি ? কিন্তু তাঁর সম্বন্ধে তো ঠিক ও-রকম কথা আপনাকে আমি বলি নি ।

নরেন । না ব'লে থাকলেও বলা উচিত ছিল ।

বিজয়া । উচিত ছিল ? কেন ?

নরেন । ঋণের দায়ে যাব বাস করবার গৃহ, যার সর্বস্ব বিক্রী হ'য়ে যায় তাকে সবাই হতভাগ্য বলে । আমরাও বলি । সুমুখে না পারলেও আভ্যন্তরে বলতে বাধা কি ?

বিজয়া । (হাসিয়া) আপনি তো তাঁর চমৎকার বন্ধু !

নরেন । (বাড় নাড়িয়া) হ্যাঁ, অভেদ্য বললেও চলে । এমন কি তার হ'য়ে আমি নিজে গিয়েই আপনাকে ধরতুম, যদি না জানতুম সং উদ্দেশ্যেই তার বাড়ীখানি আপনি গ্রহণ করছেন ।

বিজয়া । আচ্ছা, আপনার বন্ধুকে একবার রাসবিহারীবাবুর কাছে যেতে বলতে পারেন না ?

নরেন । কিন্তু তাঁর কাছে কেন ?

বিজয়া । তিনিই বাবার বিষয় সম্পত্তি দেখেন কিনা ।

নরেন । সে আমি জানি ; কিন্তু তাঁর কাছে গিয়ে লাভ নেই । সম্ভা হয়—আসি তবে,—নমস্কার ।

নরেন পুল পার হইয়া বনের ভিতর অদৃশ্য হইয়া গেল । বিজয়া সেই দিকেই চাহিয়া রহিল কানাই । এ বাবুটি কে মা-জী ?

বিজয়া । (বিজয়া চমকিয়া আপন মনে কহিল) কে তা তো জানি
নে । ঐ ঘাদের বাড়ীতে পূজো হ'চ্ছে তাঁদের ভাগ্নে ।

রাসবিহারীর প্রবেশ

রাস । তোমাকেই খুঁজছিলুম মা । খবর পেলুম তুমি নদীর দিকে
একটু বেড়াতে এসেছো । ভাল কথা—তাকে আমরা নোটিশ দিবেছি,
আবার আমরা যদি রদ্ করতে যাই আর পাঁচজন প্রজার কাছে সেটা কি
রকম দেখাবে ভেবে দেখ দিকি !

বিজয়া । একখানা চিঠি লিখে তাঁর কাছে পাঠিয়ে দিচ্ না । আমার
নিশ্চয়ই বোধ হচ্ছে তিনি শুধু অপমানের ভয়েই এখানে আস্তে আস্তে
করেন না ।

রাস । (বিক্রপের ভাবে) মহা মানী লোক দেখছি । তাই
অপমানটা ঘাড়ে নিয়ে আমাদেরই উপযাচক হ'য়ে তাঁকে থাকবার জন্তে
চিঠি লিখতে হবে ?

বিজয়া । (কাতর হইয়া) তাতে দোষ নেই কাকাবাবু—অবাচিত
দয়া করার মধ্যে লজ্জা নেই ।

রাস । (দীর্ঘ হাসিয়া) মা, তোমার জিনিস তুমি দান করবে আমি
বাদ সাধবো কেন ? আমি শুধু এইটুকুই দেখাতে চেয়েছিলুম যে বিলাস
যা করতে চেয়েছিল, তা স্বার্থের জন্তেও নয়, রাগের জন্তেও নয়—শুধু
কর্তব্য ব'লেই করতে চেয়েছিল । একদিন আমার বিষয় তোমার বাবার
বিষয় সব এক হ'য়েই তোমাদের দুজনের হাতে পড়বে । সেদিন বুদ্ধি
দেবার জন্তে এ বুড়োটাকে খুঁজে পাবে না মা ।

বিলাসের প্রবেশ

পরশে বিলাতী পোষাক, হাতে একটা ছোট ব্যাগ, অত্যন্ত ব্যস্তভাবে

বিলাস । এই যে তোমরা । বাবা, এখনো বাড়ী যাবার সময় পাই

নি, কল্‌কাতা থেকে ফিরেই শুনলুম তোমরা এসেছো নদীর তীরে বেড়াতে। বেড়ানো! বিরাট কার্যভার মাথায় নিয়ে কি ক'রে যে মানুষ আলশে সময় কাটাতে পারে আমি তাই শুধু ভাবি। বাবা, এক রকম সমস্ত কাজই প্রায় শেষ ক'রে এলুম। কাদের আহ্বান করতে হবে, কাদের ওপোর সেদিনের ভার দিতে হ'বে, কি কি ক'রতে হবে,—সমস্ত।

রাস। সমস্ত? বল কি? এর মধ্যে ক'রলে কি করে?

বিলাস। হ্যাঁ, সমস্ত। আমার কি আর নাওয়া-খাওয়া ছিল! বিজয়া, তুমি নিশ্চয়ই ভাবচো এই কটা দিন আমি রাগ ক'রে আসি নি। যদিও বাগ আমি করি নি, কিন্তু ক'রলেও সেটা কিছুমাত্র অত্যাচার হোতো না।

রাস। কানাই সিং, চলো ত বাবা একটু এগিয়ে হু'পা ঘুরে আসি গে। অনেকদিন নদীর এ-দিকটায় আসতে পারি নি।

কানাই সিং। চলিয়ে হুজুর। রাসবিহারী ও কানাই সিংহের প্রস্থান

বিলাস। তুমি স্বচ্ছন্দে চুপ ক'রে থাকতে পার, কিন্তু আমি পারি নে। আমার দায়িত্ব বোধ আছে। একটা বিরাট কার্যভার ঘাড়ে নিয়ে আমি কিছুতেই থাকতে পারি নে। আমাদের মন্দির-প্রতিষ্ঠা এই বড়দিনের ছুটিতেই হ'বে। সমস্ত স্থির হ'য়ে গেল। এমন কি নিমন্ত্রণ করা পর্যন্ত বাকি রেখে আসি নি। উঃ—কাল সকাল থেকে কি ঘোরাটাই না আমাকে ঘুরতে হ'য়েছে। বাকু ওদিকের সম্বন্ধে এক রকম নিশ্চিত হওয়া গেল, কারা কারা আসবেন তাও নোট করে এনেছি, প'ড়ে ছাখো অনেককেই চিন্তে পারবে।

দে ব্যাগ খুলিয়া হাতড়াইয়া কাগজখানা বাহির করিয়া ধরিল। বিজয়া গ্রহণ করিল

বটে কিন্তু তার মুখ দেখিয়া মনে হইল বিতৃষ্ণার সীমা নাই

বিলাস। ব্যাপার কি? এমন চুপচাপ যে?

বিজয়া। আমি ভাবছি, আপনি যে তাঁদের নিমন্ত্রণ ক'রে এলেন এখন তাঁদের কি বলা যায়?

বিলাস । তার মানে ?

বিজয়া । মন্দির-প্রতিষ্ঠা সম্বন্ধে আমি এখনও কিছু স্থির ক'রে উঠতে পারি নি ।

বিলাস । (সতীত্র বিশ্বাসে ও ততোধিক ক্রোধে বিলাসের মুখ ভীষণ হইয়া উঠিল । কিন্তু কণ্ঠস্বর তাহার পক্ষে যতটা সম্ভব সংযত করিয়া কহিল) তার মানে কি ? তুমি কি ভেবেচো আসচে ছুটির মধ্যে না করতে পারলে আর কখনো করা যাবে ? তারা তো কেউ তোমার—ইয়ে নন যে তোমার বখন স্রবিধে হবে তখনই তাঁরা ছুটে এসে হাজির হবেন । মন স্থির হয় নি তার অর্থ কি শুনি ?

বিজয়া । (মৃদুকণ্ঠে) এখানে ব্রহ্মমন্দির প্রতিষ্ঠার কোন সার্থকতা নেই । সে হবে না ।

বিলাস । (কিছুক্ষণ স্তম্ভিত থাকিয়া) আমি জানতে চাই তুমি যথার্থ ব্রাহ্ম-মহিলা কি না ।

বিজয়া । (তাহার মুখের দিকে নিঃশব্দে চাতিয়া থাকিয়া) আপনি বাড়ী থেকে শাস্ত হ'য়ে ফিরে না এলে আপনার সঙ্গে আলোচনা হ'তে পারবে না । একথা এখন থাক ।

বিলাস । আমরা তোমার সংস্রব পরিত্যাগ করতে পারি জানো ?

বিজয়া । সে আলোচনা আমি কাকাবাবুর সঙ্গে করবো, আপনার সঙ্গে নয় ।

বিলাস । আমরা তোমার সংস্পর্শ ত্যাগ করলে কি হয় জানো ?

বিজয়া । না ; কিন্তু আপনার দায়িত্ববোধ বখন এত বেশি তখন আমার অনিচ্ছায় যাদের নিমন্ত্রণ করে অপদস্থ করার দায়িত্ব গ্রহণ করেছেন তাঁদের ভার নিজেই বহন করুন । আমাকে অংশ নিতে অগ্ররোধ করবেন না ।

বিলাস । আমি কাজের লোক, কাজই ভালবাসি, খেলা ভালবাসি নে তা মনে রেখো বিজয়া ।

বিজয়া । (শান্ত স্বরে) আচ্ছা আমি ভুলবো না ।

বিলাস । (প্রায় চীৎকার করিয়া) হাঁ—বাতো না ভোলো সে আমি দেখবো । (বিজয়া কোন কথা না বলিয়া বাইবার উদ্যোগ করিল)

বিলাস । আচ্ছা, এত বড় বাড়ী তবে কি কাজে লাগবে শুনি ? এ তো আর শুধু শুধু ফেলে রাখা যেতে পারবে না ?

বিজয়া । (মুখ তুলিয়া দৃঢ়ভাবে) কিন্তু এ বাড়ী যে নিতেই হ'বে সে তো এখনও স্থির হয় নি ।

বিলাস । (রাগিয়া সজোবে মাটিতে পা ঠুকিয়া) হ'য়েছে, একশো-বার স্থির হ'য়েছে । আমি সমাজের মাত্র ব্যক্তিদের আহ্বান ক'রে এনে অপমান করতে পারবো না । এ বাড়ী আমাদের চাইই, এ আমি ক'বে তবে ছাড়বো । এই তোমাকে আমি জানিয়ে দিলুম ।

রাসবিহারী ফিরিয়া আসিলেন

বিলাস । শুন্ছো বাবা, বিড়য্য বনাছেন, এ এখন হবে না—এ অপমান—

রাস । হ'বে না ? কি হ'বে না ? কে বন্ডে হ'বে না ?

বিলাস । (আঙুল দিয়া দেখাইয়া) উনি বলছেন মন্দির-প্রতিষ্ঠা এখন হ'তে পারবে না ।

রাস । বিজয়া বন্ডেন হ'বে না ? বল কি ? আচ্ছা স্থির হও বাবা, স্থির হও । কোন অবস্থাতেই উতলা হ'তে নেই । আগে শুনি সব । নিমন্ত্রণ হ'য়ে গেছে ? হ'য়েছে । বেশ, সে তো আর প্রত্যাহার করা যায় না—অসম্ভব । এদিকে দিনও বেশি নেই, করতে হ'লে এর মধ্যেই সমস্ত আয়োজন সম্পূর্ণ করা চাই । এতে তো সন্দেহ নেই মা !

বিজয়া । কিন্তু তিনি স্বেচ্ছায় বাড়ী ছেড়ে না গেলে তো কিছুতেই হ'তে পারে না কাকাবাবু !

রাস। কার স্বেচ্ছায় বাড়ী ছাড়ার কথা বলছে। মা, জগদীশের ছেলের? সে তো বাড়ী ছেড়ে দিয়েছে—শোন নি?

বিজয়া। (বিজয়া বিলাসের দিক হইতে ফিরিয়া দাঁড়াইল। তাহার ঠোঁট কাঁপিতে লাগিল নিজেকে সংযত করিয়া) না শুনি নি। কিন্তু তাঁর জিনিসপত্র কি হোল? সমস্ত নিয়ে গেছেন?

বিলাস। (হাসির ভঙ্গিতে) শুনেচি থাকবার মধ্যে ছিল নাকি একটা ভাঙা খাট—তার ওপোরই বোধ করি তাঁর শয়ন চলতো। আমি সেটা বাইরে গাছতলায় টেনে ফেলে দেবার হুকুম দিয়ে কলকাতায় গিয়েছিলুম। আজ ষ্টেশনে নেবেই দরওয়ানের মুখে খবর পেলুম সেগুলো নেবার জন্তে আজ সকালে নাকি সে আবাব এসেছে। বা কিছু তার আছে নিয়ে বাক আমার কোন আপত্তি নেই।

রাস। তোমার দোষ বিলাস। মানুষ যেমন অপবাসীই হোক, ভগবান তাকে যত দণ্ডই দিন, তার দুঃখে আমাদের দুঃখিত হওয়া, সমবেদনা প্রকাশ করা উচিত। আমি বলছিনে যে অন্তরে তুমি তার জন্যে কষ্ট পাও না কিন্তু বাইরেও সেটা প্রকাশ করা কর্তব্য। তাকে একবার আমার সঙ্গে দেখা করতে বললে না কেন? দেখতুম—যদি কিছু—

বিলাস। তাঁর সঙ্গে দেখা ক'রে নিমন্ত্রণ করা ছাড়া আমাব ত আর কাজ ছিল না বাবা। তুমি কি যে বল তার ঠিক নেই। তা ছাড়া আমার পৌছুবার আগেই তো ডাক্তার সাহেব তাঁর তোরঙ্গ-প্যাটারা বন্ধপাতি গুটিয়ে নিয়ে সরে পড়েছেন। বিলাতের ডাক্তার! একটা অপদার্থ humbug কোথাকার।

রাস। না বিলাস, তোমার এরকম কথাবার্তা আমি মার্জনা করতে পারি নে। নিজের ব্যবহারে তোমার লজ্জিত হওয়া উচিত।—অনুতাপ করা উচিত।

বিলাস। কি জন্তে শুনি? পরের দুঃখে দুঃখিত হওয়া পরের ক্রেশ

নিবারণ করার শিক্ষা আমার আছে, কিন্তু যে দাস্তিক বাড়ী বয়ে অপমান করে যায়—তাকে আমি মাপ করি নে। অত ভণ্ডামি আমার নেই।

রাস। কে আবার তোমাকে বাড়ী ব'য়ে অপমান করে গেল? কার কথা তুমি বলছো?

বিলাস। জগদীশবাবুর স্ত্রীপুত্র নরেনবাবুর কথাই বলছি বাবা! তিনি একদিন গুর ঘরে বসেই আমাকে অপমান করে গিয়েছিলেন। তখন তাকে চিন্তুম না তাই—(বিজয়াকে দেখাইয়া) নইলে গুকেও অপমান ক'রে যেতে সে বাকি রাখে নি। তোমরা জানো সে কথা? (বিজয়ার প্রতি) পূর্ণবাবুর ভাণ্ডে ব'লে নিজের পরিচয় দিয়ে যে তোমাকে পর্যন্ত সেদিন অপমান ক'রে গিয়েছিল সে কে? তখন যে তাকে ভারী প্রশ্রয় দিলে! সেই নরেন। তখন নিজের যথার্থ পরিচয় দিতে যদি সে পারতো—তবেই বলতে পারতুম সে পুরুষ মানুষ। ভণ্ড কোথাকার?

বিজয়া। তিনিই নরেনবাবু? দরওয়ান পাঠিয়ে তাঁকেই বাড়ী থেকে বার করে দিয়েছেন? আমারই নাম করে? আমারই দেনার দায়ে?

ক্রোধে ও ক্ষোভে সে যেন ছুটিয়া চলিয়া গেল

রাস। (হতবুদ্ধিভাবে) এ আবার কি?

বিলাস। আমি তার কি জানি!

রাস। যদি জানো না তো অত কথা দস্ত করে বলতেই বা গেলে কেন? গোড়া থেকে গুনচো জগদীশের ছেলের ওপর ও জোর জবরদস্তি চায় না, তবুও—

বিলাস। অত ভণ্ডামি আমি পারি নে। আমি সোজা পথে চলতে ভালবাসি।

রাস। তাই বেসো। সোজাপথ ও-ই একদিন তোমাকে আশ মিটিয়ে দেখিয়ে দেবে'খন। সোজা পথ! সোজা পথ!

বলিতে বলিতে তিনি দ্রুতপদে নিজাস্ত হইয়া গেলেন

দ্বিতীয় অঙ্ক

প্রথম দৃশ্য

বিজয়ার বসিবার ঘর

বিজয়া বাহিরে কাহার প্রতি যেন একদৃষ্টে চাহিয়াছিল—পরে উঠিয়া জানালার কাছে গিয়া তাহাকে ইঞ্জিতে আহ্বান করিতে একটি বালক প্রবেশ করিল—খালি গা, কোঁচড়ে মুড়ি তখনও চিবানো শেষ হয় নাই।

পরেশ। ডাকছিলে কেন মা ঠাকরণ ?

বিজয়া। কি করছিলি রে ?

পরেশ। মুড়ি খাচ্ছি।

বিজয়া। এ কাপড়খানা তোকে কে কিনে দিলে পরেশ ? নতুন দেখছি যে !

পরেশ। হুঁ নতুন। মা কিনে দিয়েছে।

বিজয়া। এই কাপড় কিনে দিয়েছে ! ছি ছি কি বিশ্রী পাড় রে !
(নিজের শাড়ীর চওড়া সুন্দর পাড়খানি দেখাইয়া) এমন ধারা পাড় নইলে কি তোকে মানায় ?

পরেশ। (ঘাড় নাড়িয়া সায় দিয়া) মা কিচ্ছু কিন্তে জানে না।
তোমাকে কে কিনে দিলে ?

বিজয়া। আমি আপনি কিনেছি।

পরেশ। আপনি ? দামটা কত পড়ল শুনি ?

বিজয়া। তোর তাতে কি রে ? কিন্তু ছাথ আমি তোকে এমন
একখানা কাপড় কিনে দিই যদি তুই—

পরেশ। কখন কিনে দেবে ?

বিজয়া ।* কিনে দিই যদি তুই একটা কথা শুনি। কিন্তু তোর মা কি আর কেউ যেন না জানতে পারে ।

পরেশ । মা জানবে ক্যামনে ? তুমি বলো না—আমি এফুনি শুন্বো !

বিজয়া । তুই দিঘড়া চিনি। ?

পরেশ । ওইতো হোথা ! গুটিপোকা খুঁজতে কতদিন তো দিঘড়ে বাই ।

বিজয়া । ওখানে সব চেয়ে কাদের বড়ো বাড়ী তুই জানিস ?

পরেশ । হিঁ—বামুনদের গো ! সেই যে আর বছর রসথেয়ে যে ছাত থেকে ঝাঁপিয়ে পড়েছিল, তেনাদের । এই যেন হেথায় গোবিন্দর মুড়ি-বাতাসার দোকান, আর ওই হোথা তেনাদের কোটা । গোবিন্দ কি বদো জানো মা ঠাকুরণ ! বলে সব মাগিয় গোঙা—আধ পয়সায় আর আড়াই গোঙা বাতাসা মিলবে না এখন মোটে দু গোঙা ! কিন্তু তুমি যদি একসঙ্গে গোটা পয়সার আনতে দাও তো আমি পাঁচগোঙা আনতে পারি ।

বিজয়া । তুই দু পয়সার বাতাসা কিনে আনতে পারিস ?

পরেশ । হিঁ, এ হাতে এক পয়সার পাঁচগোঙা গুণে নিয়ে বল্বো—দোকানি, এ হাতে আরো পাঁচগোঙা গুণে দাও । দিলে বল্বো—মাঠা'ন বলে' দে'ছে ছুটো ফাউ দিতে—না ? তবে পয়সা ছুটো দেব—না ?

বিজয়া । (হাসিয়া) হাঁ, তবে পয়সা ছুটো হাতে দিবি । আর অমনি দোকানীকে জিজ্ঞেস করবি—ওই যে বড়ো বাড়ীতে নরেনবাবু থাকতো—সে কোথায় গেছে ? কি রে পারবি তো ?

পরেশ । (মাথা নাড়িয়া) আচ্ছা পয়সা ছুটো দাও না তুমি—আমি ছুটে গিয়ে নিয়ে আসি ।

বিজয়া । (তাহার হাতে পয়সা দিয়া) বাতাসা হাতে পেয়ে ভুলে যাবি নে তো ?

পরেশ । নাঃ—(বলিয়াই দৌড় দিল । বিজয়া ফিরিয়া আসিয়া একটা চৌকিতে বসিতেই পরেশের মা প্রবেশ করিল)

পরেশের মা । পরেশকে বুঝি কোথাও পাঠালে দিদিমণি ? সে উকুমুখে ছটেছে । ডাকলুম সাড়া দিলে না ।

বিজয়া । (হাসিয়া) ও—পরেশ ছটেছে বুঝি ? তবে নিশ্চয় দিঘড়ায় বাতাসা কিন্তে দৌড়েছে । হঠাৎ আমার কাছে ছুটো পয়সা পেলে কিনা !

পরেশের মা । কিন্তু বাতাসা তো কাছেই মেলে—সেখানে কেন ?

বিজয়া । কি জানি সেখানে কে এক গোবিন্দ দোকানি আছে সে নাকি একটু বেশি দেয় ।

পরেশের মা । বইগুলো যে গুছিয়ে তোলবার কথা ছিল—তুলবে না ?

বিজয়া । এখন থাকগে পরেশের মা !

পরেশের মা । একটা কথা তোমায় বলতে চাই দিদিমণি, ভয়ে বলতে পারি নে ।

বিজয়া । কেন, তোমার ভয়টা কিসের ? কি কথা ?

পরেশের মা । কালীপদ বলছিলো সে তো আর টিকতে পারে না । ছোটবাবু তাকে ছ' চক্ষে দেখতে পারেন না । বখন তখন ধমকানি । ও ছিল কর্তাবাবুর থান্সামা—অভ্যেস ছিল কলকাতায় থাকার । কাল নাকি ছোটবাবু তাকে হুকুম দিয়েছেন তার এখানে কাজ কম, উড়ে মালীর সঙ্গে বাগানে খাটতে হ'বে । নইলে জবাব দেওয়া হ'বে । বয়েস হ'য়েছে পারবে কেন বাগানে গিয়ে কোদাল পাড়তে দিদি !

বিজয়া । (দৃঢ়কণ্ঠে) না, তাকে কোদাল পাড়তে হবে না । ছোটবাবুকে আমি ব'লে দেবো ।

পরেশের মা । আমাদের যত্ন ঘোষ গোমস্তা মশাই বলছিল যে—

বিজয়া । এখন থাক পরেশের মা । আমার একখানি দরকারী চিঠি লেখবার আছে পরে শুনবো । এখন তুমি যাও ।

পরেশের মা । আচ্ছা যাচ্ছি দিদিমণি ।

পরেরেশের মা চলিয়া গেলে বিজয়া জানালায় কাছে গিয়া বাহিরে উঁকি মারিয়া দেখিল
কিন্তু পরক্ষণেই ফিরিয়া আসিয়া একটা চিঠির কাগজ টানিয়া লইয়া লিখিতে
বসিল। কালীপদ দ্বারের কাছে মুখ বাড়াইয়া ডাকিল

কালীপদ। মা।

বিজয়া। (মুখ তুলিয়া) পরেশের মাকে তো বলতে ব'লে দিয়েছি
কালীপদ, বাগানে গিয়ে তোমাকে কাজ কর্তে হ'বে না।

কালী। কিন্তু ছোটবাবু—

বিজয়া। সে তাঁকে আমি বলে দেবো তোমার ভয় নেই। আচ্ছা
যাও এখন।

কালী। যে কাপড়গুলো রোদে দেওয়া হয়েছে সে যে—

বিজয়া। এখন থাক্ কালীপদ। এই দরকারী চিঠিটা শেষ না ক'রে
আমি উঠতে পারবো না।

কালীপদ প্রস্থান করিলে বিজয়া উঠিয়া আর একবার জানালাটা খুলিয়া আসিয়া বসিল।

চিঠির কাগজটা ঠেলিয়া দিয়া খবরের কাগজ টানিয়া লইল। ভাবে

বোধ হয় অতিশয় চঞ্চল, কিছুতেই মন দিতে পারে না

যহু। (নেপথ্য হইতে ডাকিল) মা?

বিজয়া। কে?

যহু। (দরজার নিকট হইতে) আমি যহু। একবার আসতে পারি কি?

বিজয়া। না যহুবাবু, এখন আমার সময় নেই। আপনি আর কোন
সময়ে আসবেন।

যহু। আচ্ছা মা!

প্রস্থান

বিজয়া কাগজ পড়িতেছিল। অস্তু ধার দিয়া অত্যন্ত সন্তুর্ণণে পরেশ প্রবেশ

করিল। বিজয়া উঠিয়া দাঁড়াইয়া অত্যন্ত ব্যগ্রকর্তে প্রশ্ন করিল

বিজয়া। দোকানি কি বল্লে পরেশ?

পরেশ। (বস্ত্রাঞ্চলে লুকানো বাতাসার প্রতি ইঙ্গিত করিয়া)
বাতাসা তো? পরসায় ছ গুণা ক'রে!

বিজয়া । আরে না, না,—সে নরেনবাবুর কথা কি বল্লে বল্ না ?

পরেশ । (মাথা নাড়িয়া) জানি নে । দোকানি পয়সায় ছ'গুণার কথা কাউকে বল্তে মানা ক'রে দেছে । বলে কি জান মা ঠাকরণ—

বিজয়া । তুই নরেনবাবুর কথা কি জেনে এলি তাই বল্ না ?

পরেশ । সে হোথা নেই— কোথায় চ'লে গেছে । গোবিন্দ বলে কি জান মা-ঠান্ ? বলে বারো গুণাব—

বিজয়া । (রুক্ষস্বরে) নিয়ে যা তোর বারো গুণা বাতাসা আমার স্নুখ থেকে ।

বিজয়া জানালার কাছে সরিয়া গিয়া দাঁড়াইল

পরেশ । (ঠোঙা দুইটা হাতে করিয়া) এব বেশি বে দেয় না মা-ঠান্ !

বিজয়া । (একটু পরে মুখ ফিরাইয়া কহিল) পরেশ ওগুলো তুই খেগে যা ।

বলিয়া পুনরায় জানালার বাহিরে চাহিয়া রহিল

পরেশ । (সভয়ে) সব খাবো ?

বিজয়া । (মুখ না ফিরাইয়া) হাঁ, সব খেগে যা । ওতে আমার কাজ নেই ।

পরেশ । এব বোশ দিলে না যে মা-ঠান্ । কত তারে বল্ছি ।

বিজয়া । না দিক্ গে । আমি রাগ করি নি পরেশ, বাতাসা তুই নিয়ে যা—খেগে ।

পরেশ । সব একলা খাবো ? (একটু চুপ করিয়া) কাণা ভট্টচাখি মশায়ের কাছে গিয়ে জেনে আস্বে মা-ঠান্ ?

বিজয়া । কে কাণা ভট্টচাখিমশাই রে ? কি জেনে আস্বে ?

পরেশ । জেনে আস্বে কোথায় গেছে নরেন্দ্রবাবু ?

মুখ ফিরাইতেই দেখিল নরেন ঘরে প্রবেশ করিতেছে, তাহার হাতে একটা চামড়ার

বাল্ল । নীচে সেটা রাখিয়া দিয়া হাত তুলিয়া বিজয়াকে নমস্কার করিল

বিজয়া। (লজ্জিত হইয়া) যা যা আর জিজ্ঞাসা করবার দরকার নেই। তুই যা!

পরেশ। (ক্ষুব্ধ স্বরে) কাণা ভট্টাচার্য্যমশাই তেনাদের পাশের বাড়ীতেই থাকে কিনা। গোবিন্দদোকানি বললে, নরেন্দরবাবুর খবর তিনিই জানেন।

বিজয়া। (শুদ্ধ হাসিয়া) আসুন বসুন। (পরেশের প্রতি) তুই এখন যা না পরেশ। ভারি তো কথা—তার আবার—সে আরেকদিন তখন জেনে আসিস না হয়। এখন যা—

পরেশ কিছু না বুঝিয়া চলিয়া গেল

নরেন। আপনি নরেনবাবুর খবর জানতে চান? তিনি কোথায় আছেন এই?

বিজয়া। (একটু ইতস্তত করিয়া) হা, তা সে একদিন জানলেই হ'বে।

নরেন। কেন? কোন দরকার আছে?

বিজয়া। দরকার ছাড়া কি কেউ কারো খবর রাখতে চায় না?

নরেন। কেউ কি করে না করে সে ছেড়ে দিন। কিন্তু আপনার সঙ্গে তো তার সমস্ত সম্বন্ধ চুকে গেছে। আবার কেন তার সন্ধান নিচ্ছেন? ঋণ কি এখনো সব শোধ হয়নি? (বিজয়া নীরব রহিল) যদি আরও কিছু দেনা বার হ'য়ে থাকে, তা হ'লেও আমি যতদূর জানি, তার এমন কিছু আর নেই যা থেকে সেই বাকী টাকা শোধ হ'তে পারে। এখন আর তার খোঁজ করা বৃথা।

বিজয়া। কে আপনাকে বললে, আমি দেনার জন্তেই তাঁর সন্ধান করছি?

নরেন। তা ছাড়া আর যে কি হ'তে পারে, আমি তো ভাবতে পারি নে। তিনিও আপনাকে চেনেন না আপনিও তাঁকে চেনেন না।

বিজয়া। তিনিও আমাকে চেনেন আমিও তাঁকে চিনি!

নরেন। তিনি আপনাকে চেনেন একথা সত্যি, কিন্তু আপনি তাঁকে চেনেন না।

বিজয়া। কে বললে আমি তাঁকে চিনি না?

নরেন। আমি জানি। ধরুন, আমিই যদি বলি আমার নাম নরেন তাতেও তো আপনি না বলতে পারবেন না।

বিজয়া। না বলতে সত্যিই পারবো না, এবং আপনাকেও বলবো এই সত্যি কথাটা আপনারও অনেক পূর্বেই আমাকে বলা উচিত ছিল। (নরেন মলিনমুখে নীরব হইয়া রহিল) অন্ত পরিচয়ে নিজের আলোচনা শোনা আর লুকিয়ে আড়ি পেতে শোনা দুটোই কি আপনার সমান বলে মনে হয় না নরেনবাবু? আমার তো হয়। তবে কিনা আমরা ব্রাহ্ম সমাজের আর আপনারা হিন্দু এই বা প্রভেদ।

নরেন। (একটুখানি মোন থাকিয়া) আপনার সঙ্গে অনেক রকম আলোচনার মধ্যে নিজের আলোচনাও ছিল বটে, কিন্তু তাতে মন্দ অভিপ্রায় কিছুই ছিল না। শেষ দিনটায় পরিচয় দেবো মনেও করেছিলাম, কিন্তু কি জানি, কেন হ'য়ে উঠলো না। কিন্তু এতে তো আপনার কোন ক্ষতি হয় নি!

বিজয়া। ক্ষতি একজনের তো কত রকমেই হ'তে পারে নরেনবাবু। আর যদি হ'য়ে থাকে সে হ'য়েই গেছে। আপনি এখন আর তার উপায় করতে পারবেন না। সে থাক্, কিন্তু এখন যদি সত্যিই আপনার নিজের সম্বন্ধে কোন কথা জানতে চাই তাহলে কি—

নরেন। রাগ করবো? না—না—না!

প্রশান্ত নির্মলহাস্তে তাহার মুখ উজ্জ্বল হইয়া উঠিল

বিজয়া। আপনি এখন আছেন কোথায়?

নরেন। গ্রামান্তরে আমার দূর সম্পর্কের এক পিসী এখনো বেঁচে আছেন, তাঁর বাড়ীতেই গিয়েছি।

বিজয়া । কিন্তু আপনার সম্বন্ধে যে সামাজিক গোলযোগ আছে তা কি সে গ্রামের লোকেরা জানে না ?

নরেন । জানে বৈকি !

বিজয়া । তবে ?

নরেন । (একটুখানি ভাবিয়া) তাঁদের যে ঘরটায় আছি সেটাকে ঠিক বাড়ীর মধ্যে বলাও যায় না ; আর আমার অবস্থা শুনেও বোধকরি সামান্য কিছুদিনের জন্তে তাঁর ছেলেরা আপত্তি করে নি । তবে বেশি দিন বাড়ীতে থেকে তাঁদের বিরত করা চলবে না সে ঠিক । (একটু চুপ করিয়া) আচ্ছা সত্যি কথা বলুন তো, কেন এসব খোঁজ নিচ্ছিলেন ? বাবার কি আরও কিছু দেনা বেরিয়েছে ? (বিজয়া চেষ্টা করিয়াও কোন কথা কহিতে পারিল না) পিতৃঋণ কে না শোধ করতে চায় ? কিন্তু সত্যি বলছি আপনাকে স্বনামে বেনামে এমন কিছু আমার নেই যা বেচে টাকা দিতে পারি । শুধু এই microscopeটা আছে । এটা কলকাতায় নিয়ে যাচ্ছি— যদি কোথাও বেচে অল্পটুকু যাবার খরচ যোগাড় করতে পারি । পিসীমার অবস্থাও খুব খারাপ । এমন কি খাওয়া দাওয়া পর্য্যন্ত—(বিজয়া মুখ ফিরাইয়া আর একদিকে চাহিয়া রহিল) তবে যদি দয়া ক'রে কিছু সময় দেন, তাহলে বাবার দেনা যতই হোক—আমি নিজের নামে লিখে দিয়ে যেতে পারি । ভবিষ্যতে শোধ দিতে প্রাণপণ চেষ্টা করবো । আপনি রাসবিহারীবাবুকে একটু বললেই তিনি এ বিষয়ে এখন আর আমাকে পীড়াপীড়ি করবেন না ।

বিজয়া । বেলা প্রায় তিনটা বাজে আপনার খাওয়া হয়েছে ?

নরেন । হাঁ, হয়েছে একরকম । কলকাতা যাবো ব'লেই বেরিয়েছি কিনা ; পথে ভাবলুম একবার দেখা করে যাই । তাই হঠাৎ এসে পড়লুম ।

বিজয়া । কিন্তু, আপনার মুখ দেখে মনে হয় যেন খাওয়া এখনও হয়নি ।

নরেন । (সহাস্তে) গরীব দুঃখীদের মুখের চেহারা এই রকম—

খাওয়ার ছবিটা সহজে ফুটতে চায় না। আপনাদের সঙ্গে আমাদের তফাৎ এখানে !

বিজয়া। তা জানি ! আচ্ছা আপনার microscopeএর দাম কত ?

নরেন। কিন্তে আমার পাঁচশো টাকার বেশি লেগেছিল, এখন আড়াইশো টাকা—দুশো টাকা পেলেও আমি দিই। একেবাবে নতুন আছে বললেও হয়।

বিজয়া। এত কমে দেবেন ? আপনাব কি ওর সব কাজ শেষ হ'য়ে গেছে ?

নরেন। কাজ ? কিছুই হয়নি।

বিজয়া। আমার নিজের একটা অনেকদিন থেকে কেন্‌বার সখ আছে—কিন্তু হ'য়ে ওঠে নি। আর কিনেই বা কি হবে ? কলকাতা ছেড়ে চলে এসেছি ; এখানে শিখবোই বা কি করে ?

নরেন। 'আমি সমস্ত শিখিয়ে দিয়ে যাবো। দেখবেন ? (বিজয়ার সম্মতির অপেক্ষা না করিয়াই microscopeটা বাহির করিয়া একটি ছোট টিপায়ার উপর রাখিয়া যন্ত্রটা দেখিবার মত করিয়া লইল) আপনি ঐ চেয়ারটায় বসুন। আমি এক্ষুণি সমস্ত দেখিয়ে দিচ্ছি। অনুবীক্ষণ যন্ত্রটির সঙ্গে যাদের সাক্ষাৎ পরিচয় নেই, তারা ভাবতেও পারে না কতবড় বিস্ময় এই ছোট জিনিসটার ভিতর লুকানো আছে। এই slideটা ভারী স্পষ্ট। জীবজগতের কত বড় বিস্ময়ই না এইটুকুর মধ্যে র'য়েছে। এই দেখুন—(বিজয়া যন্ত্রটায় চোখ রাখিয়া দেখিতে লাগিল) কেমন দেখতে পাচ্ছেন তো ?

বিজয়া। হাঁ পাচ্ছি। ঝাপ্সা ধোঁয়ায় সব একাকার দেখাচ্ছে।

নরেন। ধোঁয়া ? দাঁড়ান—দাঁড়ান—বোধ হয়—(কল-কজা কিছু কিছু ঘুরাইয়া নিজে দেখিয়া লইয়া মুখ তুলিয়া) এইবার দেখুন। ঐ যে ছোট্ট একটুখানি—কেমন আর তো ঝাপ্সা নেই ?

বিজয়া । না । এবার বাপ্সার বদলে ধোঁয়া খুব গাঢ় হয়েছে ।

নরেন । গাঢ় হয়েছে ? তা কি করে হবে ?

বিজয়া । (মুখ তুলিয়া) সে আমি কি করে জানবো ? ধোঁয়া দেখলে কি আগুন দেখছি বলবো ?

নরেন । তাই কি আমি বলছি ? এই ক্ষুট্টা ঘুরিয়ে ফিরিয়ে নিজের চোখের মতো করে নিন্ না ? এতে শক্তটা আছে কোন্ খানে ?

বিজয়া কলে চোখ পাতিয়া হাত দিয়া ক্ষুট্টা ঘুরাইতেছিল—নরেন ব্যস্ত হইয়া

নরেন । আগু হা করেন কি ? কত ঘুরোচ্ছেন,—এ কি চরকা ? দাঁড়ান, আমি ঠিক করে দিই । এই বার দেখুন (বিজয়া পুনরায় দেখিবার চেষ্টা করিতে লাগিল) কেমন পেলেন দেখতে ?

বিজয়া । না ।

নরেন । না কেন ? বেশ তো দেখা যাচ্ছে—পেলেন দেখতে ?

বিজয়া । না ।

নরেন । আপনার পেয়েও কাজ নেই । এমন মোটা বুদ্ধি আমি ভুলে দেখি নি ।

বিজয়া । মোটা বুদ্ধি আমার, না আপনি দেখাতে জানেন না ?

নরেন । (অল্পতপ্ত কর্তে) আর কি করে দেখাবো বলুন ? আপনার বুদ্ধি কিছু আর সত্যিই মোটা নয়, কিন্তু আমার নিশ্চয় বোধ হ'চ্ছে আপনি মন দিচ্ছেন না । আমি ব'কে মব্ছি আর আপনি মিছামিছি ওটাতে চোখ রেখে মুখ নিচু করে হাসছেন ।

বিজয়া । কে বললে আমি হাসছি ?

নরেন । আমি বলছি ।

বিজয়া । আপনার ভুল ।

নরেন । আমার ভুল ? অচ্ছা বেশ । বস্তুটা তো আর ভুল নয়, তবে কেন দেখতে পেলেন না ?

বিজয়া । যন্ত্রটা আপনার খারাপ ।

নরেন । (বিস্ময়ে) খারাপ ? আপনি জানেন এ রকম powerful microscope এখানে বেশি লোকের নেই ? এমন বড় এবং স্পষ্ট দেখাতে ।

বলিয়া স্বচক্ষে একবার যাচাই করিয়া নইবার অতি ব্যগ্রতায় ঝুঁকিতে

গিয়া দু'জনের মাথা ঠুকিয়া গেল

বিজয়া । উঃ । (মাথায় হাত বুলাইতে বুলাইতে) মাথা ঠুকে দিলে কি হয় জানেন ? শিঙ্ বেরোয় ।

নরেন । শিঙ্ বেরুলে আপনার মাথা থেকেই বেকনো উচিত ।

বিজয়া । তা বই কি ? এই পুরাণো ভাঙা microscopeকে ভাল বলি নি ব'লে—আমাব মাথাটা শিঙ্ বেরুবার মত মাথা ।

নরেন । (শুষ্ক হাসি হাসিয়া) আপনাকে সত্যি বন্ছি এটা ভাঙা নয় । আমার কিছু নেই ব'লেই আপনাব সন্দেহ হ'চ্ছে, আমি ঠকিয়ে টাকা নেবার চেষ্টা করছি, কিন্তু আপনি পরে দেখবেন ।

বিজয়া । পরে দেখে আর কি ক'রবো বলুন ? তখন আপনাকে আমি পাবো কোথায় ?

নরেন । (তিক্ত স্বরে) তবে কেন বল্লেন আপনি নেবেন ? কেন এতক্ষণ মিথ্যে কষ্ট দিলেন ? আমার কলকাতা যাওয়া আজ আর হ'লো না ।

বিজয়া । (গম্ভীর ভাবে) আপনিই বা কেন না বল্লেন এটা ভাঙা !

নরেন । (মহা বিরক্ত হইয়া) একশো বার বন্ছি ভাঙা নয় তবু বলবেন ভাঙা ? (ক্রোধ সম্বরণ করিয়া উঠিয়া দাঁড়াইয়া) আচ্ছা তাই ভালো ! আমি আর তর্ক করতে চাই নে এটা ভাঙাই বটে । কিন্তু সবাই আপনার মতো অন্ধ নয় । আচ্ছা চল্লুম ।

যন্ত্রটা বাস্তবের মধ্যে পুরিবার উপক্রম করিল

বিজয়া । (গম্ভীর ভাবে) এখুনি বাবেন কি করে ? আপনাকে যে খেয়ে যেতে হবে !

নরেন । না তার দরকার নেই ।

বিজয়া । কে বললে নেই ?

নরেন । কে বললে ? আপনি মনে মনে হাসছেন ? আমাকে কি উপহাস করছেন ?

বিজয়া । আপনাকে কিন্তু নিশ্চয় খেয়ে যেতে হবে । একটু বসুন আমি এখুনি আসছি !

বিজয়া বাহির হইয়া গেল । নরেন microscopeটা বাস্তুর মধ্যে পুরিয়া টিপয হইতে নামাইয়া রাখিল । বিজয়া স্বহস্তে খাবারের থালা এবং কালীপদর হাতে চায়ের সরঞ্জাম দিয়া ফিরিয়া আসিল ।

এব মধ্যেই ওটা বন্ধ ক'বে ফেলেছেন ? আপনার রাগ তো কম নয় ?

নরেন । (উদাস কণ্ঠে) আপনি নেবেন না তাতে রাগ কিসের ? শুধু খানিকক্ষণ বকে মশলুম এই বা !

বিজয়া । (থালাটা টেবিলের উপর রাখিয়া) তা হতে পারে । কিন্তু যেটুকু বকেছেন, সেটুকু নিছক নিজের জন্তে । একটা ভাঙা জিনিস গছিয়ে দেবার মতলবে । আচ্ছা, খেতে বসুন আমি চা তৈরী ক'রে দিই । (নরেন সোজা বসিয়া রহিল) আচ্ছা । আমিই না হয় নেবো আপনাকে ফিরিয়ে নিয়ে যেতে হবে না । আপনি খেতে আরম্ভ করুন ।

নরেন । আপনাকে দয়া করতে তো আমি অনুরোধ করি নি ।

বিজয়া । সেদিন কিন্তু করেছিলেন । বেদিন আমার হ'য়ে পূজোর স্তুপারিশ করতে এসেছিলেন ।

নরেন । সে পরের জন্তে, নিজের জন্তে নয় । এ অভ্যাস আমার নেই ।

বিজয়া । তা সে বাই হোক, ওটা কিন্তু আর আপনার ফিরিয়ে নিয়ে যাওয়া চলবে না । এখানেই থাকবে ৷ এবার খেতে বসুন ।

নরেন । এ কথার মানে ?

বিজয়া । মানে একটা কিছু আছে বই কি ?

নরেন । (ক্রুদ্ধ হইয়া) সেইটে কি তাই আমি আপনার কাছে শুন্তে চাইছি । আপনি কি ওটি আটকে রাখতে চান ? এও কি বাবা আপনার কাছে বাঁধা রেখেছিলেন ? আপনি তো দেখছি তা হ'লে আমাকেও আটকাতে পারেন, বলতে পারেন বাবা আমাকেও আপনার কাছে বাঁধা দিয়ে গেছেন ?

বিজয়া । (আরক্ত মুখে ঘাড় ফিরাইয়া) কালীপদ, তুই দাঁড়িয়ে কি করছিস্ । পান নিয়ে আয় । (কালীপদ চায়ের সরঞ্জাম টেবিলে রাখিয়া চলিয়া গেল) নিন্ বগড়া করবেন না—এবার খেয়ে নিন্ ।

নরেন নিঃশব্দে গম্ভীর মুখে আহার করিতে লাগিল

নরেন । শুন্ ।

বিজয়া । শুন্বো পরে । আগে পেট ভ'রে থান্ ।

নরেন । অনেক তো খেলুম ।

বিজয়া । আরও অনেক যে প'ড়ে রইল ।

নরেন । তা ব'লে আমি কি করবো ? আর আমি পারবো না ।

বিজয়া । তা জানি, আপনার কোন-কিছু পারবারই শক্তি নেই !
আচ্ছা, microscope দেখতে শিখে আমার কি লাভ হবে ?

নরেন । (সবিস্ময়ে) দেখতে শিখে কি লাভ হবে ?

বিজয়া । ঠাঁ, তাই তো । এ শেখায় লাভ যদি আমাকে বুঝিয়ে দিতে পারেন আমি খুসী হ'য়ে ওটা কিন্বো, তা যতই কেন না ভাঙা হোক ।

নরেন। কিনিতে হবে না আপনাকে।

বিজয়া। বেশ তো বুঝিয়েই দিচ্ না।

নরেন। দেখুন আপনাকে দেখাতে চেয়েছিলুম—জীবাণুর গঠন। খালি চোখে ওদের দেখা যায় না—বেন অস্তিত্বই নেই। ওদের ধরা যায় সূক্ষ্ম ঐ যন্ত্রটার মধ্য দিয়ে। সৃষ্টি ও প্রলয়ের কত বড় শক্তি নিয়ে যে ওরা পৃথিবীময় ব্যাপ্ত হ'য়ে আছে—ওদের সেই জীবন ইতিহাস—কিন্তু আপনি তো কিছু শুনছেন না।

বিজয়া। শুনছি বই কি।

নরেন। কি শুনলেন বলুন তো ?

বিজয়া। বাঃ এক দিনেই নাকি শুনে শেখা যায় ? আপনিই বুঝি একদিনে শিখেছিলেন ?

নরেন। (হো হো করিয়া হাসিয়া) কিন্তু আপনারা*বে একশো বছরেও হবে না। তা ছাড়া এ সব আপনাকে শেখাবেই বা কে ?

বিজয়া। (মুখ টিপিয়া হাসিয়া) কেন আপনি। নৈলে এই ভাঙা কল্টা আমি ছাড়া আর কে নেবে ?

নরেন। আপনার নিয়েও কাজ নেই, আমি শেখাতেও পারবো না।

বিজয়া। পারতেই হবে আপনাকে। জিনিস বিক্রী ক'রে যাবেন আপনি, আর শেখাতে আসবে আর এক জন ? না হয়তো আর এক কাজ করুন, শুনেছি আপনি ভাল ছবি আঁকতে পারেন। তাই আমাকে শিখিয়ে দিচ্। এ তো শিখতে পারবো।

নরেন। (উত্তেজিত হইয়া) তাও না। যে বিষয়ে মাত্রষের নাওয়া খাওয়া জ্ঞান থাকে না—তাতেই যখন মন দিতে পারলেন না—মন দেবেন ছবি আঁকতে ? কিছুতেই না।

বিজয়া। তা হলে ছবি আঁকতেও শিখতে পারবো না ?

নরেন। না। আপনি যে কিছুই মন দিয়ে শোনেন না !

বিজয়া । (ছদ্ম গাভীরোর সহিত) কিছুই না শিখতে পারলে কিন্তু সত্যিই মাথায় শিঙ্ বেরোবে ।

নরেন । (উচ্চ হাস্য করিয়া) সেই হ'বে আপনার উচিত শাস্তি ।

বিজয়া । (মুখ ফিরাইয়া হাসি গোপন করিয়া) তা বই কি ! আপনার শেখাবার ক্ষমতা নেই তাই কেন বলুন না । কিন্তু চাকরেরা কি ক'রছে ? আলো দেয় না কেন ? একটু বসুন আমি আলো দিতে বলে আসি ।

বিজয়া দ্রুতপদে উঠিয়া দ্বারের পর্দা সরাইয়া অকস্মাৎ যেন ভূত দেখিয়া পিছাইয়া আসিল । পিতাপুত্র রাসবিহারী ও বিলাসবিহারী প্রবেশ করিয়া হাতের কাছে দু'খানা চেয়ার অধিকার করিয়া বসিলেন । বিলাসের মুখের উপর যেন এক ছোপ্ কালি মাথানো, এমনি বিস্মী চেহারা । বিজয়া আপনাকে সংবরণ করিয়া

বিজয়া । আপনি কখন এলেন কাকাবাবু ?

রাস । (শুষ্ক হাস্যে) প্রায় আধ ঘণ্টা হোল এসে ঐ সামনের বারান্দায় ব'সে । কিন্তু তুমি কথাবার্তা বড় ব্যস্ত ব'লে আর ডাকলাম না । ঐ বুঝি সেই জগদীশের ছেলে ? কি চায় ও ?

বিজয়া । (মৃদুস্বরে) একটা microscope বিক্রী ক'রে উনি চ'লে যেতে চান্ । তাই দেখাচ্ছিলেন ।

বিলাস । (গর্জ্জন করিয়া) microscope ! ঠিকাবার যায়গা পেলে না বুঝি !

নরেন ধীরে ধীরে অস্ত্র দ্বার দিয়া বাহির হইয়া গেল

রাস । আহা, ও কথা বলো কেন ? তার উদ্দেশ্য তো আমরা জানিনে । ভালও তো হ'তে পারে । অবশ্য জোর করে কিছুই বলা যায় না—সেও ঠিক । তা সে যাই হোক্গে ওতে আমাদের আবশ্যক কি ? দূরবীন হ'লেও না হয় কখনো কালে ভদ্রে দূরে টুরে দেখতে কাজে লাগতে পারে ।

আলো হাতে করিয়া কালীপদ প্রবেশ করিল

রাস । কালীপদ, সেই বাবুটি বোধ করি ওদিকে কোথাও ব'সে অপেক্ষা করছে, তাকে ব'লে দাও গে—ঐ যন্ত্রটা আমরা কিন্তে পারবো না—আমাদের দরকার নেই । এসে নিয়ে চলে যাক ।

বিজয়া । (ভয়ে ভয়ে) তাঁকে ব'লেছি আমি নেবো ।

রাস । (অশ্চর্য্য হইয়া) নেবে ? কেন ওতে প্রয়োজন কি ?

বিজয়া নীরব

রাস । উনি দাম কত চান ?

বিজয়া । দুশো টাকা ।

রাস । দুশো ? দুশো টাকা চায় ? বিলাস তো তাহ'লে নেহাৎ—কি বল বিলাস ? কদোজে তোমাদের F. A. classএ chemistryতে এসব অনেক ঘাঁটাঘাঁটি ক'রেছো, দুশো টাকা একটা microscopeএর দাম ? এ তো কেউ কখনো শোনে নি ; কালীপদ, যা ওকে নিম্নে বেতে ব'লে আয় । এসব ফন্দি এখানে খাটবে না ।

বিজয়া । কালীপদ, তুমি তোমার কাজে যাও । তাঁকে যা বলবার আমি নিজেই বলবো ।

কালীপদের প্রস্থান

বিলাস । (শ্লেষ করিয়া) কেন বাবা তুমি মিথ্যে অপমান হ'তে গেলে ? ওঁর হয়তো এখনো কিছু দেখিয়ে নিতে বাকী আছে । (রাসবিহারী নীরব) আমরাও অনেক রকম microscope দেখেছি বাবা, কিন্তু হো হো ক'রে হাসবার বিষয় কোনোটার মধ্যে পাইনি ।

বিজয়া তাহার দিকে সম্পূর্ণ পিছন ফিরিয়া রাসবিহারীকে

বিজয়া । আমার সঙ্গে কি আপনার কোন বিশেষ কথা আছে কাকাবাবু ?

রাস । (অলক্ষ্যে পুত্রের প্রতি ক্রুদ্ধ কটাক্ষ করিয়া ধীরভাবে) কথা

আছে বৈ কি মা। কিন্তু কিন্বে ব'লে কি ওকে সত্যিই কথা দিয়ে ফেলেছে? সে যদি হয়ে থাকে তো নিতেই হ'বে। দাম ওর যাই হোক তবু নিতে হবে। সংসারে ঠকা-জেতাটাই বড় কথা নয়, বিজয়া, সত্যটাই বড়। সত্যদ্রষ্ট হ'তে তো তোমাকে আমি বলতে পারবো না।

বিলাস। তাই বলে ঠকিয়ে নিয়ে যাবে?

রাস। বাক্। নিক্ ও ঠকিয়ে। জগদীশের ছেলের কাছে এর বেশি প্রত্যাশা কোরো না বিলাস। কালীপদ গিয়ে ব'লে আসুক কাল এসে যেন কাছারী থেকে টাকাটা নিয়ে যায়।

বিজয়া। যা বলবার আমিই তাঁকে বলবো। আর কারো বলার আবশ্যক নেই কাকাবাবু।

রাস। বেশ বেশ তাই বোলো মা। ব'লে দিও ওর কোন ভয় নেই দুশো টাকাই যেন নিয়ে যায়।

বিজয়া। রাত হ'য়ে যাচ্ছে, ওঁকে অনেক দূর যেতে হবে। কাল কি আপনার সঙ্গে কথা হ'তে পারে না কাকাবাবু?

রাস। বেশ তো মা কালই হবে। (প্রস্থানোত্ত—সহসা ফিরিয়া)
কিন্তু শুনেছো বোধ হয় তোমার মন্দিরের ভাবী আচার্য্য দয়ালবাবু আজ সকালেই এসে প'ড়েছেন—মন্দির গৃহেই আছেন—আবার কাল সকালে আমাদের সমাজের মান্ত ব্যক্তি যারা—যাদের সম্মানে আমরা আমন্ত্রণ ক'রেছি—তাঁরা আসবেন। তোমাদের উভয়কে তাঁদের কাছে আমি পরিচিত করিয়ে দেবো। আর ক'টা দিনই বা বাঁচবো মা।

বিজয়া। (সবিস্ময়ে) তাঁরা সব কালই আসবেন? কই আমি তো কিছুই শুনি নি!

রাস। (সবিস্ময়ে) শোনো নি? তাহ'লে তাড়াতাড়িতে বলতে বোধ হয় ভুলে গেছি মা। বুড়ো বয়সের দোষই এই।

বিজয়া। কিন্তু বড়দিনের ছুটির তো এখনো অনেক বিলম্ব কাকাবাবু!

রাস । বিষয় বলেই ভাবলাম শুভকর্মে দেরি আর কোরবো না ।
বাড়ীটা তো তাঁর মন্দিরের জন্তে মনে মনে তোমরা উৎসর্গই করেছো,
শুধু অন্তর্ধানই বাকি । যত শীঘ্র পারা বাঘ কর্তব্য সমাপন করাই উচিত ।
তাঁরাও যখন আসতে বাজি হলেন তখন পুণ্যকার্য ফেলে রাখতে মন
চাইলে না । বল দিকি মা, এ কি ভালো করি নি ?

বিজয়া । নরেনবাবুর বড় রাত হয়ে যাচ্ছে কাকাবাবু ।

বাস । ও হাঁ । বেশ, ওকে ডেকে পাঠিয়ে তাই বলে দাও ছশো
টাকাই দেওয়া হবে ।

বিলাস । টাকা কি খোলামকুচি ? একজনের খেয়াল চবিতার্থ করতে
ছশো টাকা নষ্ট করতে হবে ? তুমি তাতেই রাজি হচ্ছে ?

রাস । বিলাস, ক্ষুণ্ণ হয়ে না বাবা । তোমাদের অনেক আছে—
যাক ছশো । নিষে যাক ও ছশো টাকা । মা বিজয়া আমার দয়াময়ী,
ছশোকে সামান্য ক'টা টাকা যদি সাহায্য করতেই চান্ বিরক্ত হওয়া
উচিত নয় । কিন্তু আর নয় বাবা, অন্ধকার হয়ে আসচে চলো ।
কাল সকালে অনেক কাজ অনেক ঝগড়াট পোতাতে হবে । চলো বাই ।
আসি মা বিজয়া ।

রাসবিহারী নিজ্রান্ত হইলেন । বিলাস বিজয়ার প্রতি একটা ক্রুদ্ধ কটাক্ষ
নিষ্ক্ষেপ করিয়া পিতার অনুসরণ করিল

বিজয়া । (ক্ষণকাল স্তব্ধ থাকিয়া) কালীপদ ?

নেপথ্যে 'বাই মা' বলিয়া কালীপদ প্রবেশ করিল

কালীপদ, নরেনবাবু বোধ হয় বাইরে কোথাও ব'সে আছেন । তাঁকে
ডেকে নিয়ে এসো ।

কালীপদ মাথা নাড়িয়া প্রস্থান করিল

নরেন । (প্রবেশ করিয়া) এটা আমি সঙ্গে নিয়েই যাচ্ছি । কিন্তু
আজকের দিনটা আপনার বড় খারাপ গেল । অনেক অপ্রিয় কথা আমি

নিজেও আপনাকে ব'লেছি। ঠুঁরাও ব'লে গেলেন। 'কি জানি কার মুখ দেখে আজ আপনার প্রভাত হয়েছিল !

বিজয়া। তার মুখ দেখেই যেন আমার প্রতিদিন ঘুম ভাঙে নরেনবাবু ! বাইরে দাঁড়িয়ে আপনি সমস্ত কথা নিজেই শুন্তে পেয়েছেন ব'লেই বলছি যে আপনার সম্বন্ধে তাঁরা যে সব অসম্মানের কথা বলে গেলেন সে তাঁদের অনধিকার চর্চা। কাল আমি তাঁদের সেকথা বুঝিয়ে দেবো।

নরেন। তার আবশ্যক কি ? এ সব জিনিসের ধারণা নেই বলেই তাঁদের আমার উপর সন্দেহ জন্মেছে—নইলে আমাকে অপমান করায় তাঁদের লাভ নেই কিছূ। কিন্তু রাত হয়ে যাচ্ছে আমি বাই এবার।

বিজয়া। কাল কি পরশু একবার আসতে পারবেন না ?

নরেন। কাল কি পরশু ? কিন্তু তার তো আর সময় হবে না। কাল আমাকে কলকাতায় যেতে হবে। সেখানে দু' তিন দিন থেকেই এটা বিক্রী ক'রে আমি চ'লে যাবো। আর বোধ করি দেখা হ'বে না।

বিজয়ার দুই চক্ষু জলে ভরিয়া গেল, সে না পারিল মুখ তুলিতে না পারিল কথা কহিতে (একটু হাসিয়া) আপনি নিজে এত হাসাতে পারেন আর আপনারই এত সামান্য কথায় রাগ হয় ! আমিই বরঞ্চ একবার রেগে উঠে আপনাকে মোটা বুদ্ধি প্রভৃতি কত কি ব'লে ফেলেছি। কিন্তু তাতে তো রাগ করেন নি ; বরঞ্চ মুখ টিপে হাসছিলেন দেখে আমার আরও রাগ হচ্ছিল। কিন্তু দেখা যদি আর আমাদের নাও হয় আপনাকে আমার সর্বদা মনে পড়বে।

বিজয়া মুখ কিরাইয়া অশ্রু মুছিতে গিয়া নরেনের চোখে পড়িয়া গেল

সে ক্ষণকাল সবিম্বনে নিরীক্ষণ করিয়া

এ কি ! আপনি কঁাদছেন যে। না—না এটা নিতে পারলেন না বলে কোনো দুঃখ করবেন না। কলকাতায় আমি সত্যিই বেচতে পারবো আপনি ভাববেন না।

এই বলিয়া সে বাজাট ধীরে ধীরে হাতে তুলিয়া লইল

বিজয়া । না আমি দেব না, ওটা আমার । রেখে দিন ।

কান্না চাপিতে না পারিয়া টেবিলের উপর মাইক্রোস্কোপটির উপর মুখ গুঁজিয়া পড়িয়া
কাদিতে লাগিল । নরেন হতবুদ্ধি ভাবে একটু দাঁড়াইয়া ধীরে ধীরে চলিয়া গেল

দ্বিতীয় দৃশ্য

গ্রাম্য পথ

আমন্ত্রিত পুণ্য ও মহিলারা বিজয়ার গৃহ কৃষ্ণপুর গ্রামের অভিমুখে ধীরে ধীরে গল্প
করিতে করিতে চলিয়াছেন । রঙ্গমঞ্চে সকলেই একত্রে প্রবেশ করিবেন না, দুইজনে
প্রবেশ করিয়া বাহির হইয়া গেলে আবার দুই তিনজন প্রবেশ করিবেন ।

১ম । দয়ালবাবুই আচার্য্য হবেন, এ কি স্থির হয়েছে ?

২য় । হাঁ স্থির বৈকি । তিনি কানই এসে পৌঁচেছেন—শুনতে পেলাম ।

১ম । কিন্তু তাঁর উপাসনা তো শুনেছি তেমন হৃদয়গ্রাহী নয় । ঢাকার
বোগেশবাবুব পিতৃশ্রাদ্ধে সান্ধ্য-উপাসনাটা তাই আমাকেই করতে হ'লো ।
শরীর অসুস্থ, সর্দিতে গলা ভাঙা, বাববার অস্বীকার করলাম কিন্তু কেউ
ছাড়লেন না । কিন্তু করণাময়ের কি অপার করুণা ! এই দীন হীনের
উপাসনা শুনে সেদিন উপস্থিত সকলকেই ঘন ঘন অশ্রুপাত করতে হলো ।
মহিলাদের তো কথাই নেই । ভাবাবেশে তাঁরা প্রায় বিহ্বল হয়ে পড়লেন ।

২য় । তাতে সন্দেহ কি ? আপনার উপাসনা যে এক স্বর্গীয় বস্তু !

১ম । কিন্তু ত্রিশ টাকার কমে তো দয়ালবাবুর সংসার যাত্রা নির্বাহ
হতে পারে না ।

২য় । ত্রিশ টাকা কি বলছেন প্রভাতবাবু ? বনমালীবাবুর এষ্টেটে
তঁাকে সামান্য কি একটু কাজও করতে হবে, শুনেছি সত্তর টাকা করে
দেওয়া হবে ! বাড়ী ভাড়া তো লাগবেই না ।

১ম। বলেন কি? সত্তর টাকা! ঈশ্বর তাঁর মঙ্গল করুন।

২য়। তা ছাড়া বনমালীবাবুর মেয়েটি শুনেছি যেমন স্থাণীলা তেমনি দয়াবতী। প্রসন্ন হ'লে একশো টাকা হওয়াও বিচিত্র নয়।

১ম। এক—শো! পল্লীগ্রামে তো কোন খরচই নেই! এক শো! ঈশ্বর তাঁর মঙ্গল করুন। বড় সুসংবাদ। একটু দ্রুত চলুন। তাঁর প্রাতঃকালীন উপাসনায় যেন যোগ দিতে পারি।

প্রস্থান

৩য়, ৪র্থ ও ৫ম ভয়ব্যক্তির প্রবেশ। সঙ্গে দুইজন মহিলা

৩য়। এ বিবাহ যদি ঘটে বনমালীবাবুর কন্যা ভাগ্যবতী—এ কথা বলতেই হবে। বিলাসবিহারী অতি সুপাত্র। যেমন বলবান তেমনি উদ্যমশীল। যেমন ভগবৎ ভক্তি তেমনি স্বধর্মনিষ্ঠ। সমাজের উদীয়মান স্তম্ভ স্বরূপ যললেও অতুক্তি হয় না। আধুনিক কালের শিথিল-বিশ্বাস ভ্রষ্টাচারী বহু যুবকের তিনি দৃষ্টান্ত স্থল।

৪র্থ। বনমালীবাবুর সম্পত্তি কি বেশ বড়?

৩য়। বড়? অগাধ। যেমন জমিদারী তেমনি নগদ টাকা। একমাত্র কন্যার জন্তে বনমালী প্রভূত ঐশ্বর্য্য রেখে গেছেন। বিলাসের হাতে তা বহুগুণিত হবে আমি বললেম।

৫ম। কিন্তু শুনেছি যুবকটি একটু রুঢ়ভাষী।

৩য়। রুঢ়ভাষী নয় স্পষ্টভাষী। সত্যের আদর তিনি জানেন। (১ম মহিলাটিকে ইঙ্গিতে দেখাইয়া) আমার স্ত্রীর প্রতিষ্ঠিত বালিকা-বিদ্যালয়ে বনমালীর কন্যা বিজয়াকে দিয়ে তিনি একশো টাকা সাহায্য করিয়েছিলেন। তাদের পুরস্কার বিতরণের জন্তে আরও একশো টাকা প্রতিশ্রুতি দিয়েছেন।

১ম মহিলা। আহা, পথের মধ্যে ও সব কেন?

৪র্থ। তাহলে বালিকা-বিদ্যালয়ের দিকে তো তাঁদের বেশ ঝোঁক আছে?

৩য়। কোঁক ? মুক্তহস্ত ।

৪র্থ। মুক্তহস্ত ? বেশ বেশ, মঙ্গলময় তাঁদের মঙ্গল বিধান করুন ।

প্রস্থান

৬ষ্ঠ ও ৭ম ব্যক্তিদ্বয়ের প্রবেশ

৬ষ্ঠ। না আর দূর নেই আমরা এসে পড়েছি । হাঁ স্বর্গীয় বনমালী-বাবুর সম্পত্তির সমস্ত ভার তাঁর বাল্যবন্ধু বাসবিহারীবাবুর 'পরেই । শুধু এখন নয়, বরাবরই এই ব্যবস্থা । বনমালীবাবু সেই যে দেশ ছেড়ে কলকাতায় এসেছিলেন আব তো কখনো ফিরে যান নি ।

৭ম। তাঁর কন্ঠার সঙ্গে বাসবিহারীবাবুর পুত্রের বিবাহ কি স্থির হয়ে গেছে ?

৬ষ্ঠ। স্থির বই কি । সম্বন্ধ কন্ঠার পিতা নিজেই করে যান, হঠাৎ মৃত্যু না হলে বিবাহ তিনিই দিয়ে যেতেন ।

৭ম। এ বিবাহ কি গ্রামেই হবে ?

৬ষ্ঠ। এই কথাই তো বাসবিহারীবাবু সেদিন নিজেই বললেন । শুধু তাই নয়, বিয়েও পরে ছেলে-বোঁ দেশেই বাস করবে, সহরের নানা প্রলোভনের মধ্যে তাদের পাঠাবেন না এই তাঁর সঙ্কল্প । অন্ততঃ, যতদিন বেঁচে আছেন । বিশেষতঃ, এতবড় সম্পত্তি দূর থেকে দেখা শোনা যায় না, নষ্ট হবার ভয় থাকে । নিজের জীবিত কালেই সমস্ত কাজ কর্ম ছেলেকে শিখিয়ে দিয়ে যাবেন ।

৭ম। অতিশয় সং বিবেচনা । বিবাহ হবে কবে ?

৬ষ্ঠ। ইচ্ছা যত শীঘ্র সম্ভব ! মন্দির প্রতিষ্ঠার সঙ্গে সঙ্গেই কথাবার্তা বোধ করি আপনাদের সম্মুখেই পাকা হয়ে যাবে । এ বড় সুখের বিবাহ অবিনাশবাবু । বর-বধূর পরে ভগবান তাঁর শুভ হস্ত প্রসারিত করুন, আমরা এই প্রার্থনা করি । চলুন, এই বাগানটার শেষেই বনমালীবাবুর বাড়ী ।

৭ম। আপনি কি পূর্বে এখানে এসেছিলেন ।

৬ষ্ঠ। (সহাস্ত্রে) বহুবাব। রাসবিহারীবাবু আমার অনেক কালের বন্ধু। তিনি পত্রে জানিয়েছেন নূতন মন্দির গৃহটি আছে নদীর ওপারে— একটু দূরে। আমাদের থাকার জায়গাও সেইখানেই নির্দিষ্ট হয়েছে, কিন্তু বিজয়ার ইচ্ছে আজ সকালেই একটি ছোট অন্নুষ্ঠান তাঁর গৃহেই সম্পন্ন হয়, এবং পরে সে বাড়ীতে যাই।

৭ম। উত্তম প্রস্তাব। চলুন, আমাদের হয় তো বিলম্ব হয়ে যাচ্ছে।

প্রস্থান

তৃতীয় দৃশ্য

বিজয়ার বাড়ীর নিচে হল ঘর

বেলা পূর্ব্বাহ্ন। বিজয়ার অটালিকার নিচের বড় ঘরটি ফুল-লতা-পাতা দিয়া কিছু কিছু সাজানো হইয়াছে, মাঝখানে দাঁড়াইয়া রাসবিহারী ও বিলাসবিহারী এই সকল পরীক্ষা করিতেছিলেন এমন সময় সমস্ত সমাগত অতিথিগণ একে একে প্রবেশ করিলেন।

রাসবিহারী। (বন্ধাজলি পূর্ব্বক) স্বাগতম! স্বাগতম! আজ শুধু এই গৃহ নয়, আজ আমাদের সমস্ত গ্রামখানি আপনাদের চরণধূলিতে চরিতার্থ হলো। আজ আমি ধন্য। আপনারা আসন গ্রহণ করুন।

১ম। আমরাও তেমনি ধন্য হয়েছি রাসবিহারীবাবু, এমন পুণ্যকর্ম্মে আমন্ত্রিত হয়ে যোগ দিতে পারা জীবনের সৌভাগ্য।

রাস। পথে কোন ক্লেশ হয়নি তো?

সকলে। না না কিছুমাত্র না। কোন ক্লেশ হয়নি।

রাস। হবার কথাও নয় যে। এ-যে তাঁর সেবা তাঁর কর্ম্ম নিয়েই আপনারদের আগমন—মানবজাতির পরম কল্যাণের জন্তই তো আজ সকলে সমবেত হয়েছি।

১ম ব্যক্তি। ওঁ স্বস্তি! ওঁ স্বস্তি! ওঁ স্বস্তি!

রাস। স্বর্গগত বনমালীর কথা বিজয়া এবং তাঁর ভাবী জামাতা বিলাসবিহারী—এ মঙ্গল অনুষ্ঠান তাঁদেরই। আমি কেউ নয়—কিছুই নয়। স্তম্ভ চোখে দেখে পুণ্য সঞ্চয় ক’রে যাবো এই আমার একমাত্র বাসনা। বাবা বিলাস, মা বিজয়া বুঝি এখনো খবর পাননি। কালীপদকে ভেকে ব’লে দাও পূজনীয় অতিথিরা এসে পৌঁচেছেন।

বিলাস। কিন্তু খবর পাওয়া তাঁর উচিত ছিল।

বিলাসের প্রস্থান

২য় ব্যক্তি। শুনেচি দয়ালবাবু ইতিপূর্বেই এসেছেন, কই তাঁকে তো—

রাস। ছুভাগ্যক্রমে এসেই তিনি অসুস্থ হয়ে পড়েছিলেন। আজ ভাল আছেন। তিনি এলেন ব’লে।

১ম ব্যক্তি। আচার্য্যের কাজ তো ?

রাস। হাঁ তিনিই সম্পাদন করবেন স্থির হ’য়েছে—এই যে নাম করতেই তিনি—আস্থন, আস্থন, দয়ালবাবু আস্থন। দেহটা সুস্থ হয়েছে ?

দয়ালচন্দ্রের প্রবেশ ও সকলের অভিবাদন

শরীর দুর্বল, নিজে গিয়ে সংবাদ নিতে পারিনি কিন্তু গুর কাছে (উর্দ্ধমুখে চাহিয়া) নিরন্তর প্রার্থনা করছি আপনি শীঘ্র নিরাময় হোন, শুভকর্মে যেন বিঘ্ন না ঘটে।

ইহার পরে কিয়ৎকাল ধরিয়া সকলের কুশল প্রশ্নাদি ও প্রীতিসম্ভাষণ

চলিল। সকলে পুনরায় উপবেশন করিলে

রাস। আমার আবাল্য স্নহদ বনমালী আজ স্বর্গগত। ভগবান তাঁকে অসময়ে আহ্বান করে নিলেন—তাঁর মঙ্গল ইচ্ছার বিরুদ্ধে আমার নালিশ নেই, কিন্তু তিনি যে আমাকে কি করে রেখে গেছেন আমার বাইরে দেখে সে আপনারা অনুমান করতে পারবেন না। আমাদের উভয়ের সাক্ষাতের ক্ষণটি যে প্রতিদিন নিকটবর্তী হয়ে আসছে সে আভাস আমি প্রতি মুহূর্তেই পাই। তবুও সেই পরমব্রহ্মপদে এই প্রার্থনা, আমার সেই দিনটাকে যেন তিনি আরও সন্নিকটবর্তী করে দেন।

রাসবিহারী জামার হাতায় চোখটা মুছিয়া আত্মসমাহিত ভাবে রহিলেন। উপস্থিত অভ্যাগতরাও তদ্রূপ করিলেন। আবার কিছুকাল চুপ করিয়া থাকিয়া

বনমালী আমাদের মধ্যে আজ নেই—তিনি চ'লে গেছেন,—কিন্তু আমি চোখ বুজলেই দেখতে পাই, ওই তিনি মূহু মূহু হাস্য ক'ছেন।

সকলেই চোখ বুজিলেন। এই সময় বিজয়া ও বিলাস প্রবেশ করিলেন। বিজয়ার মুখের উপর বিষাদ ও বেদনার চিহ্ন ঘনীভূত হইয়া উঠিয়াছে তাহা স্পষ্ট দেখা যায়।

ওই তাঁর একমাত্র কন্যা বিজয়া, পিতার সর্ব গুণের অধিকাবিনী! আর ঐ আমার পুত্র বিলাসবিহারী, কর্তব্যে কঠোর, সত্যে নির্ভীক। এঁরা বাইরে এখনো আলাদা হলেও অন্তরে—হাঁ আবও একটি শুভদিন আসন্ন হয়ে আসছে, যেদিন আবার আপনাদেব পদধূলির কল্যাণে এঁদের সম্মিলিত নবীন জীবন ধন্য হবে।

দয়াল। (অক্ষুট স্বরে) ও স্বস্তি।

রাস। মা বিজয়া, ইনিই তোমার মন্দিবেব ভাবী আচার্য্য দয়ালচন্দ্র, এঁকে নমস্কার কর। আর এঁরা তোমার সম্মানিত পূজনীয় অতিথিগণ, এঁরা বহুক্লেশ স্বীকার করে তোমাদেব পুণ্য কার্য্যে যোগ দিতে এসেছেন এঁদের সকলকে নমস্কার কর।

বিজয়া হাত তুলিয়া নমস্কার করিল। বৃদ্ধ দয়াল বিজয়ার কাছে গিয়া দাঁড়াইলেন। হাত ধরিয়া বলিলেন

দয়াল। এসো মা, এসো। মুখখানি দেখলেই মনে হয় যেন মা আমার কতকালের চেনা!

এই বলিয়া টানিয়া পাশে বসাইলেন—অনেকে মুখ টিপিয়া হাসিল

রাস। দয়ালবাবু, আমার সহোদরের অধিক স্বর্গীয় বনমালীর এই শুভকর্ম্ম—একমাত্র কন্যার বিবাহ—চোখে দেখে যাবার বড় সাধ ছিল শুধু আমার অপরাধেই তা পূর্ণ হ'তে পারে নি। (কিছুকাল নীরব থাকিয়া দীর্ঘনিশ্বাস ফেলিয়া) কিন্তু এবার আমার চৈতন্য হয়েছে তাই নিজের

শরীরের দিকে ঝেঁয়ে এই আগামী অজ্ঞানের বেশি আর বিলম্ব করবার সাহস হয় না। কি জানি আমিও না পাছে গোথে দেখে যেতে পারি।

দয়াল। (অদ্ভুত স্বরে) ওঁ শান্তি। ওঁ শান্তি।

রাস। (বিজয়ার প্রতি) মা, তোমাব বাবা, তোমার জননী সাধবী সতী বচ পূর্বেই স্বর্গারোহণ কবেছেন, নইলে এ কথা আজ আমার তোমাকে জিজ্ঞাসা করতে হোত না। লজ্জা কোরো না মা, বল আজ এইখানেই আমাদের এই পূজনীয় অতিথিগণকে আগামী অজ্ঞান মাসেই আবাব একবার পদধূতি দানের আমন্ত্রণ করে রাখি।

বিজয়া। (অব্যক্ত কণ্ঠে) বাবার মৃত্যুর এক বৎসরের মধ্যেই কি—
(কথা বাধিয়া গেল)

রাস। ওহো-- ঠিক তো মা, ঠিক তো। এ যে আমার স্বরণ ছিল না। কিন্তু তুমি আমার মা কিনা, তাই এ বুড়ো-ছেলের ভুল ধরিয়ে দিলে। (বিজয়া আঁচলে চোখ মুছিল) তাই হবে। কিন্তু তারও তো আর বিলম্ব নেই। (সকলের দিকে চাহিয়া) বেশ আগামী বৈশাখেই শুভকর্ম সম্পন্ন হবে। আপনাদের কাছে এই আমাদের পাকা কথা রইলো। বিলাসবিহারী, বাবা বিলম্ব হ'য়ে যাচ্ছে এঁদের ও বাড়ীতে বাবার ব্যবস্থা করে দাও। আশুন আপনারা।

বিজয়া ব্যতীত সকলেই প্রস্থান করিলেন, দয়াল ক্ষণকাল পরেই ফিরিয়া আসিলেন

দয়াল। মা বিজয়া!

বিজয়া। (চমকিত হইয়া নিজেকে স্মরণ করিয়া) আশুন।

দয়াল। এঁরা সবাই দিঘড়ার বাড়ীতে চলে গেলেন। বিলাসবাবু তাঁদের ব্যবস্থা করে দিয়ে তাঁর আফিস ঘরে গিয়ে ঢুকলেন। আমাকেও সঙ্গে যেতে ব'লেছিলেন, কিন্তু যেতে আমার ইচ্ছে হোল না—ভাল্লভ এই অবসরে মা বিজয়ার সঙ্গে দুটো কথা কয়ে নিই। (এই বলিয়া নিজে একটা চেয়ারে বসিয়া পড়িলেন) দাঁড়িয়ে কেন মা, তুমিও বসো।

বিজয়া । (সন্মুখের আসনে উপবেশন করিয়া শঙ্কিতকণ্ঠে কহিল)
আপনি গেলেন না কেন । আপনার তো বেলা হয়ে যাবে ।

দয়াল । তা যাক্ । একটু বেলাতে আর আমার ক্ষতি হবে না ।
তোমার সঙ্গে দু'দণ্ড কথা কইবার লোভ সামলাতে পারলুম না । অনেক
দেখেছি, কিন্তু তোমার মতো অল্প বয়সে ধর্ম্মের প্রতি এমন নিষ্ঠা আমি
দেখি নি । ভগবানের আশীর্ব্বাদে তোমাদের মহৎ উদ্দেশ্য দিনে দিনে
শ্রীবৃদ্ধি লাভ করুক । কিন্তু মা, তোমার মুখ দেখে মনে হ'ল যেন মনে
তোমার আজ সুখ নেই । কেমন না ?

বিজয়া । কি ক'রে জানলেন ?

দয়াল । (মৃদু হাসিয়া) তার কারণ আমি যে বুড়ো হয়েছি মা ।
ছেলেমেয়ে অসুখী থাকলে বুড়োরা টের পায় ।

বিজয়া । কিন্তু সকলেই তো টের পায় না দয়ালবাবু ।

দয়াল । তা জানি নে মা । কিন্তু আমার তো তাই মনে হোলো ।
এর জন্তেই চ'লে যেতে পারলুম না । আবার ফিরে এলুম ।

বিজয়া । ভালই করেছেন দয়ালবাবু ।

দয়াল । কিন্তু একটা বিষয়ে সাবধান ক'রে দিই । বুড়োরা বক্তে
বড় ভালবাসে—ইচ্ছে করে তোমার কাছে ব'সে খুব খানিকটা বকে নিই,
কিন্তু ভয় হয় পাছে বিরক্ত করে তুলি ।

বিজয়া । না—না বিরক্ত হ'ব কেন ? আপনার যা ইচ্ছে হয় বলুন
না—শুন্তে আমার ভালই লাগছে ।

দয়াল । কিন্তু তাই বলে বুড়োদের অত প্রশ্রয়ও দিয়ো না মা ।
থামাতে পারবে না । আরও একটি হেতু আছে । আমার একটি মেয়ে
হ'য়ে ছাত্র বয়সেই মারা যায়—বঁচে থাকলে সে তোমার বয়সই পেতো ।
তোমাকে দেখে পর্য্যন্ত কেবল আমার তাকেই আজ মনে পড়ছে ।

বিজয়া । আপনার বুঝি আর মেয়ে নেই ?

দয়াল। অয়েও নেই, ছেলেও নেই, শুধু বুড়ো বুড়ি বেঁচে আছে। একটি ভাগ্নীকে মানুষ ক'রেছিলুম তাব নাম নলিনী। কলেজের ছুটি হ'য়েছে ব'লে সেও আমার সঙ্গে এসেছে। একটু অসুস্থ নইলে—

সহসা বিলাস প্রবেশ করিল

বিলাস। (বিজয়ার প্রতি কঠিনভাবে) তাঁরা চলে গেলেন তুমি একটা খোঁজ পর্য্যন্ত নিলে না? একে বলে কর্তব্যে অবহেলা! এ আমি অত্যন্ত অপছন্দ করি। (দয়ালের প্রতি ততোধিক কঠোরভাবে) আপনাকে বলেছিলুম গুঁদের সঙ্গে যেতে। না গিয়ে এখানে বসে গল্প করচেন কেন?

দয়াল। (অপ্রতিভভাবে) মা'র সঙ্গে ছুটো কথা কইবার জন্তে—
আচ্ছা আমি তাহলে যাই এখন।

বিজয়া। না, আপনি বসুন। বেলা হয়ে গেছে, এখানে থেয়ে তবে যেতে পাবেন। (বিলাসের প্রতি) উনি সঙ্গে গেলে তাঁদের কি বেশি সুবিধে হতো?

বিলাস। তাঁদের দেখাশুনা করতে পারতেন।

বিজয়া। সে গুঁর কাজ নয়। তাঁদের মত দয়ালবাবুও আমার অতিথি।

বিলাস। না, গুঁকে অতিথি বলা চলে না। এখন উনি এষ্টেটের অন্তর্ভুক্ত। গুঁকে মাইনে দিতে হবে।

বিজয়া। (ক্রোধে মুখ আরক্ত হইয়া উঠিল, কিন্তু শান্ত কঠিন কণ্ঠে কহিল) দয়ালবাবু আমাদের মন্দিরের আচার্য্য। গুঁর সে সম্মান হুলে বাওয়া অত্যন্ত ক্ষোভের ব্যাপার বিলাসবাবু।

বিলাস। (কটু কণ্ঠে) সে সম্মানবোধ আমার আছে, তোমাকে স্বরণ করিয়ে দিতে হবে না। কিন্তু দয়ালবাবু শুধু আচার্য্যই ন'ন, গুঁর অন্য কাজও আছে। সে স্বীকার করেই উনি এসেছেন।

দয়াল। (ব্যস্তভাবে উঠিয়া দাঁড়াইয়া) মা, আমার অপরাধ হ'য়ে গেছে, আমি এক্ষুণি যাচ্ছি।

বিজয়া। না, আপনি বসুন, আপনাকে খেঁষে যেতে হ'বে। আব মাইনে তো উনি দেন্ না, দিই আমি। আমার সঙ্গে দু' দণ্ড গল্প করাটাকে আমি যদি অকাজ না মনে কবি, তবে বুঝতে হ'বে আপনার কর্তব্যে ত্রুটি হয়নি। বিলাসবাবুর কর্তব্যের ধাবণা যাই কেন না হোক।

বিলাস। না, কর্তব্যের ধারণা আমাদের এক নয়। এবং তোমাকে বলতে আমি বাধ্য যে তোমার ধাবণা ভুল।

বিজয়া। তা হ'লে সেই ভুল ধাবণাটাই আমার এখানে চলবে বিলাসবাবু।

বিলাস। তোমার ভুলটাকেই আমার স্বীকার কবে নিতে হবে নাকি ?

বিজয়া। স্বীকার কবে নিতে তো আমি বলি নি, আমি বলেছি সেইটেই এখানে চলবে।

বিলাস। তুমি জানো এতে আমার অসম্মান হয়।

বিজয়া। (অল্প হাসিয়া) সম্মানটা কি কেবল একলা আপনার দিকেই থাকবে নাকি ?

দয়াল। (ব্যস্তভাবে উঠিয়া দাঁড়াইয়া) মা, এখন আমি বাই, দেখিগে তাঁদের কোন অসুবিধা হচ্ছে নাকি।

বিজয়া। না, সে হবে না। আমাদের গল্প এখনও শেষ হয় নি। আপনি বসুন (একটু উচ্চকণ্ঠে) কালীপদ।

কালীপদ। (দ্বারের কাছে মুখ বাড়াইয়া সাড়া দিল) কি মা ?

বিজয়া। পরেশের মাকে বলো গে দয়ালবাবু এখানে থাকেন। আমার শোবার ঘরের বারান্দায় তাঁর ঠাঁই করে দিতে বলে দাও ! চলুন দয়ালবাবু, আমরা ওপরে গিয়ে বসি গে।

বিজয়া ও তাহার পিছনে দয়ালবাবু সম্মত-সম্মত-পদে প্রস্থান করিলেন। বিলাস সেইদিকে ক্ষণকাল আরক্তনেত্রে চাহিয়া বাহির হইয়া গেল

চতুর্থ দৃশ্য

বাটির একাংশের ঢাকা বারান্দা

নরেন প্রবেশ করিল। পরণে সাহেবি পোশাক, টুপি খুলিয়া সেটা বগলে
চাপিয়া হাতের লাঠিটা একেবারে ঠেস দিয়া রাখিল

নরেন। (এদিকে ওদিকে চাতিয়া) উঃ—কোথাও একফোটা হাওয়া
নেই। আর এই বিজাতীয় পোষাকে যেন আরও ব্যাকুল করে তুলেছে।
এদিকে কি কেউ নেই নাকি! এই যে কালীপদ—

কালীপদ প্রবেশ করিল

নরেন। কালীপদ, তোমার মা ঠাকরুণকে একটা খবর দিতে পারো?
কালীপদ। দিতে হবে না, মা নিজেই নেমে আসছেন। ভেতরে
গিয়ে বসবেন না বাবু?

নরেন। না বাপু, ঘরে ঢুকে আর দম আটকাতে চাইনে,—এখান
থেকেই কাজ সেরে পালাবো। বারোটার ট্রেনেই ফিরতে হবে।

কালীপদ। হাঁ বাবু আজ বড় গরম কোথাও বাতাস নেই। তবে,
এখানেই একটা চেয়ার এনে দিই বসুন।

কালীপদ চেয়ার আনিয়া দিল, নরেন বসিয়া টুপিটা পায়ের কাছে

রাখিয়া মুখ তুলিয়া কহিল

নরেন। আর সন্মুখের ঐ জানালাটা। একবার খুলে দাও নিশ্চয়
ফেলে বাঁচি।

কালীপদ। ওটা খোলা যায় না। এখন মিস্ত্রী কোথায় পাব বাবু?

নরেন। মিস্ত্রী কি হে? দোর-জানালা কি তোমরা মিস্ত্রী দিয়ে
খোলাও আর রাত্তিরে পেরেক ঠুকে বন্ধ করো?

কালীপদ। আজ্ঞে না, কেবল এইটেই কিছুতে খোলা যায় না। মা
ক’দিন ধরে মিস্ত্রী ডাকতে বলছিলেন।

নরেন। এমন কথা তো শুনি নি। কই দেখি (নিকটে গিয়া টানিয়া খুলিয়া ফেলিয়া) একটুখানি চেপে বসেছিলো। তোমার মা ঠাকরুণকে একবার ডাক।

কালীপদ। এই যে আসচেন।

বিজয়া প্রবেশ করিতেই নরেন সঙ্গে সঙ্গে কিরিয়া চাহিল

নরেন। নমস্কার। বাঃ—কি চমৎকার দেখাচ্ছে আপনাকে। যে কেউ, ছবি আঁকতে জানে—আপনাকে দেখে তারই আজ লোভ হবে।

বিজয়া। কালীপদ, আমাকে ষসবার একটা যায়গা এনে দাও ? আব বলোগে বাবুর জন্তে চা করতে। এখনও চা খাওয়া হয়নি বোধ হয় ?

নরেন। না, কল্কাতা থেকে সকালেই বেরিয়ে পড়েছিলুম। ষ্টেশন থেকে সোজা আসছি। (কালীপদ চলিয়া গেল)

বিজয়া। আপনাকে কি আমার ছবি আঁকবার বায়না নিতে ডেকেছি যে আমাকে ওরকম অপদস্থ করলেন ?

নরেন। অপদস্থ করলুম কোথায় ?

বিজয়া। চাকরদের সামনে কি ঐরকম বলে ? কাণ্ডজ্ঞান কি একেবারে নেই ?

নরেন। (লজ্জিতমুখে) হাঁ, তা বটে। দোষ হয়ে গেছে সত্যি।

বিজয়া। আর যেন কখনো না হয়।

কালীপদ চেয়ার লইয়া প্রবেশ করিল

কালীপদ। বলে এলুম মা। অমনি কিছু খাবার করতেও বলে আসবো ?

বিজয়া। হাঁ, বলো গে। (জানালার প্রতি চোখ পড়ায়) এই যে তবু একটা কথা শুনেছি কালীপদ ! কাকে দিয়ে জানলাটা খোলালি ?

কালীপদ । (ইঙ্গিতে দেখাইয়া) উনি খুলে দিলেন ।

এই বলিয়া সে বাহিরে গিয়া একটা ছোট টিপয় আনিয়া নরেনের পাশে রাখিয়া চলিয়া গেল

বিজয়া । আপনি ? কি করে খুললেন ?

নরেন । হাত দিয়ে টেনে ।

বিজয়া । শুধুহাতে টেনে খুলেছেন ? অথচ ওরা সবাই বলে মিস্ত্রি ছাড়া খুলবে না । আপনার হাতটা কি লোহার নাকি ?

নরেন । (সহাস্তে) হাঁ, আমার আঙুলগুলো একটু শক্ত ।

বিজয়া । (হাসি চাপিয়া) আপনার মাথাটাই কি কম শক্ত ? চুঁ মারলে যে-কোন লোকের মাথাটা ফেটে যায় ।

নরেন । (উচ্চ হাস্য করিয়া উঠিল, তার পরে পকেট হইতে নোট বাহির করিয়া টেবিলের উপর রাখিয়া দিয়া) এই নিন আপনার দুশো টাকা । দিন্, আমার সেই ভান্সা যন্ত্রটা । (একটু হাসিয়া) আমি জোচ্চোর ঠক্, আরও কত কি গালাগালি ওই ক'টা টাকার জন্তে আমাকে বলে পাঠিয়েছিলেন । নিন্ আপনার টাকা,— দিন্ আমার জিনিস ।

বিজয়া । ঠক্, জোচ্চোর কাকে দিয়ে বলে পাঠিয়েছিলুম ?

নরেন । বা'কে দিয়ে টাকা পাঠিয়েছিলেন সে-ই তো ওসব বলেছিল ।

বিজয়া । তাকে দিয়ে আর কি বলে পাঠিয়েছিলুম মনে আছে ?

নরেন । না, আমার মনে নেই । কিন্তু সেটা আনতে বলে দিন, আমি দুপুরের ট্রেনেই কলকাতা ফিরে যাবো । ভালো কথা, আমি কলকাতাতেই একটা চাকরী পেয়ে গেছি । বেশি দূরে আর যেতে হয় নি ।

বিজয়া । (মুখ উজ্জ্বল করিয়া) আপনার ভাগ্য ভালো । টাকা কি তারাই দিলে ?

নরেন । হাঁ, কিন্তু microscopeটা আমার আনতে বলে দিন । আমার বেশি সময় নেই ।

বিজয়া । কিন্তু এই সৰ্ত্ত কি আপনার সঙ্গে হয়েছিলে, যে দয়া করে আপনি টাকা এনেছেন বলেই তাড়াতাড়ি ফিরিয়ে দিতে হবে ?

নরেন । (সলজ্জ) না, না—তা ঠিক নয় । তবে কিনা ওটা তো আপনার কাজে লাগলো না তাই ভেবেছিলুম টাকা দিলেই আপনি ফিরিয়ে দিতে রাজি হবেন ।

বিজয়া । না আমি রাজী নই । যাচাই করে দেখিয়েচি ওটা অনায়াসে চারশো টাকায় বিক্রী করতে পারি । ছশো টাকায় দেবো কেন ?

নরেন । (সোজা হইয়া উঠিয়া বসিয়া) বেশ, তাই করুন গে । আমার দরকার নেই । যে ছশো টাকায় দুদিন পরেই চারশো টাকা চায় তাকে আমি কিছুই বলতে চাই নে ।

বিজয়া মুখ নিচু করিয়া অতিকষ্টে হাসি দমন করিল

নরেন । আপনি যে একটা ‘সাইলক্’ তা জানলে আসতুম না ।

বিজয়া । সাইলক্ ? কিন্তু দেনার দায়ে যখন আপনার বাড়ীঘর, আপনার যথাসর্ব্বস্ব আত্মসাৎ করে নিয়েছিলুম, তখন কি ভাবেন নি আমি সাইলক্ ?

নরেন । না ভাবি নি, কেন না তাতে আপনার হাত ছিল না । সে কাজ আপনার বাবা এবং আমার বাবা দু’জনে করে গিয়েছিলেন । আমবা কেউ তার জন্তে অপরাধী নই । আচ্ছা আমি চল্লুম ।

বিজয়া । যাবেন কি রকম ? আপনার জন্তে চা করতে গেছে না ?

নরেন । চা খেতে আমি আসি নি ।

বিজয়া । কিন্তু যে জন্তে এসেছিলেন সে তো আর সত্যিই হতে পারে না । চারশো টাকার জিনিস আপনাকে ছশো টাকায় দেবে কে ? আপনার লজ্জাবোধ করা উচিত ।

নরেন । আমার লজ্জাবোধ করা উচিত ? উঃ—আচ্ছা মাহুষ তো আপনি ?

বিজয়া । হাঁ, চিনে রাখুন । ভবিষ্যতে আর কখনো ঠকানোর চেষ্টা করবেন না ।

নরেন । ঠকানো আমার পেশা নয় ।

বিজয়া । তবে কি পেশা ? ডাক্তারী ? হাত দেখতে জানেন ?

এই বলিয়া হঠাৎ হাসিয়া ফেলিল

নরেন । আমি কি আপনার উপহাসের পাত্র ? টাকা আপনার ঢেব থাকতে পারে—কিন্তু সে জোবে ও-অধিকার জন্মায় না তা জানবেন । আপনি একটু হিসেব করে কথা কইবেন ।

নরেন উঠিয়া দাঁড়াইয়া হাতে লাঠি তুলিয়া লইল

বিজয়া । নইলে কি বলুন না ? আপনার গায়ে জোর আছে এবং হাতে লাঠি আছে এই তো ?

নরেন । (লাঠিটা ফেলিয়া হতাশভাবে বসিয়া) ছিঃ ছিঃ—আপনি মুখে যা আসে তাই বলেন । আপনার সঙ্গে আর পারি না ।

বিজয়া । একথা মনে থাকে যেন । কিন্তু আপনার জন্তেই এখন আমার দেরি হয়ে গেলো, বেরোনা হ'ল না—তখন আপনারও চলে যাওয়া হবে না । কিন্তু আপনি নিশ্চয় হাত দেখতে জানেন !

নরেন । জানি । কিন্তু কার দেখতে হ'বে ? আপনার ?

বিজয়া । (সহসা নিজের হাত বাড়াইয়া দিয়া) দেখুন তো, আমার জ্বর হয়েছে কিনা ।

নরেন । (হাত ধরিয়া) সত্যিই তো আপনার জ্বর ! ব্যাপার কি ?

বিজয়া । কাল রাত্তিরে একটু জ্বর হয়েছিল ! কিন্তু ও কিছুই নয় ! আমার জন্তে বলিনে, কিন্তু সেই পরেশ ছেলেটাকে তো আপনি জানেন—তিনদিন থেকে তা'র খুব জ্বর । এখানে ভাল ডাক্তার নেই ! কালীপদ !

কালীপদর প্রবেশ

পরেশের মাকে বল্ তো পরেশকে এখানে নিয়ে আসুক ।

নরেন । না আনবার দরকার নেই । কালীপদ, চল তো পরেশ কোথায় গুয়ে আছে আমাকে নিয়ে যাবে ।

কালীপদ । চলুন ।

নরেন ও কালীপদ প্রস্থান করিলে নলিনী প্রবেশ করিল

নলিনী । নমস্কার ! আমার নাম নলিনী ! দয়ালবাবু আমার মামা হন ।

বিজয়া । ও আপনি ? বসুন, সেদিন মন্দির প্রতিষ্ঠার দিন আপনি অসুস্থ ছিলেন তাই পরিচয় করার জন্তে আপনাকে আর বিরক্ত করি নি । তার পরেই গুনলুম আপনি চ'লে গেছেন আপনার মামীমা পীড়িত ব'লে । কিন্তু মনে হ'চ্ছে কোথায় যেন এর আগে আপনাকে দেখেছি,—আচ্ছা আপনি কি বেথুনে পড়তেন ?

নলিনী । হাঁ, কিন্তু আমার তো মনে পড়ছে না ।

বিজয়া । না পড়লেও দোষ নেই, কেবলি কামাই কর্তুম শেষে সব সাবজেক্টে ফেল করে পড়া ছেড়ে দিলুম, আই এ, দেওয়া আর হোলো না,—আপনি এবার B.Sc. দিচ্ছেন গুনলুম ।

নলিনী । হাঁ, আমার মনে পড়েছে ।—আপনি মস্ত একটা গাড়ী করে কলেজে আসতেন ।

বিজয়া । চোখে পড়বার মত তো আর কিছু নেই, তাই গাড়ী দিয়ে লোকের দৃষ্টি আকর্ষণ কর্তুম । ওটা মার্জনা করা উচিত ।

নলিনী । ও কথা বলবেন না । দৃষ্টি পড়বার মত আপনারও যদি কিছু না থাকে তবে জগতে অল্প লোকেরই আছে । কিন্তু Dr. Mukherjee গেলেন কোথায় ?

বিজয়া । গেছেন রোগী দেখতে, এলেন বলে । কিন্তু তিনি এসেছেন আপনি জানলেন কেমন করে মিস্ দাস ?

নরেন প্রবেশ করিল

নলিনী । এই যে Dr. Mukherjee (বিজয়ার প্রতি) আমরা এক গাড়ীতেই যে কলকাতা থেকে এলুম । ষ্টেশনে এসে দেখি Dr. Mukherjee দাঁড়িয়ে—সেদিন রাত্রে মন্দিরে ঠুর সঙ্গে দৈবাৎ আলাপ । কি কয়েকটা তাঁর জিনিস পড়েছিল তাই নিতে এসেছিলেন ।—আজ আবার হাওড়া ষ্টেশনেও দৈবাৎ ঠুর দেখা পেয়ে গেলুম । উনিও বল্লেন, থাক্‌বাব জো নেই এই বারোটাব গাড়ীতেই ফিল্মে হ'বে । আমারও তাই—ফিরতেই হবে কলকাতায় ।

বিজয়া । (সহাস্ত্রে) আপনাদের শুধু দৈবাৎ আলাপ এবং দৈবাৎ এক গাড়ীতে আসাই নয়, আবার দৈবাৎ এক গাড়ীতেই ফিল্মে হবে । এমন দৈবাতের সমাবেশ একসঙ্গে সংসাবে দেখা যায় না ।

নবেন । এর মানে ?

বিজয়া । (নলিনীর প্রতি) এর মানে দেবেন তো ঠুকে গাড়ীতে বসিয়ে, মিস্ দাস ।

নলিনী । (নরেনকে) আপনার এখানকার কাজ সারা হলো ?

বিজয়া । না সারতে পারেন নি । গৃহস্থ এখানে সজাগ ছিল । কিন্তু তার বদলে একটি রুগী পেয়েছেন—ভরাডুবির মুষ্টিলাভ !

নবেন । (রাগিয়া) আপনার যত ইচ্ছে আমাদের উপহাস করুন কিন্তু সজাগ গৃহস্থকেও একদিন ঠকতে হয় এও জেনে রাখবেন । আপনাকে চারশো টাকাই এনে দোবা, কিন্তু এ অন্তায় একদিন আপনাকে বিধবে । কিন্তু আর না—দেরি হ'য়ে যাচ্ছে, মিস্ দাস, চলুন এবার আমরা যাই ।

বিজয়া । পরেশকে কেমন দেখলেন বললেন না ?

নরেন । বিশেষ ভাল না । ওর খুব বেশি জ্বর, পিঠে গলায় বেদনা, এদিকে বসন্ত হ'চ্ছে, মনে হয় পরেশেরও বসন্ত হতে পারে ।

বিজয়া । (সভয়ে) বসন্ত হবে কেন ?

নরেন । হবে কেন সে অনেক কথা । কিন্তু ওর লক্ষণ দেখলে ওই মনে হয় । বাই হোক, ওর মাকে একটু সাবধান হ'তে বলবেন, আমি কাল কিম্বা পরশু টাকা নিয়ে আসবো, অবশ্য যদি পাই । তখন ওকে দেখে যাবো ।

বিজয়া । (ব্যাকুল বিবর্ণ মুখে) নইলে আসবেন না ? আমারও নিশ্চয় বসন্ত হ'বে নরেনবাবু । কাল রাত্তিরে আমারও খুব জ্বর—আমারও গায়ে ভয়ানক ব্যথা ।

নরেন । (হাসিয়া) ব্যথা ভয়ানক নয় । ভয়ানক হ'য়েছে সে আপনার ভয় । বেশ তো জ্বরই যদি একটু হ'য়ে থাকে তাতেই বা কি ? এদিকে বসন্ত দেখা দিয়েছে বলেই যে গ্রামশুদ্ধ সকলেরই হবে তার মানে নেই ।

বিজয়া । হলেই বা আমার কে আছে ? আমাকে দেখবে কে ?

নরেন । দেখবার লোক অনেক পাবেন সে ভাবনা নেই, কিন্তু কিছু হবে না আপনার ।

বিজয়া । না হলেই ভালো কিন্তু সত্যিই আমি বড় অসুস্থ । তবু সকালে উঠে সব জোর করে ঝেড়ে ফেলে দিয়ে একটু বাইরে বাচ্ছিনুম ।

নরেন । না, আজ কোথাও যাওয়া চলবে না, চুপ করে শুয়ে থাকুন গে । কাল আবার আসবো ।

বিজয়া । টাকা না পেলেও আসবেন তো ?

নরেন । না পেলেও আসবো ।

বিজয়া । ভুলে যাবেন না ?

নরেন। না। আমি অন্তমনস্ক প্রকৃতির লোক হলেও আপনার অসুখের কথাটা ভুলবো না নিশ্চয়।

কালীপদ প্রবেশ করিল

কালীপদ। মা, খাবার দেওয়া হয়েছে।

বিজয়া। (নলিনীকে দেখাইয়া) এঁরও দেওয়া হয়েছে ?

কালীপদ। হাঁ মা, দুজনেরই।

বিজয়া। আমি দেখি গে কি দিলে। আর যদি কখনো সময় না পাই আজ কাছে বসে আপনাদের দুজনের আমি খাওয়া দেখব।

নলিনী। মিস্ রায়, এ কি বলছেন ? ভয় কিসের ?

বিজয়া। কি জানি আজ আমার কেবলি ভয় করচে। মনে হচ্ছে অসুখ আমার খুব বেশি বেড়ে উঠবে। নরেনবাবু, আজকের দিনটা থাকুন না আপনি !

নরেন। বেশ, আমি রাত্রেই ট্রেনেই যাবো, কিন্তু আমার কথা শুনতে হবে। নড়া-চড়া করতে পাবেন না এখুনি গিয়ে শুয়ে পড়া চাই।

বিজয়া। না সে আমি শুনবো না। আপনাদের খাওয়া আজ আমি দেখবই। তার পরে গিয়ে শোবো।

প্রস্থান ; সঙ্গে সঙ্গে কালীপদও চলিয়া গেল

নলিনী। কি ব্যাকুল মিনতি ! ডক্টর মুখার্জি, আমি যাবো, কিন্তু আপনি আজ থাকুন। যাবেন না।

নরেন। এ বেলা আছি। মামার বাড়ী থেকে যাবার আগে সন্ধ্যা-বেলায় আর একবার দেখে যাবো। অরটা বেশি, ভয় হয় ভোগাবে।

নলিনী। ভোগাবে ? তবে তো বড় মুন্সিল !

নরেন। তাই তো মনে হচ্ছে ;

নলিনী। চমৎকার মেয়েটি। আপনার প্রতি ওর কি বিশ্বাস। মনে হয় না যে এ আপনাকে ঘর-ছাড়া করতে পারে।

নরেন। (হাসিয়া) পেরেছে তো দেখা গেল। বড়লোকের মেয়ে, গরীবের কথা বড় ভাবে না। বাড়ী তো গেলই, শেষ সম্বল microscope টি যখন দায়ে পড়ে বেচতে হলো তখন সিকি দামে দুশো টাকা মাত্র দিয়ে স্বচ্ছন্দে কিনে নিলেন—সঙ্গে উপরি বকশিস দিলেন ঠক জোচ্চোর প্রভৃতি বিশেষণ। আজ সেইটিই যখন দুশো টাকা দিয়ে ফিরিয়ে নিতে চাইলুম অনায়াসে বললেন অত কমে হবে না—যাচাই করিয়ে দেখেছেন দাম চারশো টাকার কম নয়—সুতরাং আরও দুশো চাই। দয়া-মার্যা আছে তা মানতেই হবে।

নলিনী। বিশ্বাস হয় না ডক্টর মুখার্জি—কোথাও হয় তো মস্ত ভুল আছে।

নরেন। ভুল আছে? না, কোথাও নেই মিস্ নলিনী—সমস্ত জলের মত পরিষ্কার।

নলিনী। (মাথা নাড়িয়া) এমন কিন্তু হতেই পারে না ডক্টর মুখার্জি। মেয়েরা এতবড় মিনতি তাকে করতেই পারে না—এমন ক’রে তার পানে যে তারা চাইতেই পারে না।

নরেন। তা হবে। মেয়েদের কথা আপনিই ভালো জানেন, কিন্তু আমি যেটুকু জানতে পেলুম তা ভারি কঠোর। ভারি কঠিন।

কালীপদ প্রবেশ করিল

কালীপদ। চলুন। মা ডেকে পাঠালেন আপনাদের খাবার দেওয়া হয়েছে।

নরেন। চলো যাই।

সকলের প্রস্থান

দয়াক্ষ ও রাসবিহারীর কথা কহিতে কহিতে প্রবেশ

রাস। হাঁ, এই মন্দির প্রতিষ্ঠা নিয়ে, অবিশ্রান্ত পরিশ্রম ক’রে, বিলাস যে এতটা অবসাদগ্রস্ত হ’য়ে প’ড়েছিল তা কেউ বুঝতে পারে নি।

সেদিন তার চেহারা দেখে ভয় পেয়ে বল্লুম, বিলাস হয়েছে কি ? এমন কর্চো কেন ? ও বল্লে, বাবা, আজ আমি অন্ডায় করেচি—দয়ালবাবুকে কঠিন কথা ব'লেছি। বিজয়াকেও ব'লেছি—সেও আমাকে ব'লেছে—কিন্তু সে জন্তে নয়, দয়ালবাবুকে আমি কি বল্তে কি ব'লে ফেলেছি হয় তো রাগ ক'রে তিনি আর আমাদের আচার্য্যের কাজ করবেন না। এই ব'লে তার ছ'চোখ বেয়ে দর দর করে জল পড়তে লাগলো। আমি বল্লুম, ভয় নেই বাবা, অপরাধ যদি হয়েই থাকে তবে এই অনুতাপের অশ্রুতেই সমস্ত ধুয়ে গেল। (এই বলিয়া তিনি ক্ষণকাল মুদিত নেত্রে অধোমুখে থাকিয়া) আর তাই তো হ'লো দয়ালবাবু, আপনার উদারতার কথা বুঝতে পেরে বিলাস আজ আমায় বল্লে, বাবা, সেদিন তুমি সত্যিই বলেছিলে দয়ালবাবুর সমস্ত চিত্ত ভগবৎ প্রেমে পরিপূর্ণ, হৃদয় করুণায় মমতায় বিশ্বাসে ভরা, সেখানে আমাদের মতো ছেলে মানুষের কথা প্রবেশ করতে পারে না।

দয়াল। সে দিনের কথা আমি সত্যিই কিছু মনে রাখি নি আপনি বলবেন বিলাসবাবুকে।

রাস। বাবু নয়। বাবু নয়। আপনার কাছে শুধু সে বিলাস—বিলাসবিহারী। কে যায় ওখানে ? কালীপদ ?

কালীপদ প্রবেশ করিল

রাস। না বিজয়া এখন কি তাঁর লাইব্রেরী ঘরে ?

কালীপদ। না তিনি শোবার ঘরে শুয়ে পড়েছেন—তাঁর জ্বর।

রাস। জ্বর ? জ্বর বল্লে কে ?

কালীপদ। ডাক্তারবাবু !

রাস। কে ডাক্তারবাবু ?

কালীপদ। নরেনবাবু এসেছিলেন তিনিই হাত দেখে বল্লেন জ্বর—বল্লেন চুপ ক'রে শুয়ে থাকতে।

রাস। নরেন? সে কি জন্তে এসেছিল? কখন এসেছিল?
কালীপদ, মাকে একবার খবর দাও যে আমি একবার দেখতে যাবো।

দয়াল। আমিও যে মাকে একবার দেখতে চাই কালীপদ। জ্বর
শুনে যে বড় ভাবনা হলো।

কালীপদ। কিন্তু মা আমাকে বারণ করে দিয়েছেন তিনি নিজে না
ডাকলে কেউ যেন না তাঁকে ডাকে। আমি গেলে হয় ত রাগ করবেন।

রাস। রাগ করবে? সে কি কথা? জ্বর যে! সমস্ত ভার, সমস্ত
দায়িত্ব যে আমার মাথায়! বিলাসকে কেউ ছুটে গিয়ে খবর দিয়ে আনুক।
আজ তারও শরীর ভালো নয়, বাড়ীতেই আছে। কিন্তু সে বললে কি
হবে—শিগ্গির এসে একটা ব্যবস্থা করুক। শহরে গাড়ী পাঠিয়ে আমাদের
অকিঞ্চনবাবুকে একটা কল দিক। না হয় কলকাতায়—আমাদের প্রেমানন্দের
ডাক্তার—চলুন চলুন দয়ালবাবু, যাই আমরা সময় যেন না নষ্ট হয়।

দয়াল। ব্যস্ত হবেন না রাসবিহারীবাবু, জগদীশ্বরের রূপায় ভয় কিছু
নেই। নরেন নিজে যখন দেখে গেছে—ভাবনার বিষয় হলে সে নিশ্চয়ই
আপনাকে একটা সংবাদ দিতে বলে দিত।

রাস। নরেন দেখে গেছে? কি জানে সেটা?

বলিতে বলিতে তিনি দ্রুতবেগে প্রস্থান করিলেন। পিছনে পিছনে গেলেন দয়াল
এবং কালীপদ

শব্দম দৃশ্য

বিজয়ার শয়ন কক্ষ

অনুস্থ বিজয়া বিছানায় শুইয়া, অনতিদূরে উপবিষ্ট পিতা পুত্র রাসবিহারী ও বিলাস-
বিহারী। স্বল্প অস্ত আসন নাই, রোগীর প্রয়োজনীয় সকল দ্রব্যই নিকটে রক্ষিত, ব্যস্ত
পদক্ষেপে নরেন প্রবেশ করিল—তাহার মুখে উৎকর্ষার চিহ্ন

নরেন। কি ব্যাপার? কালীপদের মুখে শুন্লাম জ্বর নাকি একটু
বেড়েছে। তা হোক—কেমন আছেন এখন?

বিলাস । আপনি সকালে এসে না কি ঠুকে বসন্তের ভয় দেখিয়ে গেছেন ?

বিজয়া । (ক্ষীণস্বরে দুই বাছ বাড়াইয়া) বসুন । (নরেন অগত্যা বিছানার একাংশে বসিল) কোথায় ছিলেন এতক্ষণ ? কেন এত দেরি করে এলেন ? আমি যে সমস্তক্ষণ শুধু আপনার পথ চেয়ে ছিলাম । (বিলাসের মুখের অবস্থা ভীষণ হইয়া উঠিল) । নরেনের হাতখানা বুকের উপর টানিয়া লইয়া) কিন্তু আমি ভাল না হওয়া পর্য্যন্ত কোথাও যাবেন না বলুন । আপনি চলে গেলে হয় ত আমি বাঁচব না ।

নরেন হতবুদ্ধি হইয়া মুখ তুলিতেই দুই জোড়া ভীষণ চক্ষুর সহিত তাহার চোখাচোখি হইল—কালীপদ একবার পর্দার কাঁক হইতে উঁকি মারিতেই বিলাস গজিয়া উঠিল

বিলাস । এই শূয়ার, এই জানোয়ার—একটা চেয়ার আন ।

কালীপদ ভয়ে হতবুদ্ধি হইয়া রহিল

রাসবিহারী । (গম্ভীর স্বরে) ও ঘর থেকে একটা চেয়ার নিয়ে এসো কালীপদ ! বাবুকে বসতে দাও (নরেন উঠিয়া পড়িল, শান্ত কণ্ঠে বিলাসের প্রতি) রোগা মানুষের ঘর—অমন hasty হয়ো না বিলাস । temper lose করা কোনও ভদ্রলোকের পক্ষেই শোভা পায় না ।

কালীপদ চেয়ার লইয়া প্রবেশ করিল

বিলাস । মানুষ এতে temper lose করে না তো করে কিসে শুনি ? তারামজাদা চাকর বলা নেই, কওয়া নেই, এমন একটা অসভ্য লোককে ঘরে এনে ঢোকালে, যে ভদ্রমহিলার সম্মান পর্য্যন্ত রাখতে জানে না ।

বিজয়ার স্বরের ঘোরটা হঠাৎ ঘুচিয়া গেল । নরেনের হাত ছাড়িয়া সে দেওয়ালের দিকে মুখ করিয়া পাশ ফিরিয়া শুইল

রাসবিহারী । আমি সবই বুঝি বিলাস, এ ক্ষেত্রে তোমার রাগ হওয়াটা যে অস্বাভাবিক নয়—বরঞ্চ খুবই স্বাভাবিক তাও মানি, কিন্তু

এটা তোমার ভাবা উচিত ছিল যে সবাই ইচ্ছা করে অপরাধ করে না। সকলেই যদি ভদ্র রীতি, নীতি, আচার ব্যবহার জানতো—তা হ'লে ভাবনা ছিল কি? সেই জন্য রাগ না করে শান্তভাবে মানুষের দোষ ত্রুটি সংশোধন ক'রে দিতে হয়।

বিলাস। না বাবা! এরকম impertinence সহ্য হয় না। তা ছাড়া আমার এ বাড়ীর চাকরগুলো হয়েছে যেমন হতভাগা—তেমনি বজ্জাত। কালই আমি ব্যাটারদের সব দূর করে তবে ছাড়বো।

রাস। এর মন খারাপ হয়ে থাকলে যে কি বলে তার ঠিকানাই নেই। আর ছেলেকেই বা দোব কি, আমি বুড়ো মানুষ, আমি পর্যন্ত অসুখ শুনে কি রকম চঞ্চল হয়ে উঠেছিলুম। বাড়ীতেই হ'ল একজনের বসন্ত—তার ওপর উনি ভয় দেখিয়ে গেলেন।

নরেন। না, আমি কোন রকম ভয় দেখিয়ে যাই নি।

বিলাস। আলবৎ ভয় দেখিয়ে গেছেন। কালীপদ তাব সাক্ষী আছে।

নরেন। কালীপদ ভুল শুনেছে।

বিলাস ক্ষিপ্ত হইয়া উঠিবে এমন সময়ে

রাস। আঃ কর কি বিলাস! উনি যখন অস্বীকার করছেন তখন কি কালীপদকে বিশ্বাস করতে হবে? নিশ্চয়ই গুঁর কথা সত্যি।

বিলাস। তুমি বুঝচো না বাবা—(বিলাস বাধা দিতে চাহিল)

রাস। এই সামান্য অসুখেই মাথা হারিয়ে না বিলাস। স্থির হও! মজলময় জগদীশ্বর যে শুধু আমাদের পরীক্ষা করবার জন্যই বিপদ পাঠিয়ে দেন, বিপদে পড়লে তোমরা সকলের আগে এই কথাটাই কেন ভুলে যাও—আমি তো ভেবে পাইনে। (একটু স্থির থাকিয়া) আর তাই যদি একটা ভুল অসুখের কথা বলেই থাকেন, তাতেই বা কি? কত পাশ-করা ভাল ভাল বিচক্ষণ ডাক্তারেরও যে ভ্রম হয়, ইনি তো ছেলে মানুষ।

যাক্ । (নরেনের প্রতি) জ্বর তো তা হ'লে অতি সামান্যই আপনি বলছেন ! চিন্তা করবার কোনই কারণ নেই—এই তো আপনার মত ।

নরেন । আমার মতামতে কি আসে যায় রাসবিহারীবাবু ? আমার ওপর তো নির্ভর করছেন না । বরং তার চেয়ে কোন ভাল পাশ-করা বিচক্ষণ ডাক্তার দেখিয়ে তাঁর অভিমত নিন ।

বিলাস । (চোঁচাইয়া উঠিয়া) তুমি কার সঙ্গে কথা কইছ, মনে করে কথা কোয়ো বলে দিচ্ছি । এ ঘর না হ'য়ে, আর কোথাও হ'লে তোমার বিদ্রূপ করা—

বিজয়া মুখ ফিরাইয়া ব্যথিত হয়ে

বিজয়া । আমি যতদিন বাঁচবো নরেনবাবু, আপনার কাছে কৃতজ্ঞ হ'য়ে থাকবো । কিন্তু এঁরা যখন অল্প ডাক্তার দিয়ে আমার চিকিৎসা কবা স্থির করেছেন, তখন আর আপনি অনর্থক অপমান সহিবেন না ।

পুনরায় মুখ ফিরাইয়া গুইল

বাস । (ব্যস্ত হইয়া) বিলক্ষণ, থাকে তুমি ডেকে পাঠিয়েছ তাঁকে অপমান করে কার সাধ্য মা ? (ক্ষণকাল পরে) এ কথাও সত্যি বিলাস ! এই অসংবত ব্যবহারের জন্ত তোমার অমূল্যতপ হওয়া উচিত । মানি, সমস্তই মানি যে মা বিজয়ার অমূল্যতপের গুরুত্ব কল্পনা করেই তোমার মানসিক চঞ্চলতা শতগুণে বেড়ে গেছে, তবু—স্থির তো তোমাকে হতেই হবে । সমস্ত ভালমন্দ সমস্ত দায়িত্ব তো শুধু তোমারই মাথায় বাবা । মঙ্গলময়ের ইচ্ছায় যে গুরুভার একদিন তোমাকেই শুধু বহন করতে হ'বে—এ তো শুধু তারই পরীক্ষার স্থচনা—(নরেন নিঃশব্দে লাঠি ও ছোট ব্যাগটা তুলিয়া লইল) নরেনবাবু, আপনার সঙ্গে একটা জরুরী কথা আলোচনা করবার আছে—চলুন ।

রাসবিহারী নরেনকে লইয়া রঙ্গমঞ্চের সম্মুখের দিকে আসিতেই মধ্যের পর্দা পড়িয়া
রোগীর কক্ষটিকে সম্পূর্ণ আবৃত করিয়া দিল। উভয়ে মুখোমুখি
ছুইখানি চোঁকিতে উপবেশন করিল

রাস। পাঁচজনের সামনে তোমায় বাবুই বলি, আর বাই বলি,
বাবা, এটা কিন্তু ভুলতে পারিনে, তুমি আমাদের সেই জগদীশের ছেলে।
নইলে তোমার প্রতি অসন্তুষ্ট হ'য়েছিলুম এ কথা তোমার মুখের ওপর
বলে তোমাকে ক্রেশ দিতুম না।

নরেন। যা সত্য তাই বলেছেন—এতে দুঃখ করবার কিছু নেই।

রাস। না না, ও কথা বলো না নরেন। কঠোর কথা মনে বাজে বৈ
কি? যে শোনে তার তো বাজেই, যে বলে তারও বড় কম বাজে না
বাবা! জগদীশ্বর! কিন্তু তুমি বাবা, বিলাসের মনের অবস্থা বুঝে মনেব
মধ্যে কোনও ক্ষোভ রাখতে পারবে না। আর একটা অনুরোধ আমার
এই রইলো, এদের বিবাহ তো সামনের বৈশাখেই হ'বে, যদি
কলকাতাতেই থাকো বাবা, শুভকর্মে যোগ দিতে হ'বে। না বললে
চলবে না।

নরেন। আচ্ছা! কিন্তু—

রাস। না, কোন কিন্তু নয় বাবা, সে আমি গুনবো না। ভাল কথা,
কলকাতাতেই কি এখন থাকা হবে? একটু স্থবিধে টুবিধে—

নরেন। আজ্ঞে হাঁ। একটা বিলিতি ওষুধের দোকানে সামান্য
একটা কাজ পেয়েছি।

রাস। বেশ, বেশ, ওষুধের দোকানে কাঁচা পয়সা! টিকে থাকতে
পারলে আর্থেরে গুছিয়ে নিতে পারবে নরেন।

নরেন। আজ্ঞে।

রাস। তা হ'লে মাইনেটা কি রকম?

নরেন। পরে কিছু বেশি দিতে পারে। এখন চারশো টাকা মাত্র দেয়।

রাস। (বিবর্ণ মুখে চোখ কপালে তুলিয়া) চারশো! আহা বেশ—বেশ! শুনে বড় স্তব্ধী হলুম।

নরেন। সেই পরেশ ছেলেটা কেমন আছে বলতে পারেন?

রাস। তাকে একটু আগেই তাদের গ্রামের বাড়ীতে পাঠিয়ে দেওয়া হ'য়েছে।

নরেন। গ্রামটা কি দূরে?

রাস। তা জানি নে বাবা।

নরেন। (ক্ষণকাল স্তব্ধভাবে থাকিয়া) তা হলে আর উপায় কি! সে কথা যাক, কিন্তু আমার হ'য়ে বিলাসবাবুকে আপনি একটা কথা জানাবেন। বলবেন—প্রবল জরে মাহুমের আবেগ নিতান্ত সামান্য কারণে উচ্ছ্বসিত হ'য়ে উঠতে পারে। বিজয়ার সম্বন্ধে ডাক্তারের মুখের এই কথাটা তিনি যেন অবিশ্বাস না করেন।

রাস। অবিশ্বাস করবে কি নরেন, এ কি আমরা জানি নে? বাপ হয়ে এ কথা বলতে আমার মুখে বাধে, কিন্তু তুমি আপনার জন বলেই বলি, দুজনের কি গভীর ভালবাসার চিহ্নই যে মাঝে মাঝে আমার চোখে পড়ে সে প্রকাশ করবার আমার ভাষা নেই। মনে হয় ভগবান যেন সঙ্কল্প করেই পরস্পরের জন্তে এদেব সৃজন করে পৃথিবীতে পাঠিয়েছেন। তাঁকে প্রণাম করি, আর ভাবি সার্থক এদের মিলন, সার্থক এদের জীবন।

নরেন। এই বৈশাখেই বুঝি এঁদের বিবাহ হবে?

রাস। হাঁ নরেন। সেদিন কিন্তু তোমাকে আসতে হবে, উপস্থিত থেকে নব-দম্পতীকে আশীর্বাদ করতে হবে। তাড়াতাড়ি করার আমার ইচ্ছে ছিল না, কিন্তু সকলেই পুনঃ পুনঃ বলচেন অন্তরে আত্মা যাঁদের এমন করে এক হয়েছে বাইরে তাদের পৃথক করে রাখা অপরাধ। আমি

বললুম, তাই হোক। তোমাদের সকলের ইচ্ছেই আমার ভগবানের ইচ্ছে। এই বৈশাখেই এক হয়ে এরা সংসার-সমুদ্রে জীবন-তরণী ভাসাক। জগদীশ্বর! আমার দিন শেষ হয়েছে কিন্তু তুমি এদের দেখো—তোমার চরণেই এদের সমর্পণ করলুম। (যুক্তকর ললাটে স্পর্শ করিয়া হেঁট হইয়া তিনি প্রণাম করিলেন) কিন্তু তোমার যে রাত হয়ে যাচ্ছে বাবা, আজই কি কলকাতায় ফিরে না গেলেই নয়?

নরেন। না আমাকে বেতেই হবে। সাড়ে আটটার ট্রেনেই যাবো।

রাস। জিদ করতে পারি নে নরেন, নতুন-চাকরি কামাই হওয়া ভাল নয়—মনিব রাগ করতে পারে। আজকের দিনটাও তো তোমার বুথায় নষ্ট হলো। কিন্তু কি জন্তে আজ এসেছিলে বাবা, জিজ্ঞাসা করতে পারি কি?

নরেন। দিনটা নষ্ট হলো সত্যি, কিন্তু সকালে এসেছিলুম এই আশা করে যদি টাকাটা দিয়ে সেই মাইক্রোস্কোপটা ফিরিয়ে নিয়ে যেতে পারি।

রাস। টাকাটা দিয়ে? বেশ তো, বেশ তো—নিয়ে গেলে না কেন?

নরেন। বিজয়া দিলেন না। বললেন, তার দাম চারশো টাকা—

এর এক পয়সা কমে হবে না।

রাস। সে কি কথা নরেন? ছুশো টাকার বদলে চারশো টাকা! বিশেষতঃ, তাতে যখন তোমার এত দরকার অথচ তাঁর কোন প্রয়োজন নেই।

নরেন। ভেবেচি তাঁকে চারশো টাকা দিয়েই আমি নিয়ে যাবো।

রাস। না, সে কোন মতেই হতে পারে না। এতবড় অধর্ম আমি সহিতে পারবো না। ও আমার ভাবী পুত্রবধূ, এ অত্মায় যে আমাকে পর্য্যন্ত স্পর্শ করবে নরেন। (ক্ষণকাল অধোমুখে নিঃশব্দে থাকিয়া) একটা কথা আমি বার বার ভেবে দেখেচি। তোমার সঙ্গে ওর কথাবার্তায়, বাইরের আচরণে আমি দোষ দেখতে পাই নে কিন্তু অন্তরে কেন তোমার

প্রতি বিজয়ার এত বড় ক্রোধ ! কেবল যে তোমার ঐ বাড়ীটার ব্যাপারেই দেখতে পেলাম তাই নয়, এই microscopeটার ব্যাপারে টের বেশি চোখে পড়লো ! ওটা নিতে আমার নিজেরই আপত্তি ছিল শুধু যে দরকার নেই বলেই তা নয়—ওতে তোমার নিজেরই অনেক বেশি প্রয়োজন বলে । কিন্তু যখন টের পেলাম তোমার টাকার প্রয়োজন, যখন কানে এলো তোমাকে কথা দেওয়া হয়েছে, তখনি সঙ্কল্প আমার স্থির হয়ে গেল । ভাবলাম দাম ওর যাই হোক কিন্তু টাকা দিতেই হবে, কিছুতে অন্যথা করা চলবে না । মনে মনে বললাম, বিজয়া, যখন ইচ্ছে, যতদিনে ইচ্ছে আমাকে টাকা শোধ দিন কিন্তু আমি বিলম্ব করতে পারবো না । তাই তোমাকে ছশো টাকা সকালেই পাঠিয়ে দিলাম । এ যে আমার কর্তব্য । সত্যরক্ষা আমাকে যে করতেই হবে ।

নরেন । সামান্য ছশো টাকা দেবারও বুঝি ওঁর ইচ্ছে ছিল না ? বিশ্বাস ছিল ঠকিয়ে নিয়ে যাচ্ছি ?

রাস । (জিত কাটিয়া) না না না । কিন্তু সে বিচারে আর তো প্রয়োজন নেই নরেন । কিন্তু তাই বলে এ কি অসঙ্গত প্রস্তাব । এ কি অত্যাচার ! ছশোর বদলে চারশো ! না বাবা, এ তাঁকে আমি কোন মতে করতে দেবো না । তুমি ছশো টাকা দিয়েই তোমার জিনিস ফিরিয়ে নিয়ে যেও ।

নরেন । না রাসবিহারীবাবু, আমার হয়ে আপনি তাঁকে অনুরোধ করবেন না । তিনি ভালো হলে জানাবেন তাঁকে চারশো টাকাই এনে দেবো—তাঁর এতটুকু অহুগ্রহ আমি গ্রহণ করবো না । বিলাসবাবুকে বলবেন তিনি যেন আমাকে ক্ষমা করেন—এত কথা আমি কিছুই জানতুম না । কিন্তু আর না—আমার গাড়ীর সময় হয়ে আসছে আমি চললুম ।

তৃতীয় অঙ্ক

প্রথম দৃশ্য

বিজয়ার বসিবার ঘর

বিজয়া স্বস্থ হইয়াছে তবে শরীর এখনও দুর্বল, কালীপদর প্রবেশ

কালী । (অশ্রু-বিকৃত স্বরে) মা, এতদিন তোমার অস্থখের জন্তেই বলতে পারি নি কিন্তু এখন আর না বললেই নয় । ছোটবাবু আমাকে জবাব দিয়েছেন ।

বিজয়া । কেন ?

কালী । . কর্তাবাবু স্বর্গে গেছেন—তঁার কাছে কখনো মন্দ শুনি নি, কিন্তু ছোটবাবু আমাকে দুচক্ষে দেখতে পারেন না—দিনরাত গালাগালি করেন । কোন দোষ করি নে তবু—(চোখ মুছিয়া ফেলিয়া) সেদিন কেন তাঁকে জানাই নি, কেন নরেনবাবুকে তোমার ঘরে ডেকে এনেছিলুম তাই জবাব দিয়েছেন ।

বিজয়া । (কঠিনস্বরে) তিনি কোথায় ?

কালী । কাছারি ঘরে বসে কাগজ দেখছেন ।

বিজয়া । হুঁ । আচ্ছা দরকার নেই—এখন তুই কাজ কর গে যা !

কালীপদর প্রস্থান

দয়াল প্রবেশ করিলেন

দয়াল । তোমার কাছে আস্ছিলাম মা !

বিজয়া । আসুন দয়ালবাবু, আপনার স্ত্রী ভালো আছেন তো ?

দয়াল । আজ ভাল আছেন । নরেনবাবুকে চিঠি লিখতে, কাল

বিকেলে এসে তিনি ওষুধ দিয়ে গেছেন। কি অদ্ভুত চিকিৎসা মা, চব্বিশঘণ্টার মধ্যেই পীড়া যেন বারো আনা আরোগ্য হয়ে গেছে।

বিজয়া। ভাল হ'বে না, আপনাদের সকলের কি সোজা বিশ্বাস গুঁর উপর ?

দয়াল। সে কথা সত্যি ! কিন্তু বিশ্বাস তো শুধু শুধু হয় না মা ! আমরা পরীক্ষা করে দেখেছি কিনা, মনে হয় ঘরে পা দিলে সমস্ত ভালো হ'য়ে যাবে।

বিজয়া। তা হবে !

দয়াল। একটা কথা বলবো মা—রাগ কর্তে পাবে না কিন্তু ! তিনি ছেলেমানুষ সত্যি, কিন্তু যে সব নামজাদা বিজ্ঞ চিকিৎসকের দল তোমার মিথ্যে চিকিৎসা করে টাকা আর সময় নষ্ট করলে, তাদের চেয়ে তিনি ঢের বেশি বিজ্ঞ—এ আমি শপথ করে বলতে পারি। আর একটা কথা মা, নরেনবাবু, শুধু গুঁরই চিকিৎসা করে যান নি—আরও একজনের ব্যবস্থা করে গেছেন। (টেবিলের উপর একটুকরা কাগজ মেলিয়া) তোমাকে কিন্তু উপেক্ষা কর্তে দেব না, ওষুধটা একবার পরীক্ষা করে দেখতেই হবে বলে দিচ্ছি।

বিজয়া। কিন্তু এ যে অন্ধকারে ঢিল ফেলা দয়ালবাবু—কুণী না দেখে prescription লেখা।

দয়াল। ইস, তাই বুঝি ! কাল যখন তুমি তোমাদের বাগানের রেলিঙ ধরে দাঁড়িয়েছিলে—তখন ঠিক তোমার স্নায়ুখের পথ দিয়েই যে তিনি হেঁটে গেছেন। তোমাকে ভাল করেই দেখে গেছেন—বোধ হয় অন্তমনস্ক ছিলে বলেই—

বিজয়া। তাঁর কি পরনে সাহেবী পোষাক ছিল ?

দয়াল। ঠিক তাই। দূর থেকে দেখলে ভুল হয়, বাঙালী বলে হঠাৎ চেনাই যায় না।

বিজয়া। (হাসিয়া) ওটা আপনার অত্যাক্তি দয়ালবাবু—স্নেহের বাড়াবাড়ি ।

দয়াল। স্নেহ করি—খুবই করি সত্যি । তবু কথাটা আমাব বাড়াবাড়ি নয় মা । অতবড় পণ্ডিত লোক, কিন্তু কথাগুলি যেমন মিষ্টি তেমনি শিশুর মতো সরল । কিছুতে যেতে দিতে ইচ্ছে করে না, মনে হয় আরও কিছুক্ষণ ধরে রেখে দিই ।

বিজয়া। ধরে রেখে দেন না কেন ?

দয়াল। (হাসিয়া) সে কি হয় মা, তাঁর কত কাজ, কত পবিত্রম তাঁকে করতে হয় । তবু গরীব বলে আমাদের ওপর কত দয়া । স্ত্রী রুগ্ন, তাঁকে দেখতে প্রায় ঠুঁকে আসতে হয় ।

বিলাস প্রবেশ করিল

বিলাস । • (বিজয়ার প্রতি) কেমন আছো আজ ?

বিজয়া । ভালো আছি ।

বিলাস । ভালো তো তেমন দেখায় না । (দয়ালের প্রতি) আপনি এখানে করছেন কি ?

দয়াল । মাকে একবার দেখতে এলাম ।

বিলাস । (টেবিলের উপর prescriptionটার প্রতি দৃষ্টি পড়ায় হাতে তুলিয়া লইয়া) prescription দেখছি বে । কার ? (পবীক্ষা করিয়া) নরেনের নাম দেখছি যে ! স্বয়ং ডাক্তারসাহেবের । কিন্তু এটা এলো কি করে ? (বিজয়া ও দয়াল উভয়েই নীরব)

বিলাস । শুনি না এলো কি করে ? ডাকে নাকি ? হুঁ । ডাক্তার তো নরেনডাক্তার ! তাই বুঝি এঁদের ওষুধ খাওয়া হয় না ; শিশির ওষুধ শিশিতেই পচে তার পর ফেলে দেওয়া হয় ? তা না হয় হ'লো—কিন্তু এই কলির ধ্বস্তরীটি কাগজখানি পাঠালেন কি করে ? কার মারফতে ?

কথাটা আমার শোনা দরকার। (দয়ালের প্রতি) আপনি তো এতক্ষণ খুব lecture দিচ্ছিলেন—সিঁড়ি থেকেই গলা শোনা যাচ্ছিল—বলি, আপনি কিছু জানেন? একেবারে যে ভিজে বেরালটী হয়ে গেলেন! বলি জানেন কিছু?

দয়াল। আজ্ঞে হাঁ।

বিলাস। ওঃ—তাই বটে! কোথায় পেলেন সেটাকে?

দয়াল। আজ্ঞে তিনি আমার জ্বীকে দেখতে আসেন কিনা—আর বেশ সুন্দর চিকিৎসা করেন—তাই আমি বলেছিলুম মা বিজয়ার জন্তে যদি একটা—

বিলাস। তাই বুঝি এই ব্যবস্থাপত্র? আপনি দাঁড়িয়েছেন মুকুবি? হুঁ। (একমুহূর্ত পরে) আপনাকে গেল বছরের হিসাবটা সার্বতে বলেছিলুম—সেটা সারা হয়েছে?

দয়াল। আজ্ঞে, দু'দিনের মধ্যেই সেরে ফেলব?

বিলাস। হয় নি কেন?

দয়াল। বাড়ীতে ভারী বিপদ বাচ্ছিল—নিজ হাতে রাখতে হোত—আস্বেই পারি নি।

বিলাস। (বিজ্রপ করিয়া) আস্বেই পারি নি। তবে আর কি—আমাকে রাজা করেছেন। আমি তখনই বাবাকে বলেছিলুম—এসব বুড়ো হাব্‌ড়া নিয়ে আমার কাজ চলবে না। এদের আমি চাই নে।

বিজয়া। (অল্পক্ষণ কঠিনস্বরে) দয়ালবাবুকে এখানে কে এনেছে জানেন? আপনার বাবা নন—এনেচি আমি।

বিলাস। যেই আলুক, আমার জান্‌বার দরকার নেই। আমি কাজ চাই—কাজের সঙ্গে আমার সম্বন্ধ।

বিজয়া। ঝাঁর বাড়ীতে বিপদ, তিনি কি করে কাজ করতে আসবেন?

বিলাস। অমন সবাই বিপদের দোহাই পাড়ে। কিন্তু সে শুনতে গেলে

আমার চলে না। আমি দরকারী কাজ সেরে রাখতে হুকুম দিয়েছিলুম, হয় নি কেন, সেই কৈফিয়ত চাই। বিপদের খবর জানতে চাই নে।

বিজয়া। দয়ালবাবু, আপনি তা হ'লে এখন আসুন। নমস্কার।

দয়ালের প্রস্থান

দয়ালবাবু গেছেন, এখন বলুন কি বলছিলেন ?

বিলাস। বলছিলুম, আমি দরকারী কাজ সেরে রাখবার হুকুম দিয়ে-ছিলুম, হয় নি কেন তার কৈফিয়ত চাই। বিপদের খবর জানতে চাই নে।

বিজয়া। দেখুন বিলাসবাবু, জগতের সবাই মিথ্যাবাদী নয়। সবাই মিথ্যা বিপদের দোহাই দেয় না, অন্ততঃ মন্দিরের আচার্য্য দেন না। সে বাক্ কিন্তু আপনাকে জিজ্ঞাসা করি আমি, যখন জানেন দরকারী কাজ হওয়া চাইই, তখন নিজে কেন সেরে রাখেন নি ? আপনি কেন চারদিন কাজ কামাই করলেন ? কি বিপদ আপনার হয়েছিল শুনি ?

বিলাস। ‘(হতবুদ্ধি হইয়া) আমি নিজে খাতা সেরে রাখবো ! আমি কামাই করলুম কেন ?

বিজয়া। হাঁ আমি তাই জানতে চাই। মাসে মাসে ছশো টাকা মাইনে আপনি নেন। সে টাকা তো আমি শুধু শুধু আপনাকে দিই নে, —কাজ করবার জন্তই দিই।

বিলাস। আমি চাকর ? আমি তোমার আমলা ?

বিজয়া। কাজ করবার জন্তে যাকে মাইনে দিতে হয়, তাকে ও ছাড়া আর কি বলে ? আপনার অসংখ্য অত্যাচার আমি নিঃশব্দে সয়ে এসেছি। কিন্তু যত সহ্য করেছি, অত্যাচার উপদ্রব ততই বেড়ে গেছে। যান, নিচে যান। প্রভু-ভৃত্যের সম্বন্ধ ছাড়া আজ থেকে আপনার সঙ্গে আর আমার কোন সম্বন্ধ থাকবে না। যে নিয়মে আমার অপর কর্মচারীরা কাজ করে, ঠিক সেই নিয়মে কাজ করতে পারেন করবেন, নইলে আপনাকে আমি জবাব দিলুম, আমার কাছারীতে আর ঢোকবার চেষ্টা করবেন না।

বিলাস । (লাফাইয়া উঠিয়া—দক্ষিণ হস্তেব তর্জনী কম্পিত করিতে করিতে) তোমার এত হুঃসাহস ?

বিজয়া । হুঃসাহস আমার নয়, আপনার । আমার এষ্টেটেই চাকরি কববেন আর আমার উপরেই জুলুম করবেন ! আমাকে ‘তুমি’ বলবার অধিকার কে আপনাকে দিবেছে ? আমার চাকরকে আমারই বাড়ীতে জবাব দেবাব—আমার অতিথিকে আমারই চোখের সাম্নে অপমান করবার—এ সকল স্পর্ধা আপনার কোথা থেকে ডন্মালো ?

বিলাস । (ক্রোধে উন্নত-প্রাণ হইয়া) অতিথিব বাপেব পুণ্য যে সেদিন তাব একটা হাত ভেঙে দিই নি ! নচ্ছার, বদ্মাইশ্, জোচ্ছোর, নোকাব কোথাকাব ! আব কখনো যদি তাব দেখা পাই—

চীৎকার শব্দে ভীত হইয়া কানাই সিং প্রভৃতি দরজায় আসিয়া ডাকি মারিয়া দেখিতে লাগিল—বিজয়া লম্বিত হইয়া কণ্ঠস্বর সংযত এবং স্বাভাবিক করিয়া বলিল

বিজয়া । আপনি জানেন না, কিন্তু আমি জানি সেটা আপনারই কত বড় সৌভাগ্য যে তাঁব গায়ে হাত দেবাব অতি-সাহস আপনার হয় নি । তিনি উচ্চ শিক্ষিত ভদ্রলোক । সেদিন তাঁর গায়ে হাত দিলেও হয় তো তিনি একজন পীড়িত স্ত্রীলোকেব ঘবের মধ্যে বিবাদ না করে সহ্য কবেই চলে যেতেন । কিন্তু এহ উদ্দেশ্যটা আমার ভুলবেন না যে ভবিষ্যতে তাঁব গায়ে হাত দেবার ইচ্ছা যদি আপনার থাকে তো পিছন থেকে দেবেন, স্মৃখে এসে দেবাব হুঃসাহস করবেন না । কিন্তু অনেক চেষ্টামেচি হয়ে গেছে—আর না ! নিচে থেকে চাকর-বাকর, দরওয়ান পর্য্যন্ত ভয় পেয়ে উপরে উঠে এসেছে—বান নিচে বান ।

বিলাস ক্রোধে বিস্ময়ে হতবুদ্ধি হইয়া রহিল । তাহার অনল-বর্মী দৃষ্টি বিজয়ার গমন-পথের দিকে দৃঢ় নিবদ্ধ রহিল । ব্যস্ত হইয়া রাসবিহারী প্রবেশ করিলেন

রাস । ব্যাপার কি বিলাস ? এত চেষ্টামেচি কিসের ? বিজয়া কোথায় ?

বিলাস। জানো বাবা, বিজয়া আমায় বললে আমি তার মাইনের চাকর। অল্প চাকরের মতো মনিবের মন নুগিয়ে না চললে আমাকে ডিসমিস্ করবে।

রাস। কেন? কেন? হঠাৎ একথা কেন? কি বলেছিলে তাকে?

বিলাস। বলবো আবার কি? কালীপদকে জবাব দিয়েছিলুম—এই হ'ল প্রথম অপরাধ।

রাস। বল কি? তা এত শিঘ্র তাকে জবাব দিতেই বা গেলে কেন? এই তো সেদিন নরেনকে খামোকা অপমান করলে—জানো তো তা'ব প্রতি বিজয়ার—

বিলাস। ওই তো হচ্ছে আসল বোগ। সেই জোচ্চোর লোফারটার জন্তেই তো এত কাণ্ড। জানো বাবা, বিজয়া বলে কিনা, চাকর হ'য়ে আমি তার অতিথিকে—সেই নরেনটাকে—অপমান করি কোন্ সাহসে—

রাস। 'এ্যা, আর কি সে বলে? নাঃ, আমি বতই গুছিয়ে গাছিবে আনি—তুমি কি ততোই একটা-না-একটা বিভ্রাট বাধিয়ে তুলবে!

বিলাস। বিভ্রাট কিসের? ঐ ব্যাটা কালীপদকে তাড়াবে না তো কি তাকে বাড়ীতে রাখতে হবে? বদা নেই, কওয়া নেই, হঠাৎ সেই একটা অসভ্য জানোয়ারকে নিয়ে এসে বিজয়'ব বিছানার ওপরই বসালে—আর ঐ বুড়ো দয়ালটাও জুটেছে তেমনি!

রাস। আবার তাঁকেও কিছু বলেছ নাকি? সর্বনাশ বাধালে দেখছি!

বিলাস। বলবো না? একশোবার বলবো। নরেন ডাক্তারের ওপব তাঁর বড় টান। সেটাকে দিলাম সেদিন ঘর থেকে বার করে—আর উনি কিনা লুকিয়ে এসেছেন তারই দালালি কর্তে, একটা prescription পর্য্যন্ত এনে হাজির—বিজয়ার চিকিৎসা হবে। এদিকে স্ত্রীর অন্থখের ছুতো করে বুড়ো চার দিন ডুব্ মেরে রইলো, একবার কাছারিতে পর্য্যন্ত এলো না। worthless, old fool!

রাসবিহারী ক্রোধে ও ক্ষোভে নির্বাক স্তব্ধ ভাবে চাহিয়া রহিলেন

বিলাস । বিজয়া আজ তোমাকে পর্য্যন্ত অপমান করতে ছাড়লে না ।

রাস । তাতে তোমার কি ?

বিলাস । আমার কি ? আমার মুখের ওপর বলবে দয়ালবাবুকে রাসবিহারীবাবু আনেন নি এনেছি আমি । বলবে, দয়াল কাজ করুন না করুন তাকে কেউ কিছু বলতে পারবে না ! ও আমাকে বলে আমলা ! বলে, যে নিয়মে আমার অপর কর্মচারীরা কাজ করে সেই নিয়মে কাজ করুন নইলে চলে যান !

রাস । সে তো শুধু তোমাকে চলে যেতে বলেছে, আমার ইচ্ছে হচ্ছে তোমার গলায় ধাক্কা মেবে বার কবে দিই !

বিলাস । আঁ !

রাস । ছোট জাত তো আর মিছে কথা নয় ! হাজার হোক সেই চাষার ছেলে তো ? বামন-কায়েতেব ছেলে হলে ভদ্রতাও শিখতিস, নিজের ভালো মন্দও ব্যতিস, চিতাহিত কাণ্ডজ্ঞানও জন্মাতো ! যাও এখন মাঠে মাঠে হাল গরু নিয়ে কুলকর্ম্ম করে বেড়াও গে ! উঠতে বসতে তাকে পাখীপড়া করে শেখালাম্ যে, ভালোর ভালোর কাজটা একবার হ'য়ে যাক, তারপর যা ইচ্ছে হয় করিস্ ; তোব সবুর সইল না, তুই গেলি তাকে ঘাঁটাতে ! সে হ'লো রায়-বংশের মেয়ে । ডাক-সাইটে হরি রায়ের নাতনী । তুই হাত বাড়িয়ে গেছিস্ তার নাকে দড়ি পরাতে—মুখ্য কোথাকার । মান-ইজ্জত সব গেল, এত বড় জমিদারীর আশা ভরসা গেল, মাসে মাসে দু-তুশো টাকা মাইনে বলে আদায় হচ্ছিল সে গেল—যাও এখন চাষার ছেলে, লাঙ্গল ধর গে । আবার আমার কাছে এসেছেন—চোখ রাঙিয়ে তার নামে নালিশ কর্ত্তে ! দূর হঃ—তোর আর মুখদর্শন করবো না !

বিলাস রাসবিহারী নিজেই ক্ষতবেগে চলিয়া গেলেন, পিছনে পিছনে বিলাসও

বিহ্বলের স্রাব ধীরে ধীরে বাহির হইয়া গেল

ধীরে ধীরে বিজয়া প্রবেশ করিয়া টেবিলে মাথা নত করিয়া বসিল। দয়ালের প্রবেশ

দয়াল। এ কি কাণ্ড করে বসলে মা ! আর তা-ও আমার মতো একটা হতভাগ্যের জন্তে ! আমি যে লজ্জায়, সঙ্কোচে, অন্ততাপে মরে যাচ্ছি।

বিজয়া। (মুখ তুলিয়া চোখ মুছিয়া) আপনি কি বাড়ী চলে যান নি ?

দয়াল। যেতে পারলাম না মা। পা থর থর করে কাঁপতে লাগলো, বারান্দার ও-ধারে একটা টুলের ওপর বসে পড়লাম। অনেক কথাই কানে এলো।

বিজয়া। না এলেই ভালো হতো, কিন্তু আমি অচ্যায় কিছু করি নি ; আপনাকে অপমান করার তাঁর কোন অধিকার ছিল না।

দয়াল। ছিল বই কি মা। যে-কাজ আমার করা উচিত ছিল করি নি, একটা চিঠি লিখে তাঁর কাছে ছুটি পর্য্যন্ত নিই নি—এসব কি আমার অপরাধ নয় ? রাগ কি এতে মনিবের হয় না ?

বিজয়া। কে মনিব, বিলাসবাবু ? নিজেকে কর্ত্তী বলতে আমার লজ্জা করে দয়ালবাবু, কিন্তু ও দাবী যদি কারো থাকে সে আমারই। আর কারো নয়।

দয়াল। ও কথা বলতে নেই মা, রাগ করেও না। আমাদের মনিব যেমন তুমি তেমনি বিলাসবাবু। এই তো আমরা সবাই জানি।

বিজয়া। সে জানা ভুল। আমি ছাড়া এ বাড়ীতে আর কেউ মনিব নেই।

দয়াল। শান্ত হও মা, শান্ত হও। বিলাসবাবু একটু ক্রোধী, অল্পেই চঞ্চল হয়ে পড়েন এই তাঁর দোষ, কিন্তু মানুষ তো সর্ব্বগুণাশ্রিত হয় না, কোথাও একটু ত্রুটি থাকেই। এইখানে নলিনীর সঙ্গে আমার মেলে না। সেদিন রাগে তুমি শয্যাগত, তোমার ঘরের মধ্যে নরেনকে অপমান করার কথা শুনে নলিনী রাগে জ্বলতে লাগলো, বললে, এর আসল কারণ বিলাসবাবুর বিদ্বেষ। নিছক হিংসা আর বিদ্বেষ।

বিজয়া। বিদ্রোহ কিসের জন্তে দয়ালবাবু?

দয়াল। কি জানি, কেমন করে যেন নলিনীর মনে হয়েছে নরেনকে তুমি মনে মনে—করণা—করো। এইটেই বিলাসবাবু কিছুতে সহিতে পারচেন না।

বিজয়া। কিন্তু করণা তো তাঁকে আমি করি নি। আমার একটা কাজেও তো তাঁর প্রতি করণা প্রকাশ পায় নি দয়ালবাবু!

দয়াল। আমিও তো তাই বলি। বড়ি, তেমন করণা তো বিজয়া সকলকেই করেন। আমাকেই কি তিনি কম দয়া করছেন!

বিজয়া। দয়ার কথা ইচ্ছে হলে আপনারা বলতেও পারেন, কিন্তু নরেনবাবু পারেন না। বরঞ্চ, বারবার যা পেয়েছেন সে আমার নিদ্রারত্নই পরিচয়। সত্যি কিনা বলুন?

দয়াল। (সলজ্জ) না না সত্যি নয়—সত্যি নয়—তবে নরেন নিজে কতকটা তাই ভাবে বটে। সেদিন কালীপদকে দিয়ে তুমি আমার ওখানে তার microscopeটা পাঠিয়ে দিলে, নরেন জিজ্ঞেস করলে, কতটাকা দিতে বসেচেন? কালীপদ বললে, টাকার কথা বলে দেন নি—এমনি। এমনি কিরে? কালীপদ বললে, হ্যাঁ এমনি নিয়ে যান টাকা বোধ হয় দিতে হবে না। সত্যিই তো আর এ বিশ্বাস করা যায় না—নিশ্চয় কালীপদর ভুল হয়েছে—এতেই নরেন রেগে উঠে বললে, তাঁকে বল্গে যা আমাকে দান করার দরকার নেই, ঠাট্টা করবারও দরকার নেই। যা ফিরিয়ে নিয়ে যা।

বিজয়া। শুনেচি আমি কালীপদর মুখে।

দয়াল। কিন্তু নলিনী তাঁকে বারণ করেছিল। ওর ধারণা নরেনের হয় তো কাজ আটকাচ্ছে ভেবেই বিজয়া পাঠিয়ে দিয়েছেন, নইলে উপহার বলেও নয়, বিক্রয় করার জন্তেও নয়। ভেবেচেন হাতে-হাতে টাকা না নিয়ে বেদিন হোক পরে নিলেই হবে। আমারও তাই মনে হয়। বলো তো মা সত্যি নয় কি?

বিজয়া । জানি নে দয়ালবাবু । অস্থখের মধ্যে পাঠিয়েছিলুম ঠিক মনে করতে পারি নে তখন কি ভেবেছিলুম ।

দয়াল । কিন্তু নলিনী বলে নিশ্চয় এই । বললে, নবেনের মতো ভদ্র আত্মভোলা, নিঃস্বার্থপর মানুষকে কেউ কখনো অপমান করতে পারে না এক বিলাসবাবু ছাড়া । কিন্তু নরেন নিজে কোনমতেই এ কথা বিশ্বাস করতে পারলে না, বললে যে-লোক আমার পরম দুর্গতিব দিনে ওটা ছশো টাকা দিয়ে কিনে দুদিন পরেই নিজের মুখে চারশো টাকা চাব তাব কিছুই অসম্ভব নয় । ওরা বড়লোক, ওদের অনেক ঐশ্বর্য্য—তাই আমাদের মতো নিঃস্বদের উপহাস করতেই ওরা আনন্দ পাব । কিন্তু বাক্ গে এসব কথা মা । তোমাদের উভয়কেই ভালবাসি, ভাবলে আমার ক্লেশ বোধ হয় । (একটুখানি মৌন থাকিয়া) নরেন কিন্তু তোমাব বিলাসকে অকপটে ক্ষমা কবেছে । এমনি অহমমনস্ক, নিঃসঙ্গ লোক ও, যে সবাই যখন শুনেচে তোমাদের বিবাহ স্থির হয়ে গেছে, তখনো শোনে নি কেবল ও-ই ! তোমার ঘব থেকে বার করে এনে বাসবিহারীবাবু যখন খবরটা তাকে দিলেন তখন শুনে বেন ও চমকে গেলো । বিলাসবাবব রাগের কারণটা বুঝতে পেবে তাকে তখনি ক্ষমা করলে । শুধু এইটুকুই সে আজো ভেবে পায় না যে তার মতো দরিদ্র, গৃহহীন, দুর্ভাগাকে বিলাসবাবু সন্দেহের চোখে দেখলেন কি ভেবে ।—এতবড় ভ্রম তাঁর হলো কি করে ? আমিও ঠিক তাই ভাবি, শুধু নলিনীই ঘাড় নাড়ে—সমস্ত কথাই সে শুনেচে ।

বিজয়া । শুনেচেন ? শুনে কি বলেন নলিনী ?

দয়াল । বলে না কিছুই শুধু মুখ টিপে হাসে ।

বিজয়া । তিনি কি চলে গেছেন ?

দয়াল । না, আজ যাবে । বলেছিল যাবার পথে তোমার সঙ্গে একবার দেখা করে যাবে । কিন্তু তিনটে বাজলো বোধহয়, এলো বলে । কিছা হয় তো নরেনের জন্তে অপেক্ষা করে আছে ।

বিজয়া । কলকাতা থেকে আজ বুঝি তাঁর আসার কথা আছে ?

দয়াল । হাঁ । আমার জীকে দেখতে আসবেন । কিন্তু আমারই হবে সব চেয়ে মুন্সিল মা, নরেন যদি কলকাতা থেকে চলে যায় ।

বিজয়া । যাবার কথা আছে নাকি ?

দয়াল । আছে বই কি । পরশুই তো বলাছিল এখানে থাকার আর ইচ্ছে নেই, South Africaর কোথায় নাকি কাজের সম্ভাবনা আছে—
খনব পেলেই রওনা হবে ।

বিজয়া । অত দূরে ?

দয়াল । আমবাও তাই বলছিলাম । কিন্তু ও বলে আমার দূরই বা কি আর কাছেই বা কি । দেশই বা কি আর বিদেশই বা কি ? সবই তো সমান । শুনে ভাবলাম সত্যিই তো । কি-ই বা আছে এখানে যা ওকে টেনে রাখবে ! কিন্তু ভাবলেও চোখে যেন জল এসে পড়ে । কিন্তু আর না মা আমি উঠি একটু কাজ আছে সেরে নিই গে ।

বিজয়া । কিন্তু বাড়ী যাবার আগে আর একবার দেখা করে যাবেন ।
এমনি চলে যাবেন না ।

কালীপদ প্রবেশ করিল

কালীপদ । (দয়ালের প্রতি) ডাক্তারসাহেব একবার দেখা করতে চান ।

দয়াল । কে ডাক্তার, আমাদের নরেন ? আমার সঙ্গে দেখা করতে চায় ? এখানে এসে ?

কালীপদ । নিচের ঘরে এসাবো, না চলে যেতে বলে দেবো ?

বিজয়া । চলে যেতে বলবি ? কেন ? যা আমার এই ঘর তাঁকে ডেকে নিয়ে আয় ।

নাথ্য নাড়িয়া কালীপদ প্রস্থান করিল

দয়াল। এখানে ডেকে আনা কি ভালো হবে মা ?

বিজয়া। আমার বাড়ীতে ভালো-মন্দ বিচারের ভার আমার উপবেই থাক দয়ালবাবু।

দয়াল। না না, তা আমি বলি নি, কিন্তু বিলাসবাবু শুনতে পেলে কি—

বিজয়া। শুনতে পাওয়াই তাঁর দবকার মনে করি। নিজেব যথাযোগ্য স্থানটার সম্বন্ধে ধারণা তাতে পাকা হয়।

কালীপদ অবশ্য করিল

কালীপদ। ডাক্তারসাহেব এলেন না চলে গেলেন।

দয়াল। চলে গেলেন ? কেন ?

কালীপদ। জিজ্ঞেস করলেন মিস দাস আছেন ? বললুম, না। বললেন, তা হ'লে আবশ্যক নেই ও-বাড়ীতেই দেখা হবে। এই বলেই চলে গেলেন।

দয়াল। মা ডেকেছিলেন বলেছিলে তাঁকে ?

কালীপদ। বলেছিলুম বই কি। বললেন, আজ সময় নেই ছ'টাব গাড়ীতে ফিরে যেতে হবে। যদি সময় পান আর একদিন এসে দেখা করে যাবেন।

দয়াল। (সলজ্জ) কি জানি। এ রকম তো তার প্রকৃতি নয় মা। বোধহয় সত্যিই খুব তাড়াতাড়ি।

বিজয়া। (কালীপদের প্রতি) আচ্ছা তুই বা এখান থেকে।

বাওয়ার মুখে কালীপদ হঠাৎ ব্যস্ত হইয়া উঠিল, বলিল, কর্তাবাবু আসছেন এবং সম্বোধন করিয়া বাহির হইয়া গেল। সম্বরপদে রাসবিহারীবাবু অবশ্য করিলেন

রাস। এই যে মা বিজয়া। দয়ালবাবুও রয়েছেন দেখছি। বোসো মা, বোসো বোসো।

দয়াল সসন্ত্রমে নমস্কার করিলেন, বিজয়া উঠিয়া দাঁড়াইল। রাসবিহারী আসন গ্রহণ করিলে বিজয়া পুনরায় উপবেশন করিল

রাস। এ ভালোই হলো যে দুজনের সঙ্গে একত্রেই দেখা হলো। আরও আগেই আসতে পারতাম কিন্তু বিলাসের হঠাৎ সর্দিগর্মীর মতো হয়ে—মাথায়-মুখে জ্বা দিয়ে, বাতাস করে সে একটু স্তম্ভ হলে তবে আসতে পারলাম—তার মুখে সবই শুনতে পেলাম দয়ালবাবু। (দয়াল কি একটা বলিবার চেষ্টা করিতেই হাত নাড়িয়া তাহাকে বাধা দিয়া) না না না—তার দোষ-খালনের চেষ্টা করবেন না দয়ালবাবু। যে আপনার মতো সাধু ভগবৎ-প্রাণ ব্যক্তিকেও অসম্মান করতে পারে তার স্বপক্ষে কিছুই বলার নেই। আপনার কন্ম-শৈথিল্য প্রকাশ পেয়েছে, —কিন্তু তাতে কি? সাহেবরা বিলাসের কর্তব্য-নিষ্ঠা, তার কন্মময় জীবনের শত প্রশংসা করুক, কিন্তু আমরা তো সাহেব নয়, কন্মই তো আমাদের জীবনের সবখানি অধিকার ক'রে নেই! কিন্তু ও শাস্তি পেলে কার কাছে? দেখেছেন দয়ালবাবু করুণাময়ের করুণা—ও শাস্তি পেলে তারই কাছে যে তার ধর্ম-সঙ্গিনী, আত্মা বাদের পৃথক নয়! দীর্ঘজীবী হও মা, এই তো চাই! এই তো তোমার কাছে আশা করি! (ক্ষণকাল পরে) কিন্তু এই কথাটা আমি কোনমতে ভেবে পাই নে বিজয়া, বিলাস আমার মতো খোলা-ভোলা, সংসার উদাসী লোকের ছেলে হয়ে এতবড় কন্মপটু, পাকা বিষয়ী হয়ে উঠলো কি ক'রে? কি যে তাঁর খেলা, কি যে সংসারের রহস্য কিছুই বোঝবার যো নেই মা!

দয়াল। তাঁর দোষ নেই রাসবিহারীবাবু, আমারই ভারি অত্যাচার হয়ে গেছে। এই তরুণ বয়সেই কি যে তাঁর কর্তব্য-নিষ্ঠা, কি যে তাঁর চিন্তের দৃঢ়তা তা বলতে পারি নে। আমাকে তিনি উচিত কথাই বলেছেন।

রাস। উচিত কথা? এবার আমি সত্যিই দুঃখ পাবো দয়ালবাবু। আপনি ভক্তিমান, জ্ঞানবান কিন্তু বয়সে আমি বড়। এ আমি জানি,

সংসারে অত্যন্ত বস্তুটা কিছুরই ভালো নয়। এ-ও জানি, বিলাসের কল্প-
অস্ত্র প্রাণ, এখানে সে অন্ধ, কিন্তু তাই বলে কি মানীর মান রাখতেও
হবে না? না না, আমি বুড়োমানুষ, সে তেজও নেই, জোরও নেই—এ
আমি ভালো বলতে পারব না। নিজের ছেলে বলে তো এ-মুখ দিয়ে
মিথ্যে বার হবে না দয়ালবাবু।

দয়াল। সাধু! সাধু!

রাস। এ ভালই হয়েছে মা। আমি অপার আনন্দলাভ কবেচি
যে বিলাস তার সর্বোত্তম শিক্ষাটি আজ তোমার হাত থেকেই পাবার
সুযোগ পেলে। কিন্তু কি ভ্রম দেখেছেন দয়ালবাবু, আনন্দে এমনি
আত্মহারা হয়েছি যে আমার মাঝেই বোঝাতে বাচ্চি। যেন আমার চেয়ে
তিনি তার কম মঙ্গলাকাজ্জিনী। আজ এত আনন্দ তো শুধু এই জন্যেই
যে তোমার কাজ তুমি নিজের হাতে করেচ! তাব সমস্ত শুভ যে শুধু
তোমার হাতেই নিভব করচে! তার শক্তি, তোমার বুদ্ধি। সে ভার
বহন করে চলবে, তুমি পথ দেখাবে। জগদীশ্বর! (চোখ তুলিয়া)
ইস্! চারটে বাজে যে! অনেক কাজ এখনো বাকি। আসি মা
বিজয়া! আসি দয়ালবাবু। (প্রস্থানোত্তম)

দয়াল। চলুন আমিও যাই।

রাস। কিন্তু আসল কথাটাই যে এখনো বলা হয় নি। (ফিরিয়া
আসিয়া উপবেশন করিলেন) তোমার এই বুড়ো কাকাবাবুর একটি
অনুরোধ তোমাকে রাখতে হবে। বলো রাখবে?

বিজয়া। বলুন কি?

রাস। লজ্জায়, ব্যথায়, অনুরোধে সে দগ্ধ হয়ে যাচ্ছে। কিন্তু
এক্ষেত্রে তোমাকে একটু কঠিন হতে হবে। সে এসে ক্ষমা চাইলেই যে
ভুলে যাবে সে হবে না। শাস্তি তার পূর্ণ হওয়া চাই। অন্ততঃ একটা
দিনও এই ছুঃখ সে ভোগ করুক এই আমার অনুরোধ।

বিজয়া । বিলাসবাবু কি হঠাৎ অসুস্থ হয়ে পড়েছিলেন !

রাস । না, সে আমি বলবো না—সে কিছু নয়—ও কথা শুনে তোমার কাজ নেই ।

বিজয়া । কালীপদ ।

কালীপদ প্রবেশ করিল

কালীপদ । আজ্ঞে—

বিজয়া । বিলাসবাবু আফিস ঘরে আছেন একবার তাঁকে ডেকে আনো ।

কালীপদ । যে আজ্ঞে—

কালীপদ চলিয়া গেল

রাস । (মনোহ মৃদু-ভাবনার স্বরে) ছি মা ! শুনে পারলে না থাকতে ? এখুনি ডেকে পাঠালে ? (হাসিয়া দয়ালের প্রতি) ঠিক এই ভয়টিই করেছিলাম দয়ালবাবু । সে ব্যথা পাচ্ছে শুনলে বিজয়া সহিতে পারবে না—তাই বলতে চাইনি—কি করে হঠাৎ মুখ দিয়ে বেরিয়ে গেল—কিন্তু আমি বাধা দেব কি ক'রে ? মা যে আমার করুণাময়ী ! এ যে সংসারের সবাই জেনেছে । আশ্বিন দয়ালবাবু—

দয়াল । চন্দ্রন বাই ।

কালীপদ প্রবেশ করিল

কালীপদ । ছোটবাবু বাড়ী চলে গেছেন, তাঁকে ডেকে আনতে লোক গেল ।

রাস । লোক গেল ? আজ তাকে না ডাকলেই ভাল হতো মা । কিন্তু—ওঃ ! গোলেমালে একটা মস্ত কাজ যে আমরা ভুলে যাচ্ছি । দয়ালবাবু, আজ যে বছরের প্রথম দিন ! আমাদের যে অনেক দিনের কল্লনা আজকের শুভ দিনে বিশেষ করে মাকে আমরা আশীর্বাদ করবো !

তবে, ভালোই হয়েছে আমরা না চাইতেই বিলাসকে ডেকে আনতে লোক গেছে! এ-ও সেই করুণাময়ের নির্দেশ। আসুন দয়ালবাবু, আর বিলম্ব করবো না—সামান্য আয়োজন সম্পূর্ণ করে নিই—বিলাস এসে পড়লেই আমরা ফিরে এসে বিজয়াকে আমাদের সমস্ত কল্যাণ-কামনা উজাড় করে ঢেলে দিয়ে যাবো। আসুন।

উভয়ের প্রস্থান। বিজয়া ঘাইবার পূর্বে টেবিলের চিঠিপত্রগুলো

গুছাইয়া রাখিতেছিল, কালীপদ মুখ বাড়াইয়া বলিল

কালীপদ। মা, ডাক্তারসাহেব—

বলিয়া অদৃশ্য হইল। নরেন প্রবেশ করিয়া hat ও ছড়িটা

একপাশে রাখিতে রাখিতে

নরেন। নমস্কার! পথ থেকে ফিরে এলুম, ভাবলুম, যে বদ্রাগী লোক আপনি, না এলে হয় তো ভয়ানক রাগ করবেন।

বিজয়া। ভয়ানক রেগে আপনার করতে পারি কি?

নরেন। কি করতে পারেন সেটা তো প্রশ্ন নয়, কি না করতে পারেন সেটাই আসল কথা। কিন্তু বাঃ! আমার ওষুধে দেখছি চমৎকার ফল হয়েছে।

বিজয়া। আপনার ওষুধে কি ক'রে জানলেন? আমাকে দেখে না কারো কাছে শুনে!

নরেন। শুনে। কেন, আপনি কি দয়ালবাবুর কাছে শোনেন নি যে আমার ওষুধ খেতে পর্যন্ত হয় না, শুধু প্রেসক্রিপশনটার ওপর চোখ বুলিয়ে ছিঁড়ে ফেলে দিলেও অর্ধেক কাজ হয়। হাঃ—হাঃ—হাঃ—হাঃ—

বিজয়া। (হাসিয়া ফেলিয়া) তাই বুঝি বাকি অর্ধেকটা সারাবার জন্যে পথ থেকে ফিরে এলেন? কিন্তু ও-দিকে নলিনী বেচারী যে আপনার অপেক্ষা করে পথ-চেয়ে রইলো?

নরেন। তা বটে। দয়ালবাবুর স্ত্রীকে গিয়ে একবার দেখে আসতে হবে। কিন্তু আমাকে নিয়ে আচ্ছা কাণ্ড করলেন তো বিলাসবাবুর সঙ্গে ! ছি ছি ছি ছি—হাঃ হাঃ হাঃ হাঃ—

বিজয়া। এর মধ্যে বললে কে আপনাকে ?

নরেন। দয়ালবাবু। এই মাত্র নিচে তাঁর সঙ্গে দেখা—ছি ছি ছি আপনার ভারি অত্মায় ! ভারি অত্মায় ! হাঃ হাঃ হাঃ—

বিজয়া। অত্মায় আমার, কিন্তু আপনি এত খুসি হয়ে উঠলেন কেন ?

নরেন। (গম্ভীর হইয়া) খুসি হয়ে উঠলুম ? একেবারে না। অবশ্য একথা সম্পূর্ণ অস্বীকার করতে পারি নে যে শুনেই প্রথমে একটু আমোদ বোধ করেছিলুম, কিন্তু তার পরে বাস্তবিক দুঃখিত হয়েছি। আপনার মতো বিলাসবাবুর মেজাজটাও তেমন ভাল নয়—ভবিষ্যতে আপনারা যে দিনরাত লাঠালাঠি করবেন।

বিজয়া। আপনি তো তাই চান।

নরেন। (জিভ কাটিয়া সলজ্জে) না না না না—ছি ছি ও কথা বলবেন না। সত্যিই আমি শুনে বড় ক্ষুণ্ণ হয়েছি। তাঁর মেজাজটা ভালো নয় বটে, কিন্তু আপনি নিজেও যে অসহিষ্ণু হয়ে কতকগুলো অপমানের কথা বলে ফেলবেন সে-ও ভাবি অত্মায়। ভেবে দেখুন দিকি কথাটা প্রকাশ পেলে ভবিষ্যতে কি রকম দজ্জার কারণ হবে ? বিশেষ ক'রে আমার জন্তে আপনাদের মধ্যে একপ একটা অপ্রীতিকর ঘটনা ঘটায়—

বিজয়া। তাই আহ্লাদে হাসি চাপতে পাচ্ছেন না ?

নরেন। (গম্ভীর মুখে) ছি ছি, কেন আপনি বারবার এ রকম মনে করছেন ? বিশ্বাস করুন যথার্থই আমি বড় দুঃখিত হয়েছি। কিন্তু তখন আমি আপনাদের সম্বন্ধে কিছুই জানতুম না। জরের ঘোড়ার কি সামান্য একটা কথা আপনি বললেন তাতেই এত ! প্রথমে আমি তো হতবুদ্ধি হয়ে গিয়েছিলুম বিলাসবাবুর উগ্রতা দেখে, তার পরে বাইরে এনে

রাসবিহারীবাবু আমাকে যা বুঝিয়ে বললেন তাবও সঙ্কেত ঐ ঈর্ষা এবং মিস্ নলিনীও স্পষ্ট বললেন ঈর্ষা, আর দয়ালবাবুও তাতেই বেন সায় দিলেন। শুনে লজ্জায় মরে যাই, অথচ সত্যি বলচি আপনাকে এত লোকের মধ্যে আমার মতো একটা নগণ্য লোককে বিলাসবাবুর ঈর্ষা কবাব কি আছে আমি তো আজও ভেবে পেলুম না। (ক্ষণকাল মোঁন থাকিয়া) আপনারা তো আবশ্যক হলে সকলের সঙ্গে কথা কন, এতে এমনি কি দোষ তিনি দেখতে পেলেন? যাই হোক, আপনারা আমাকে মাপ করবেন—আব ঐ বাঙলায় কি যে বলে—অভি—অভিনন্দন—আমিও আপনাকে তাই জানিয়ে যাচ্ছি, আপনারা সুখী হোন।

বিজয়া। (মুখ ফিরাইয়া) অভিনন্দন আজ না জানিয়ে বরঞ্চ সেই দিনই আশীর্বাদ করবেন।

নরেন। সেদিন? কিন্তু ততদিন পাববো থাকতে?

বিজয়া। না, সে হবে না। রাসবিহারীবাবুকে কথা দিবেছেন আপনাকে থাকতেই হবে।

নরেন। কথা দিই নি বটে, কিন্তু দিতেই ইচ্ছে করে। যদি থাকি আসবোই। (বিজয়া অলক্ষ্যে চোখ মুছিয়া ফেলিল) ভালো কথা। আমার আর একটা ক্ষমা চাইবার আছে। সেদিন কালীপদকে নিয়ে হঠাৎ microscopeটা পাঠিয়েছিলেন কেন?

বিজয়া। আপনার জিনিস আপনি নিজেই তো ফিরে চেয়েছিলেন।

নরেন। তা বটে, কিন্তু দামের কথাটা তো বলে পাঠাননি? তা হলে তো—

বিজয়া। আমার ভুল হয়েছিল। কিন্তু সেই ভুলের শাস্তি আপনি তো আমাকে কম দেননি!

নরেন। কিন্তু কালীপদ যে বললে—

বিজয়া। যাই বলুক সে, কিন্তু আপনাকে উপহার দেবার স্পর্দ্ধা

আমার থাকতে পারে এমন কথা কেমন করে বিশ্বাস করলেন ? আর সত্যিই তাই যদি করে থাকি কেন নিভের হাতে শাস্তি দিলেন না ? কেন চাকরকে দিয়ে আমার অপমান করলেন ? আপনার কি করেছিলুম আমি ?

শেষের দিকে তার গলা ভাঙিয়া আসিল, সে উঠিয়া গিয়া

জানালায় বাহিরে চাহিয়া দাঁড়াইয়া রহিল

নবেন । কাজটা আমার যে ভালো হয়নি তা' তখন টের পেয়েছিলুম । তারপরে অনেক ভেবে দেখেছি—আর ঐ দেখুন—ঐ ঈর্ষা জিনিসটা যে কত মন্দ তার সীমা নেই । ওবে শুধু নিভের ঝোঁকে বেড়ে চলে তাই নয়, সক্রামক ব্যাধির মতো অপরকে আক্রমণ করতেও ছাড়ে না । আজ তো নিশ্চয় জানি আমাকে ঈর্ষা করার মতো ভুল বিলাসবাবুব আর নেই কিন্তু সেদিন নলিনীর মুখের ঐ ঈর্ষা শব্দটা আমার কানের মধ্যে গিয়ে বিঁধে রইলো কিছুতেই যেন আর ভুলতে পারিনে ।

বিজয়া । (মুখ না ফিরাইয়া) তাবপরে ? ভুললেন কি করে ?

নরেন । (হাসিয়া) অনেক চেষ্টায় । অনেক দুঃখে । কেবলি মনে হতে লাগলো—নিশ্চয়ই কিছু কারণ আছে নইলে মিছেমিছি কেউ কাককে হিংসে কবে না । আপনাকে আজ আমি সত্যি বলছি তার পবের ক'দিন চক্ষিণ ঘণ্টাই শুধু আপনাকে ভাবতুম আর মনে পড়তো আপনাব জ্বরের ঘোরের সেই কথাগুলি । তাই তো বলেছিলুম একি ভয়ানক ছোঁয়াচে রোগ । কাজ-কর্ম চুলোয় গেল—দিবারাত্রি আপনার কথাই শুধু মনের মধ্যে ঘুরে বেড়ায় । এর কি আবশ্যক ছিল বলুন তো ? আর শুধু কি এই ? আপনাকে দেখার জন্তেই কেবল দু-তিনদিন এই পথে হেঁটে গেছি । দিন কতক সে এক আচ্ছা পাগলা ভূত আমার কাঁধে চেপেছিল ।

এই বলিয়া সে হাসিতে লাগিল । বিজয়া কোন কথা না বলিয়া

ঘর হইতে বাহির হইয়া গেল

নরেন। (সেই দিকে সন্নিহিত চাহিয়া) এ আবার কি হলো ! রাগ করবার কথা কি বল্লুম !

কালীপদ প্রবেশ করিল

কালীপদ। আপনি চলে যাবেন না যেন। মা বলে দিলেন আপনি চা খেয়ে যাবেন।

নরেন। না না তাঁকে বারণ করে দাও গে—আমি দয়ালবাবুর ওখানে চা খাবো।

কালীপদ। কিন্তু মা ছুঃখ করবেন যে !

নরেন। না, ছুঃখ করবেন না। তাঁকে বললে গে আজ আমাদের সময় নেই।

কালীপদ। বলচি, কিন্তু তিনি কথখনো শুনবেন না।

কালীপদ প্রস্থান করিল, অশ্রু দ্বারা দিয়া বিজয়া প্রবেশ করিল

নরেন। অমন করে হঠাৎ চলে গেলেন যে বড়ো ?

বিজয়া। কেমন করে চলে গেলুম শুনি ?

নরেন। যেন রাগ করে।

বিজয়া। আপনার চোখের দৃষ্টিটা খুলচে দেখছি তা'হলে ! আচ্ছা, সেই ভূতের কাহিনীটা শেষ করুন এবার।

নরেন। কোন্ ভূতের কাহিনী ?

বিজয়া। সেই যে পাগ্লাম ভূতটা দিনকতক আপনার কাঁধে চেপেছিল ? সে নেবে গেছে তো ?

নরেন। (লহাস্তে) ওঃ—তাই ? হাঁ সে নেবে গেছে।

বিজয়া। যাক তাহলে বেঁচে গেছেন বলুন। নইলে আরও কতদিন যে আপনাকে এই পথে ঘোড়দৌড় করিয়ে বেড়াত কে জানে।

কালীপদ । (নরেনকে দেখাইয়া) উনি চা খাবেন না ।

বিজয়া । (কালীপদকে) কেন খাবেন না ? যা তুই ঠিক করে আনতে বলে দিগে ।

কালীপদ গ্রহান করিল

নরেন । আমাকে মাপ করবেন আজ আমি চা খেতে পারবো না ।

বিজয়া । কেন পারবেন না ?—আপনাকে নিশ্চয় খেয়ে যেতে হবে !

নরেন । (মাথা নাড়িয়া) না না,—সে ঠিক হবে না । সেদিন তাদের কথা দিযেছিলুম আজ এসে তাঁদের বাড়ীতে খাবো । না খেলে তাঁরা বড় দুঃখ করবেন ।

বিজয়া । তাঁরা কে ? দয়ালবাবুর স্ত্রী না নলিনী ?

নরেন । দুজনেই দুঃখ পাবেন । হয়তো আমার জন্তে আয়োজন কবে রেখেচেন ।

বিজয়া । আয়োজনের কথা থাক, কিন্তু দুঃখ পেতে বুঝি শুধু তাঁরাই আছেন, আর কেউ নেই নাকি ?

নরেন । আব কেউ কে, দয়ালবাবু ? (হাসিয়া) না না, তিনি বড় শাহুমানুষ—সাদাসিধে নিরীহ লোক । তা'ছাড়া তাঁকে তো এ-বাড়ীতেই দেখলুম । তাঁকে ভয় নেই, কিন্তু গুরা বড় রাগ করবেন ।

বিজয়া । গুরা কারা নরেনবাবু ? গুরা কেউ নেই—আছেন শুধু নলিনী । এখানে খেয়ে গেলে তিনিই রাগ করবেন । বলুন, তাঁকেই আপনার ভয়, বলুন, এই কথা সত্যি ।

নরেন । রাগ করতে আপনারা কেউ কম নয় । আপনাকে কথা দিয়ে সেখানে খেয়ে এলে আপনিই কি রাগ কম করতেন নাকি ?

বিজয়া । হাঁ, তাই যান । শিগ্গির যান আপনার অনেক দেরি হয়ে গেছে আর আপনাকে আটকাবো না ।

নরেন। হাঁ, দেরি হয়ে গেছে বটে। ফিরে যাবার সাতটার ট্রেনটা হয়তো আর ধরতে পারবো না।

বিজয়া। পারবেন না কেন? এখন থেকে সাতটা পর্যন্ত আপনাকে ধরে বসিয়ে নলিনী খাওয়াবেন নাকি? এখানে তো একটুখানি খেয়েই না না করতে থাকেন, শত উপরোধেও কথা রাখেন না, উপেক্ষা ক'রে উঠে পড়েন।

নরেন। একেবারে উণ্টো অভিযোগ? মানুষকে বেশি খাওয়ানোর রোগ আপনার চেয়ে সংসারে কারো আছে নাকি? উপেক্ষা করা? আপনাকে উপেক্ষা ক'রে কারো নিস্তার আছে? ভয়েই তো সারা হয়ে যায়।

বিজয়া। কিন্তু আপনার তো ভয় নেই। এই তো স্বচ্ছন্দে উপেক্ষা করে চলে যাচ্ছেন।

নরেন। উপেক্ষা করে নয়, তাঁদেব কথা দিয়েছি বলে। আর খাওয়াই শুধু নয়, একটা বইয়ের কতকগুলো জিনিস নলিনীর বেধেছে সেইগুলো বুঝিয়ে দিতে হবে।

বিজয়া। কি বই?

নরেন। একটা ডাক্তারী বই। তাঁর ইচ্ছে বি, এ, পাশের পরে মেডিকেল কলেজে গিয়ে ভর্তি হ'ন। তাই সামান্য যা জানি অল্প-স্বল্প তাঁকে সাহায্য করি।

বিজয়া। আপনি কি তাঁর প্রাইভেট টিউটার? মাইনে কি পান?

নরেন। এ বলা আপনার অনায়াস। আপনার কথাবার্তায় আমার প্রায় মনে হয় তাঁর প্রতি আপনি প্রসন্ন ন'ন। কিন্তু তিনি আপনাকে কত যে শ্রদ্ধা করেন জানেন না। এখানে এসে পর্যন্ত যত ভালো কাজ আপনি করেছেন সমস্ত তাঁর মুখে শুনতে পাই। আপনার কত কথা। এক কলেজে পড়তেন আপনারা—আপনি কলেজে আসতেন মস্ত একটা জুড়ি-গাড়ী করে, মেয়েরা সবাই চেয়ে থাকতো। নলিনী বলছিলেন,

যেমন রূপ তেমনি নম্র আচরণ—পরিচয় ছিল না, কিন্তু তখন থেকে আমরা সবাই বিজয়াকে মনে মনে ভালবাসতুম। এমনি কত গল্প হয়।

বিজয়া। কেবল গল্পই যদি হয় আপনি পড়ান কখন?

নরেন। পড়াই কখন? আমি কি তাঁর মাষ্টার, না পড়ানোর ভার আমার ওপর? আপনার কথাগুলো সব এত বাঁকা যে মনে হয় সোজা কথা বলতে কখনো শেখেননি।

বিজয়া। শিখবো কি করে, মাষ্টার তো ছিল না।

নরেন। আবার সেই বাঁকা কথা!

বিজয়া। (হাসিয়া ফেলিল) কিন্তু আপনি যাবেন কখন? খাওয়া আজ না হয় না—ই হলো কিন্তু পড়ানো না হলে যে ভয়ানক ক্ষতি!

নরেন। আবার সেই! চল্লুম। (টুপিটা হাতে লইয়া কয়েক পদ অগ্রসর হইয়া দ্বারের নিকটে সহসা থমকিয়া দাঁড়াইয়া) একটা কথা বলবার ছিল, কিন্তু ভয় হয় পাছে রাগ করে বসেন।

বিজয়া। রাগই যদি করি তাতে আপনার ভাবনা কি? দেনা শোধ করুন বলে চোখ রাঙাবো সে জো-ও নেই। ভয়টা আপনার কিসের?

নরেন। আবার তেমনি বাঁকা কথা। কিন্তু শুনুন। এখানে এসে পর্যন্ত আপনি বহু সং-কার্য্য করেছেন। কত দুঃস্থ প্রজার খাজনা মাপ করেছেন, কত দরিদ্রকে দান করেছেন, ধর্ম্ম-মন্দির প্রতিষ্ঠা করেছেন—

বিজয়া। এ-সব শোনাতে কে? নলিনী?

নরেন। হাঁ, তাঁর মুখেই শুনেছি। কত দরিদ্র কত-কি পেলে আমি কি কিছু পাবো না? আমাকে সেই মাইক্রস্কোপটা আজ উপহার দিন, কাল-পরশু দামটা তার পাঠিয়ে দেবো।

বিজয়া। দাম দিয়ে উপহার নেবার বুদ্ধি আপনাকে কে যোগালে? নলিনী?

নরেন। না না, তিনি নয়। তিনি শুধু বলছিলেন সেটা আপনার

তো কোন কাজে লাগলো না, কিন্তু তিনি পেলে অনেক কিছু শিখতে পারেন—সে শিক্ষা পরে তাঁর অনেক কাজে লাগবে।

বিজয়া। অর্থাৎ, সেটা গিয়ে পৌছবে তাঁর হাতে? আমি বেচলে আপনি নিয়ে গিয়ে তাঁকে উপহার দেবেন—এই তো প্রস্তাব?

নরেন। না না, তা নয়। কিন্তু সেটা আপনারও কোন কাজে এলো না, অথচ সকলেরই চক্ষু-শূল হয়ে বইলো। তাই বলছিলুম—

বিজয়া। বলার কোন দরকার ছিল না নরেনবাবু। আপনার টাকার অভাব নেই, দোকানেও মাইক্রোস্কোপ কিনতে পাওয়া যায়। কিনেই যদি উপহার দিতে হয় তাঁকে বাজার থেকে কিনেই দিবেন। এটা আমার চক্ষু-শূল হয়েই আমার কাছে থাক্।

নরেন। কিন্তু—

বিজয়া। কিন্তুতে আর কাজ নেই। আপনি নিরর্থক নিজেরও সময় নষ্ট করছেন, আমারও করছেন। আরও তো কাজ আছে।

নরেন। (ক্ষণকাল হতবুদ্ধি ভাবে চাহিয়া থাকিয়া) আপনার স্নমুখে সব কথা আমি শুন্নি বলে পাবিনে আপনিও রেগে ওঠেন। হয়তো আপনার মনে হয় নিজের অবস্থাকে ডিঙিয়ে আপনাদের সমকক্ষ হয়ে আমি চলতে চাই, কিন্তু তা কখনো সত্যি নয়। আপনার বাড়ীতে আসতে কত যে সম্মুচিত হই সে আমিই জানি। এসে কি বলতে কি বলি, নিজের ওজন রাখতে পাবিনে আপনি উত্কর্ষ হয়ে পড়েন, কিন্তু সে আমার অন্তমনস্ক প্রকৃতির দোষে, আপনাকে অমর্যাদা করার জন্তে না। কিন্তু আর আপনাকে বিরক্ত করতে আমি আসবো না। নমস্কার।

নরেন ধীরে ধীরে বাহির হইয়া গেল

ব্যঙ্গ-পদে রাসবিহারীর প্রবেশ। তাহার পিছনে দয়াল, হাতে রৌপ্যপাত্রে ফুল, চন্দন ও একজোড়া মোটা সোণার বালা। তাহার পিছনে দুইজন ভৃত্যের হাতে ফুল মালা ইত্যাদি এবং তাহাদের পিছনে কৰ্মচারীর দল। বিজয়া চেয়ার ছাড়িয়া উঠিয়া দাঁড়াইল

রাস। মা বিজয়া, আজ যে নব-বৎসরের প্রথম দিন সেকথা কি তোমার স্মরণ আছে।

বিজয়া। একটু পূর্বেই আপনি বলে গেলেন, নইলে ছিল না।

রাস। (মুহূ হাসিয়া) তুমি ভুলতে পারো কিন্তু আমি ভুলি কি করে? এই যে আমার ধ্যান-জ্ঞান। বনমালী বেঁচে থাকলে আজকের দিনে তিনি কি করতেন মনে পড়ে মা।

বিজয়া। পড়ে বই কি। আজকের দিনে বিশেষ করে তিনি আমাকে আশীর্বাদ করতেন।

রাস। বনমালী নেই, কিন্তু আমি আজ আছি। ভেবেছিলাম এই কর্তব্য প্রভাতেই নিষ্পন্ন করবো, তোমাদের স্বাস্থ্য, আয়ু, নির্বিস্ময়-জীবন ভগবানের শ্রীচরণে প্রসাদ ভিক্ষা করে নেবো, কিন্তু নানাকারণে তাতে বাধা পড়লো। কিন্তু বাধা তো সত্যি নয়, সে মিথ্যে। তাকে স্বীকার করে নিতে পারিনি তো মা। জানি আজ তোমার মন চঞ্চল, তবু দয়ালকে বললাম, ভাই, আজকের এই পুণ্য দিনটিকে আমি ব্যর্থ যেতে দিতে পারবো না, তুমি আয়োজন করো। আয়োজন যত আকিঞ্চনই হোক,—কিন্তু নিজেই যে আমি বড় আকিঞ্চন মা। দয়াল বললেন, সময় কই? বেলা যে যায়। সজোরে বললুম, যায়নি বেলা—আছে সময়। কোন বিষয়ই আজ আমি মানবো না। আয়োজনের স্বল্পতায় কি আসে যায় দয়াল, আড়ম্বরে বাইরের লোককেই শুধু ভোলানো যায়, কিন্তু এ যে বিজয়া! মা যে বুঝবেই এ তার পিতৃ-কল্প কাকাবাবুর অন্তরের শুভকামনা। লোক ছুটলো আমার বাড়ীতে, বাগানে ছুটলো মালী ফুল তুলতে—মাস্তুলিক ঘা-কিছু সংগৃহীত হতে বিলম্ব ঘটলো না। মুকুট-মালা না-ই বা হলো,—এ যে কাকাবাবুর আশীর্বাদ! কিন্তু বিলাস এলো না কেন? তখনি স্মরণ হলো সে আসবে কি ক'রে? সে সাহস তার কই? ভাবলাম ভালই হয়েছে যে সে লজ্জায় লুকিয়ে আছে। এমনিই হয় মা,—

অপরাধের দণ্ড এমনি করেই আসে। জগদীশ্বর! (একমুহূর্ত পরে)
তখন কাছারি ঘরে ডাক দিয়ে বললাম, তোমরা কে-কে আছো এসো
আমাদের সঙ্গে। আজকের দিনে তোমাদের কাছেও বিজযাব চিবদিনের
কল্যাণ ভিক্ষা কবে আমি নিতে চাই। এসো তো মা আমার কাছে।

এই বলিয়া তিনি নিগেই অগ্রসর হইয়া গেলেন। বিজয়া উদ্ভ্রান্ত মুখে এতক্ষণ

নীরবে চাহিয়াছিল এইবার ঘাড হেঁট করিল। রাসবিহারী তাহার কপালে

চন্দনের ফোঁটা দিলেন, মাথায় ফুল ছড়াইয়া দিতে দিতে

সংসারে আনন্দ লাভ করো, স্বাস্থ্য-আয়ু-সম্পদ লাভ করো, ব্রহ্ম-পদে
অবিচলিত শ্রদ্ধা-ভক্তি-বিশ্বাস লাভ করো, আজকের পুণ্যদিনে এই
তোমার কাকাবাবুর আশীর্বাদ মা।

বিজয়া দুইহাত জোড় করিয়া নিজের ললাট স্পর্শ করিয়া নমস্কার করিল।

অনেকের হাতেহ ফুল ছিল তাহারা ছড়াইয়া দিল

রাস। দেখি মা তোমার হাত দুটি—

এই বলিয়া বিজয়ার হাত টানিয়া লইয়া একে একে সেই সোনার বালা দুটি পরাইয়া দিলেন
টাকার মূল্যে এ-বালাব দাম নয় মা, এ তোমার—(দীর্ঘশ্বাস মোচন
করিয়া) এ আমার বিলাসের জননীর হাতের ভূষণ। চেয়ে দেখো
মা কত ক্ষয়ে গেছে। মৃত্যুকালে তিনি বলেছিলেন এ যেন না কখনো
নষ্ট করি, এ যেন শুধু আজকের দিনের জন্তেই—(রাসবিহারীর বাষ্পকদ্ধ
কণ্ঠস্বর এইবার একেবারে ভাঙিয়া পড়িল)

দয়াল। (আশীর্বাদ করিতে কাছে আসিয়া ব্যস্তভাবে) মা,
মুখখানি যে বড় পাণ্ডুর দেখাচ্ছে অসুখ করেনি তো ?

বিজয়া। (মাথা নাড়িয়া) না।

দয়াল। সুখী হও, আয়ুস্বতী হও, জগদীশ্বরের কাছে এই প্রার্থনা করি।

বিজয়া জাহ্নু পাতিয়া তাঁহার পায়ের কাছে প্রণাম করিল

দয়াল। (ব্যস্ত হইয়া) থাক মা, থাক—আনন্দময় তোমাকে আনন্দে রাখুন। কিন্তু মুখ দেখে তোমাকে বড় শ্রান্ত মনে হচ্ছে। বিশ্রাম করার প্রয়োজন।

রাস। প্রয়োজন বই কি দয়াল, একান্ত প্রয়োজন। আজ বনমালীর উল্লেখ করে হয়তো তোমার মনে বড় কষ্ট দিয়েছি, কিন্তু না করেও যে উপায় ছিল না। আজকের শুভদিনে তাঁকে স্মরণ করা যে আমার কর্তব্য। কিন্তু আর কথা কয়ে তোমাকে ক্লান্ত করবো না মা, যাও বিশ্রাম করো গে। দয়াল, চলো ভাই আমরা যাই। (কর্মচারীদের লক্ষ্য করিয়া) তোমরা সকলেই বয়োজ্যেষ্ঠ, তোমাদের মঙ্গল-কামনা কখনো নিষ্ফল হবে না। শুধু দয়াল নয়, তোমাদের কাছেও আমি দ্রুতজ্ঞ। কিন্তু চলো সকলে যাই, মাঝে বিশ্রাম করার একটু অবসর দিই।

সকলের একে একে প্রস্থান

বিজয়া বালা জোড়া হাত হইতে খুলিয়া ফেলিল। এবং নিঃশব্দে ফিরিয়া আসিয়া টেবিলে মাথা রাখিয়া উপবেশন করিল। স্বপ্নের পরে পরেশ প্রবেশ করিয়া ক্ষণকাল নীরবে চাহিয়া রহিল

পরেশ। মা গো!

বিজয়া। (মুখ তুলিয়া) কি রে পরেশ?

পরেশ। তোমার যে বিয়ে হবে গো।

বিজয়া। বিয়ে হবে? কে তোরে বললে?

পরেশ। সবাই বলচে। এই যে আশীর্বাদ হয়ে গেল আমরা সবাই দেখবু।

বিজয়া কোথা দিয়ে দেখলি?

পরেশ। উই দোরের ফাঁক দিয়ে। আমি, মা, সতুর পিসি—সবাই। দু-গাঙা পরসা দাও না মা, একটা ভালো নাটাই কিনবো—

(জানালার বাহিরে দৃষ্টিপাত করিয়া) উই গো ! ডাক্তারবাবু যায় মা ।
হন্ হন্ করে চলেছে ইষ্টিসানে—

বিজয়া । (দ্রুতপদে জানালার কাছে আসিয়া বাহিরে চাহিয়া)
পরেশ ধরে আন্তে পারিশ ঙ্গকে ? তোকে খুব ভালো লাটাই কিনে
দেবো ।

পরেশ । দেবে তো মা ?

পরেশ দৌড় মারিল । পরেশের মা যুদ্ধপদে প্রবেশ করিল

পরেশের মা । আজকে কি কিছু খাবে না দিদিমনি ? এক ফোটা
চা পর্য্যন্ত যে খাওনি ! (টেবিলের কাছে আসিয়া বালা ছুটা হাতে তুলিয়া
লইয়া) এ কি কাণ্ড ! আজকের দিনে কি হাত থেকে সরাতে আছে
দিদিমনি ! তোমার যে ভুলো-মন হয়তো, এখানেই ফেলে চলে যাবে, যার
চোখে পড়বে সে কি আর দেবে !—তোমার পরেশকে কিন্তু একটা
আঙুটি গড়িয়ে দিতে হবে দিদিমনি, তার কত দিনের সখ ।

বিজয়া । আর তোমাকে একটা হার—না ?

পরেশের মা । তামাসা করচো বটে, কিন্তু না নিয়েই কি ছাড়বো
ভেবেচো ।

বিজয়া । না ছাড়বে কেন, এই তো তোমাদের পাবার দিন !

পরেশের মা । সত্যি কথাই তো ! এ সব কাজ-কর্মে পাবো না তো
কবে পাবো বলো তো ? এক বাটি চা আর কিছু খাবার নিয়ে আসবো ?
না হয় তোমার শোবার ঘরে চলো, আমি সেখানেই দিয়ে আসি গে ।

বিজয়া । তাই যাও পরেশের মা, আমার শোবার ঘরেই দাঁও গে ।

পরেশের মা । যাই দিদিমনি, বামুন ঠাকুরকে দিয়ে খানকতক গরম
লুচি ভাজিয়ে নিই গে ।

বিজয়া । এই নে পরেশ একটা টাকা । খুব ভালো লাটাই কিনিস্ ঠকিস্‌নে যেন !

পরেশ । নাঃ—

পরেশ নিমিষে অদৃশ্য হইয়া গেল

নরেন । ওঃ—তাই ওর এত গরজ ! আমাকে নিশ্বাস নেবার সময় দিতে চায় না । লাটাই কেনার টাকা যুগ দেওয়া হলো ! কিন্তু কেন ? হঠাৎ যে আবার ডাক পড়লো ?

বিজয়া । (ক্ষণকাল নরেনের মুখের প্রতি চাহিয়া) মুখ তো শুকিয়ে বিবর্ণ হয়ে উঠেছে । কি খেলেন সেখানে ?

নরেন । পাইনি । দোর গোড়া পর্যন্ত গিয়ে ফিরে এলুম, ঢুকতে ইচ্ছেই হ'ল না ।

বিজয়া । কেন ?

নরেন । কি জানি কেন ! মনে হলো কোথাও কারো কাছে আর যাবো না,—এদিকেই আর আসবো না ।

বিজয়া । আমি মন্দ লোক, মিছিমিছি রাগ করি, আর আপনি ভয়ানক ভালো লোক—না ?

নরেন । কে বলেছে আপনাকে মন্দ লোক ?

বিজয়া । আপনি বলেছেন । আমাকেই অপমান করলেন, আর আমাকেই শাস্তি দিতে না খেয়ে কলকাতা চলে যাচ্ছেন—কি করেছি আপনার আমি !

বলিতে বলিতে তাহার চক্ষু অশ্রুপূর্ণ হইয়া উঠিল এবং তাহাই গোপন

করিতে সে জানালার বাহিরে মুখ ফিরিয়া দাঁড়াইল

নরেন । কি আশ্চর্য্য ! বাসায় ফিরে যাচ্ছি তাতেও আমার দোষ !

কালীপদ প্রবেশ করিল

কালীপদ । মা আপনার শোবার-ঘরে খাবার দেওয়া হয়েছে ।

বিজয়া । (নরেনের প্রতি) চলুন আপনার খাবার দিয়েছে ।

নরেন। আমার কি রকম? আমি যে আসবো নিজেই তো জানতুম না।

বিজয়া। আমি জানতুম চলুন!

নরেন। আমার খাবার ব্যবস্থা আপনার শোবার ঘরে? এ কখনো হয়? হাঁ কালীপদ, কার খাবার দেওয়া হয়েছে সত্যি করে বলো তো?

কালীপদ। আজ্ঞে মা'র। আজ সারাদিন উনি প্রায় কিছুই খাননি।

নরেন। তাই সেগুলো এখন আমাকে গিন্তে হবে? দেখুন, অগ্নায় হচ্ছে—এতটা জ্বলুম আমার 'পরে চালাবেন না।

বিজয়া। কালীপদ, তুই নিজের কাজে যা। যা জানিস্নে তাতে কেন কথা বলিস বল তো? (নরেনের প্রতি) চলুন, ওপরের ঘরে।

নরেন। চলুন, কিন্তু ভারি অগ্নায় আপনার। সকলের প্রস্থান

দ্বিতীয় দৃশ্য

বিজয়ার শয়ন কক্ষ

বিজয়া ও নরেন প্রবেশ করিল। একটা টেবিলের উপর বহুবিধ
ভোজ্যবস্তু বিজয়া হাত দিয়া দেখাইয়া

বিজয়া। খেতে বসুন।

নরেন। (বসিতে বসিতে) এইখানে আপনারও কেন খাবার এনে দিক না। সারাদিন তো খাননি।

বিজয়া। থাইনি বলে এইখানে এনে দেবে? আপনি কে যে আপনার স্নমুখে এক টেবিলে বসে আমি খাবো। বেশ প্রস্তাব।

নরেন। আমার সব কথাতেই দোষ ধরা যেন আপনার স্বভাব।

তা ছাড়া এমনি কচু-ভাষী যে আপনার কথাগুলো গায়ে ফোটে। এত শক্ত কথা বলেন কেন ?

বিজয়া। শক্ত কথা বুঝি আব কেউ আপনাকে বলে না ?

নরেন। না, কেউ না। শুধু আপনি। ভেবে পাইনে কেন এত রাগ ?

বিজয়া। সেই ভাড়া মাইক্রোস্কোপটা আমাকে ঠকিয়ে বিক্রী করা পর্যন্ত আমার বাগ আর যায় না আপনাকে দেখলেই মনে পড়ে।

নরেন। মিছে কথা। সম্পূর্ণ মিছে কথা। বেশ জানেন আপনি জিতেছেন।

বিজয়া। বেশ জানি জিতিনি, সম্পূর্ণ ঠকেচি। সে হোক গে—
কিন্তু আপনি খেতে বসুন তো। সাতটার ট্রেন তো গেলই, ন'টার গাড়ীটাও কি ফেলা কববেন ?

নরেন। না না, ফেলা করবো না, ঠিক ধববো।

নরেন আহায়ে মন দিল। কালীপদ উঁকি মারিল

কালীপদ। মা, আপনার খাবার বায়গা কি—

বিজয়া। না, এখন না।

কালীপদ সরিয়া গেল

নরেন। আপনার বাড়ীতে চাকরদের মুখের এই ‘মা’ সম্বোধনটি আমার ভারি ভালো লাগে।

বিজয়া। তাদের মুখের আর কোন সম্বোধন আছে না কি ?

নরেন। আছে বই কি। মেম-সাহেব বলা—

বিজয়া। আপনি ভারি নিদ্দুক। কেবল পর-চর্চা।

নরেন। যা দেখতে পাই তা বলবো না ?

বিজয়া। না! আপনার কাজ শুধু মুখ-বুজে খাওয়া। কিছুটা
বেন পড়ে থাকতে না পায়।

নরেন। তাহ'লে মারা বাবো। এর মধ্যেই আমার পেট ভরে এসেছে।

বিজয়া । না আসেনি । বরঞ্চ এক কাজ করুন, পরের নিন্দে করতে করতে অন্তমনস্ক হয়ে থান্ । সমস্ত না খেলে কোনমতে ছুটি পাবেন না ।

নরেন । আপনি এতেই বলচেন খাওয়া হলো না,—কিন্তু কলকাতায় আমার রোজকার খাওয়া যদি দেখেন তো অবাক হয়ে যাবেন । দেখচেন না এই ক'মাসের মধ্যেই কি-রকম রোগা হয়ে গেছি । আমার বাসায় বামুন ব্যাটা হয়েছে যেমন পাজি, তেমনি বদমাইস জুটেছে চাকরটা । সাত-সকালে রেঁধে রেখে কোথায় যায় তার ঠিকানা নেই । আমার কোন দিন ফিরতে হয় ছোটো কোন দিন বা চারটে বেজে যায় । সেই ঠাণ্ডা কড়-কড়ে ভাত—দুধ কোন দিন বা বেরালে খেয়ে যায়, কোন দিন বা জানালা দিয়ে কাক ঢুকে সমস্ত ছড়া-ছড়ি করে রাখে,—সে দেখলেই ঘৃণা হয় । অর্ধেকদিন তো একেবারেই খাওয়া হয় না ।

বিজয়া । এমন সব চাকর-বাকরদের দূর করে দিতে পারেন না ? নিজের বাসায় এত টাকা খরচ করেও যদি এত কষ্ট ; তবে চাকরি করাই বা কেন ?

নরেন । এক হিসেবে আপনার কথা সত্যি । একদিন বাস্তব থেকে দুশো টাকা চুরি করে নিলে, একদিন নিজেই কোথায় একশো টাকা হারিয়ে ফেললুম, অন্তমনস্ক লোকের পদে-পদেই বিপদ কি না । (একটু থামিয়া) তবে নাকি দুঃখ কষ্ট আমার অনেকদিন থেকেই সয়ে গেছে, তাই তেমন গায়ে লাগে না । শুধু, অত্যন্ত ক্ষিদের ওপর খাওয়ার কষ্টটা এক-একদিন অসহ্য বোধ হয় ।

বিজয়া আনতমুখে নীরবে শুনিতছিল

নরেন । বাস্তবিক, চাকরি আমার ভালোও লাগে না, পারিও নে । অভাব আমার খুবই সামান্য—আপনার মতো কোন বড়লোক ছবেলা দুটি-দুটি খেতে দিত, আর নিজের কাজ নিয়ে থাকতে পারতুম তো আর

আমি কিছুই চাইতুম না। কিন্তু সে-রকম বড়লোক কি আর আছে। (চঠাৎ হাসিয়া) তারা ভারি সেরানো—এক পয়সা বাজে খরচ করতে চায় না।

এই বলিয়া পুনরায় সে হাসিয়া উঠিল। বিজয়া তেমনি নিরুত্তরে বসিয়া রহিল

নরেন। কিন্তু আপনার বাবা বেঁচে থাকলে হয়তো এসময়ে আমার অনেক উপকার হতে পারতো—তিনি নিশ্চয় এই উজ্জ্বলতা থেকে আমাকে রক্ষা করতেন।

বিজয়া। কি করে জানলেন? তাঁকে তো আপনি চিনতেন না।

নরেন। না, আমিও তাঁকে কখনো দেখিনি, তিনিও বোধহয় কখনো দেখেননি। কিন্তু তবুও আমাকে খুব ভালবাসতেন। কে আমাকে টাকা দিয়ে বিলেতে পাঠিয়েছিল জানেন? তিনিই। আচ্ছা আমাদের ঋণের সম্বন্ধে আপনাকে কি কখনো কিছু তিনি বলে যাননি?

বিজয়া। বলাই তো সম্ভব, কিন্তু আপনি ঠিক কি ইঙ্গিত করছেন তা না বুঝলে তো জবাব দিতে পারিনে।

নরেন। (ক্ষণকাল চিন্তা করিয়া) থাক্ গে। এখন এ আলোচনা একেবারে নিষ্প্রয়োজন।

বিজয়া। (ব্যগ্র হইয়া) না, বলুন—বলতেই হবে।—আমি শুনবোই।

নরেন। কিন্তু যা চুকে-বুকে শেষ হয়ে গেছে তা আর শুনে কি হবে বলুন?

বিজয়া। না সে হবে না, আপনাকে বলতেই হবে।

নরেন। (হাসিয়া) বলা যে শুধু নিরর্থক তাই নয়—বলতে আমার নিজেরও লজ্জা করে। হয়তো আপনার মনে হবে আমি কোশলে আপনার সেন্টিমেন্টে ঘা দিয়ে—

বিজয়া। (অধীরভাবে) আমি আর খোসামোদ করতে পারিনে আপনাকে—আপনার পায়ে পড়ি বলুন।

নরেন। খাওয়া-দাওয়ার পরে ?

বিজয়া। না এখনি।

নরেন। আচ্ছা, বল্চি বল্চি। কিন্তু তার পূর্বে একটা কথা জিজ্ঞেসা করি, আমার বাড়ীটার ব্যাপারে সত্যিই কি তিনি কোনদিন কোনকথা আপনাকে বলেননি ? (বিজয়া অধিকতর অসহিষ্ণু হইয়া উঠিল) আচ্ছা, রাগ করে কাজ নেই আমি বল্চি। যখন বিলেত যাই তখন বাবার মুখে শুনেছিলুম আপনার বাবাই আমাকে পাঠাচ্ছেন। আজ দিনচারেক আগে দয়ালবাবু আমাকে একতড়া চিঠি দেন। নিচের যে-ঘরটায় ভাঙা-চোরা কতকগুলো আসবাব পড়ে আছে তারই একটা ভাঙা দেয়ালের মধ্যে চিঠিগুলো ছিল—বাবার জিনিস বলে দয়ালবাবু আমার হাতেই দেন। পড়ে দেখলুম খান্‌ছই চিঠি আপনার বাবার লেখা। শুনেছেন বোধহয় শেষ-বয়সে বাবা দেনার আলায় জুয়া খেলতে শুরু করেন। বোধকরি সেই ইঙ্গিত একটা চিঠির গোড়ায় ছিল। তারপরে নিচের দিকে এক যায়গায় তিনি উপদেশের ছলে সাস্ত্যনা দিয়ে বাবাকে লিখেছেন, বাড়ীটার জন্তে ভাবনা নেই—নরেন আমারও তো ছেলে, বাড়ীটা তাকেই যৌতুক দিলুম।

বিজয়া। (মুখ তুলিয়া) তারপরে ?

নরেন। তারপরে সব অত্যাচার কথা। তবে, এ পত্র বহুদিন পূর্বের লেখা। খুব সম্ভব, তাঁর এ অভিপ্রায় পরে বদলে গিয়েছিল বলেই কোন কথা আপনাকে বলে বাওয়া তিনি আবশ্যক মনে করেন নি।

বিজয়া। (কয়েক মুহূর্ত স্থির থাকিয়া) তাহলে বাড়ীটা দাবি করবেন বলুন ? (হাসিল)

নরেন। (হাসিয়া) করলে আপনাকেই সাক্ষী মান্বে। আশা করি সত্যি কথাই বলবেন।

বিজয়া। (ঘাড় নাড়িয়া) নিশ্চয়। কিন্তু সাক্ষী মানবেন কেন ?

নবেন। নইলে প্রমাণ হবে কিসে? বাড়ীটা যে সত্যিই আমার সে কথা তো আদালতে প্রতিষ্ঠিত করা চাই।

বিজয়া। অত্যা আদালতে দাবী নেই, - বাবার আদেশ আমার আদালত। ও বাড়ী আপনাকে আমি ফিৰিয়ে দেবো।

নবেন। (পৰিহাসেৰ ভঙ্গিতে) চিঠিটা চোখে না দেখেই বোধহয় ফিৰিয়ে দেবেন।

বিজয়া। না, চিঠি আমি দেখতে চাই। কিন্তু এই একথাই যদি থাকে—বাবার লুকুমে আমি কোনমতেই অমান্য কৰবো না।

নবেন। তাৰ অভিপ্ৰায় বে শেষ পর্যন্ত এই ছিল তাবই বা প্রমাণ কোথায়?

বিজয়া। ছিল না তাবও তো প্রমাণ চাই।

নবেন। কিন্তু আমি যদি না নিই? দাবি না করা?

বিজয়া। সে আপনাব ইচ্ছে। কিন্তু সে ক্ষেত্রে আপনার পিসীর ছেলেবা আছেন। আমার বিশ্বাস অনুবোধ কবলে তাঁরা দাবি কবতে অসম্মত হবেন না।

নবেন। (সহাস্তে) তাদের ওপৰ এ বিশ্বাস আমারও আছে। এমন কি হলফ নিয়ে বলতেও বাজি আছে। (বিজয়া এ হাসিতে যোগ দিল না। চুপ কৰিয়া বহিল) অৰ্থাৎ, আমি নিই না নিই আপনি দেবেনই।

বিজয়া। অৰ্থাৎ, বাবাব দান করা জিনিষ আমি আত্মসাৎ করবো না এই আমার পণ।

নবেন। (শান্তস্বৰে) ও বাড়ী বখন সংকাজে দান কৰেছেন তখন আমি না নিলেও আপনার আত্মসাৎ করার অধৰ্ম্ম হবে না। তাছাড়া ফিৰিয়ে নিয়ে কি করবো বলুন? আপনার জন কেউ নেই যে তারা বাস করবে। বাইরে কোথাও-না-কোথাও কাজ না করলে আমার চলবে না,

তার চেয়ে যে-ব্যবস্থা হয়েছে সেই তো সবচেয়ে ভালো । আরও এক কথা এই যে বিলাসবাবুকে কিছুতেই রাজি করাতে পারবেন না ।

বিজয়া । নিজের জিনিসে অপরকে রাজি করানোর চেষ্টা করার মতো অপরিপাক সময় আমার নেই । কিন্তু আপনি তো আর এক কাজ করতে পারেন । বাড়ী যখন আপনার দয়াকর নেই, তখন তার উচিত মূল্য আমার কাছে নিন । তা হ'লে চাকরিও করতে হবে না, এবং নিজের কাজও স্বচ্ছন্দে করতে পারবেন । আপনি সম্মত হোন নবেনবাবু ।

এই মিনতিপূর্ণ কণ্ঠস্বর নরেনকে মুগ্ধ করিল, চঞ্চল করিল

নরেন । আপনার কথা শুনে রাজি হতেই ইচ্ছে করে, কিন্তু সে হয় না । কি জানি কেন আমার বহুবার মনে হয়েছে বাবার ঋণের দায়ে বাড়ীটা নিয়ে মনের মধ্যে আপনি স্মৃতি হতে পারেন নি, তাই কোন-একটা উপলক্ষ সৃষ্টি করে ফিরিয়ে দিতে চান । এ দয়া আমি চিরদিন মনে রাখবো, কিন্তু যা আমার প্রাপ্য নয় গরীব বলেই তা ভিক্ষেব মতো নেবো কি করে ?

বিজয়া । এ কথায় আমি কত কষ্ট পাই জানেন ?

নরেন । মানুষের কথায় মানুষে কষ্ট পায় এ কি কখনো হতে পারে ? কেউ বিশ্বাস করবে ?

বিজয়া । দেখুন, আপনি খোঁচা দেবার চেষ্টা করবেন না । আপনি কষ্ট পান এমনধারা কথা আমি কোন দিন বলি নি ।

নরেন । কিন্তু এই যে বলছিলেন ঠকিয়ে মাইক্রস্কোপ বেচে গেছি ! অতি শ্রুতিমধুর বাক্য—না ?

বিজয়া । (হাসিয়া ফেলিয়া) কিন্তু সেটা যে সত্যি ।

নরেন । হাঁ, সত্যি বই কি !

বিজয়া । আপনি গরীব হোন বড়লোক হোন আমার কি ? আমি

কেন্দ্র লালব আদেশ পানন কবাব জন্তেই বাজীটা আপনাকে ফিবিষে দিতে চাচ্ছি।

নবেন। এব মধোও একটু মিথো বয়ে গেল—তা থাক্। খুব বড় বড় পণ তো কবনেন, কিন্তু বাবাব হুকুম মতো দিতে হলে কত জিনিস দিতে হয় তা জানেন? শুধু ওই বাজীটাই নয়।

শিষ্টা। বেশ, নিন, আপনার সম্পত্তি দিবে।

নবেন। (হাসিয়া মাথা নাড়িতে নাড়িতে) খুব বড় গলাব দাবি করতে আমাকে বদাচন, আমি না করলে আমার পিসামার ছেলোদের দাবি করতে বদাচন হবে দেখাচ্ছেন, কিন্তু তাব আদেশ মতো দাবি আমার কোথায় পায়? এতে পারে জানেন? শুধু বেবন ওই বাজীটা আব ন্যক দিবে আমি না। তাব চেব চেব বেশি।

শিষ্টা। না! আপ কি আপনাকে দিয়েছেন?

নবেন। তাব সে চিঠিও আমার কাছে আছে। তাতে যৌতুক আর ঐতুক দিয়েই আমাকে তিনি দ্বিতীয় ববেন নি। যেখানে লালকিছু দেখাচেন সমস্ত তাব মর্য। আমি দাঁ। সব ওই বাজীটা করতে পারি তাই নয়। এ বাজী, এ সব, ওই সমস্ত টেবিল-চেয়ার-আবনা-দেয়াল-দুই-খাট-পালক, তাব দাস-দাসী-হামা-কম্বাচা, মাথ তাবদেব মনিবটিকে পর্যন্ত দাবি করতে পারি তা জানেন কি? বাবাব হুকুম, লালব হুকুম,—দোন এই সব? (শিষ্টা পাথবেব মর্জিব মতো নীচবে নতমখে বসিয়া বসিল) কেমন, দিতে পারবেন বলে মনে হয়? বরঞ্চ একবার না হয় প্লাসবাবুব সঙ্গে নিবিবিদি পকামশ কবনেন। হাঃ হাঃ হাঃ হাঃ—(বিজয়া মূৰ তুলিতেহ তাহাব পাংগু মুখেব প্রতি চাহিয়া নবেনেব বিকট হাস্য থামিল) (সভয়ে) আপনি পাগল হলেন না কি? আমি কি সত্যিই এই সব দাবি করতে যাচ্ছি, না করলেই পারো? বরঞ্চ, আমাকেই তো ধবে নিবে পাগলা-গারদে পুবে দেবে।

বিজয়া । (গম্ভীর মুখে) কই, দেখি বাবার চিঠি !

নরেন । কি হবে দেখে ?

বিজয়া । না দিন, আমি দেখবো ।

নরেন । চিঠির তাড়াটা সেদিন থেকে এই কোটের পকেটেই রয়ে গেছে । এই নিন । কিন্তু আত্মসাৎ করবেন না যেন । পড়ে ফেরৎ দেবেন ।

পকেট হইতে এক বাঁগুল চিঠি সে বিজয়ার সম্মুখে ফেলিয়া দিল । বিজয়া দ্রুত হস্তে ধাবন খুলিয়া একটার পর একটা উন্টাইতে উন্টাইতে দুখানা চিঠি বাছিয়া লইয়া

বিজয়া । এই ত বাবার হাতের লেখা । বাবা ! বাবা !

চিঠি দুটা সে মাথায় রাখিয়া শুক্ক হইয়া বসিয়া রহিল । নরেন অস্থ

চিঠিগুলি তুলিয়া নিঃশব্দে চলিয়া গেল

তৃতীয় দৃশ্য

বিজয়ার অট্টালিকা সংলগ্ন উद्याনের একাংশ

গৃহের কিছু-কিছু গাছের ফাঁকে ফাঁকে দেখা যায় । পরেশ কৌচড়ে মুড়ি মুড়কি লইয়া আপন মনে চিবাইতে চিবাইতে চলিয়াছিল, পিছনে দ্রুতবেগে

রাসবিহারী প্রবেশ করিলেন

রাস । এই হাবামজাদা ব্যাটা ! দাঁড়া,—দাঁড়া বল্‌চি ।

পরেশ । (থমকিয়া দাঁড়াইয়া চাহিল) এজ্ঞে ?

রাস । এজ্ঞে ! হারামজাদা শূয়ার ! কেন সেই নরেনটাকে তুই বাড়ীতে ডেকে এমেছিলি ?

পরেশ । মা-ঠাকরুণ বললে যে—

রাস । মা-ঠাকরুণ বল্‌লে যে ! কত রাত্তিতে সে ব্যাটা বাড়ী থেকে গেলো বল্‌ ।

পরেশ। আমি ত জানি নে বড়বাবু।

রাস। জানিস্ নে হারামজাদা ! বন্ তোর মা-ঠাকরুণ নরেনকে কি-কি কথা বন্লে।

পরেশ। আমি ছিহ্ন না বড়বাবু ! মা-ঠান বললে এই নে পরেশ একটা টাকা ভালো দেখে ঘুড়ি-নাটাই কিন গে। আমি ছুটে চলে গেহ্ন।

রাস। এখনো সতি কথা বন্, নইলে পেয়াদা দিযে চাব্কে তোর পিঠের চামড়া তুলে দেবো।

পরেশ। (কাদ-কাদ হইয়া) সতি বলচি জানি নে বড়বাবু। নতুন দরওয়ান তোমাকে মিছে কথা বলেচে। তুমি বরঞ্চ আমার মাকে ডিজেন্সা করো গে।

রাস। তোর মা ? সে বেটি যত নষ্টেব গোড়া। তোকেও দূর করবো তাকেও দূর করবো, পেয়াদা দিযে গলায় ধাক্কা দিতে দিতে। আর ঐ বেটা কালীপদ, তাকেও তাড়িয়ে তবে আমার কাজ।

পরেশ। আমি কিচ্ছু জানি নে বড়বাবু।

রাস। খবরদার ! এ সব কথা কাউকে বলবি নে। যদি শুনি তোর মা-ঠাকরুণকে একটা কথা বলচিস্ তো পিছ-মোড়া করে বেঁধে দরওয়ানকে দিযে ডল-বিছুটি লাগাবো। খবরদার বলচি একটা কথা কাউকে বলবি নে। যা—

রাসবিতারী ও দরওয়ান প্রস্থান করিল। আর একদিকে বিজয়া প্রবেশ

করিয়া পরেশকে ইঙ্গিতে কাছে আহ্বান করিল

বিজয়া। হাঁ রে পরেশ, বড়বাবু তোরে লাঠি দেখাচ্ছিল কেন রে ? কি করেছিস্ তুই ?

পরেশ। বলতে মানা করে দেছে যে। বলে, খবরদার বলচি

হারামজাদা শূয়ার, একটা কথা তোর মা-ঠানকে বলবি তো তোরে সেপাই দিয়ে বেঁদে জল-বিছুটি লাগাবো।

বলিতে বলিতে সে কাঁদিয়া ফেলিল। বিজয়া সম্মুখে তাহার
পিঠে হাত বুলাইয়া দিয়া বলিল—

বিজয়া। তোর কিছু ভয় নেই পরেশ তুই আমার কাছে কাছে থাকবি। কার সাধ্য তোকে মারে।

পরেশ। (চোখ মুছিয়া) বড়বাবু বলে হারামজাদা শূয়ার, নরেনকে কেন ডেকে এনেছিলি বল। সে ব্যাটা কত রাত্তিরে বাড়ী থেকে গেলো বল। তোর মা-ঠাকরুণ তারে কি-কি কথা বললে বল। তুমি ডাক্তার-বাবুকে কি-কি বললে আমি কি জানি মা-ঠান? তুমি টাকা দিলে আমি ছুটে ঘুড়ি-নাটাই কিনতে গেছ না?

বিজয়া। তাই তো গেলি।

পরেশ। তবে? নতুন-দরওয়ানজী কেন বলে আমি সব জানি। বড়বাবু বলে, তোকে আর তোর নাকে গলা ধাক্কা দিয়ে দূব করে দেবো। আর ঐ কালীপদটাকে,—তাকেও তাড়াবো।

বিজয়া। তুই বা পরেশ তোর ভয় নেই। বড়বাবু ডেকে পাঠালে তুই বাস্ নে।

পরেশ। আচ্ছা মা-ঠান আমি কখখনো যাবো না। দরওয়ান ডাকতে এলে ছুটে পালাবো—না?

বিজয়া। হাঁ তুই ছুটে আমার কাছে পালিয়ে আসিস্।

পরেশ প্রস্থান করিল

রাসবিহারীর প্রবেশ

রাস। তুমি মা এখানে? সকালেই বেরিয়েছো? আমি বাড়ীতে ঘরে ঘরে খুঁজে দেখি কোথাও বিজয়া নেই।

বিজয়া । আপনি আজ এত সকালেই যে ?

বাস । মাথাব ওপৰ যে নানা ভাব মা । একটা দুশ্চিন্তায় কাল ভালো কৰে ঘুমুতেই পাবি নি । কি তোমাৰও চোখ দুটি যে বাঙা দেখাচ্ছে । ভাল ঘুম হয় নি বুঝি ?

বিজয়া । ঘুম ভালোই হ'বেহে ।

বাস । তবে । তবে ঠাণ্ডা নোগেহে বোধ হয় ?

বিজয়া । না, ভালোই আছি ।

বাস । সে বললে শুন্থো কেন মা ? একটা কিছু নিশ্চয় হ'বেছে । সাবধান হওয়া ভালো, আজ আব স্নান কোবো না যেন । একবাব উপৰে যেতে হবে যে । তোমাৰ শোবাব ঘৰেৰ লোহাব সিদ্ধুকে যে দলিলগুলো আছে একবাব ভালো কৰে পড়ে দেখতে হবে । শুনচি না কি চৌবুৰা বোধপাতাব সীমানা নিয়ে একটা মামলা বজু কববে ।

বিজয়া । তাবা মামলা কববেন কে বললে ?

বাস । (অল্প হাস্য কৰিয়া) কেউ বলে নি মা, আমি বাতাসে খবৰ পাই । তা না হ'লে কি এত ডজনীদাবীটা এতদিন চালাতে পারতাম ।

বিজয়া । তাবা কতটা জমী দাবি কবতেন ?

বাস । তা, তবে বৈ কি—খুব বহু হলেও সেটা বিধে দুই হবে ।

বিজয়া । এই ? তা হ'লে তাঁবাই নিন । এ নিয়ে মামলা-মকদ্দমাৰ দৰকাৰ নেই ।

বাস । (ক্ষোভেৰ সহিত) এ বকম কথা তোমাৰ মতো মেঘেৰ মুখে আমি আশা কৰি নি মা । আজ বিনা বাধায় যদি ছ-বিধে ছেড়ে দিই, কাল যে আবাব দুশো বিধে ছেড়ে দিতে হবে না তাই বা কে বললে !

বিজয়া । সত্যিই তো তা আব হচ্ছে না ; আমি বলি সামান্য কাৰণে মামলা-মকদ্দমাৰ দৰকাৰ নেই ।

বাস । (বারম্বাৰ মাথা নাড়িয়া) না না কিছুতেই সে হতে পারে না ।

তোমার বাবা যখন আমার ওপর সমস্ত নির্ভর করে গেছেন এবং যতক্ষণ বেঁচে আছি বিনা আপত্তিতে দু-বিষে কেন দু-আঙুল যায়গা ছেড়ে দিলেও ঘোর অধর্ম হবে। তা ছাড়া আবও অনেক কারণ আছে, যে জন্তে পুরনো দলিলগুলো ভালো ক'রে একবারে দেখা দরকার। একটু কষ্ট ক'রে ওপরে চলো মা,—দেরি হলে ক্ষতি হবে।

বিজয়া। কি ক্ষতি হবে?

রাস। সে অনেক। মুখে-মুখে তার কি কৈফিয়ৎ দেবো বলো ত।

সরকার মহাশয়ের প্রবেশ

সরকার। বাইরের ঘর থেকে খাতাগুলো কি নিয়ে যাবো মা?

বিজয়া। (লজ্জিত হইয়া) একটুও দেখতে পারিনি সরকারমশাই। আজকের দিনটা থাক কাল সকালেই আমি নিশ্চয় পাঠিয়ে দেবো।

সরকার। যে আজ্ঞে।

সরকার চলিয়া যাইতেছিল বিজয়া ফিরিয়া ডাকিল

বিজয়া। শুনুন সরকারমশাই! কাছাবিব ঐ নতুন দরওয়ান কতদিন বহাল হয়েছে?

সরকার। মাস তিনেক হবে বোধ হয়।

বিজয়া। ওকে আর দরকার নেই। এক মাসের মাইনে বেশি দিয়ে আজই ওকে জবাব দেবেন। (একটু থামিয়া) না না দোষের জন্তে নয়, লোকটাকে আমার ভালো লাগে না—তাই।

রাস। বিনা দোষে কারো অন্ন মারাটা কি ভালো মা?

সরকার। তাহলে তাকে কি—

বিজয়া। আমার আদেশ তো শুনলেন সরকারমশাই! আজই বিদায় দেবেন।

রাস । (নিজেকে সামলাইয়া লইয়া) এবার কষ্ট করে একটু চলো ।
পুরনো দলিলগুলো বেশ করে একবার পড়া চাই-ই ।

বিজয়া । কেন ?

রাস । বল্লাম কারণ আছে । তবুও বারবার এক কথা বলবার
তো আমার সময় নেই বিজয়া ।

বিজয়া । কারণ আছে বলেছেন কিন্তু কারণ তো একটাও
দেখান নি ।

রাস । না দেখালে তুমি বাবে না ? (একটু খামিয়া) তার মানে
আমাকে তুমি বিশ্বাস করো না ।

বিজয়া নিব্বদর

রাস । (লাঠিটা মাটিতে ঠুকিয়া) কিসের জন্তে আমাকে তুমি এত
বড় অপমান করতে সাহস করো ? কিসের জন্তে আমাকে তুমি অবিশ্বাস
করো শুনি ?

বিজয়া । (শান্তস্বরে) আমাকেও তো আপনি বিশ্বাস করেন না ।
আমারি টাকায় আমারি ওপর গোয়েন্দা নিযুক্ত করলে মনেব ভাব কি হয়
আপনি বুঝতে পারেন না ? এবং তাবপরে আমার সম্পত্তির মূল দলিল-
পত্র হস্তগত করার তাৎপর্য যদি আমি আর কিছু ব'লে সন্দেহ করি সে কি
অস্বাভাবিক ? না, সে আপনাকে অপমান করা ?

রাসবিহারী নির্বাক স্তম্ভিত হইয়া গেলেন । তাঁহার এতবড় পাকা চাল একটা
বালিকার কাছে ধরা পড়িবে এ সংশয় তাঁহার পাকা মাথায় স্থান পায় নাই । এবং ইহাই
সে অসঙ্কোচে মুখের উপর নালিশ করিবে সে তো স্বপ্নের অগোচর । কিছুক্ষণ বিমূঢ়ের
মতো স্তব্ধ থাকিয়া এই প্রকৃতির লোকের যাহা চরম অল্প ভাড়াই তর্কীয় হইতে বাহির
করিয়া প্রয়োগ করিলেন ।

রাস । বনমালীর মুখ রাখবার জন্তেই এ কাজ করতে হয়েছে ।
বন্ধুর কর্তব্য বলেই করতে হয়েছে ! একটা অজানা-অচেনা হতভাগাকে

পথ থেকে শোবার ঘরে ডেকে এনে রাতহপুর পর্যন্ত হাসি-তামাসায় কাটালে এর অর্থ কি বুঝতে পারিনে ? এতে তোমার লজ্জা হয় না বটে কিন্তু আমাদের যে ঘরে-বাইরে মুখ পুড়ে গেল। সমাজে কারো সামনে মাথা তোলবার যো রইলো না ! (রাসবিহারী আড়চোখে চাহিয়া তাঁহার মহামন্ত্রের মহিমা নিরীক্ষণ করিলেন) বলি এ গুলো ভালো না, নিবারণ করার চেষ্টা করা আমার কাজ নয় ? (বিজয়া নিকত্তর) (লাঠি ঠুকিয়া) না, চুপ করে থাকলে চলবে না, এ-সব গুরুতর ব্যাপার। তোমাকে জবাব দিতে হবে।

বিজয়া। ব্যাপার যত গুরুতর হোক, মিথ্যে কথার আমি কি উত্তর দিতে পারি।

রাস। মিথ্যে কথা বলে একে উড়োতে চাও না কি ?

বিজয়া। আমি উড়োতে কিছু চাইনে কাকাবাবু। শুধু এ যে মিথ্যে তাই আপনার কাছে বলতে চাই। এবং মিথ্যে বলে একে আপনি নিজেই সকলের চেয়ে বেশি জানেন তাও এই সঙ্গে আপনাকে জানাতে চাই।

রাস। মিথ্যে বলে আমি নিজেই জানি ?

বিজয়া। হাঁ জানেন। কিন্তু আপনি গুরুজন, এ নিয়ে তর্ক-বিতর্ক করতে আমার প্রবৃত্তি হয় না। দলিল-পত্র দেখা এখন থাক, মামলা-মকদ্দমার আবশ্যক বুঝিয়া আপনাকে ডেকে পাঠাবো।

বিজয়া চলিয়া গেল। রাসবিহারী অভিভূতের মতো দাঁড়াইয়া রহিলেন

চতুর্থ অঙ্ক

প্রথম দৃশ্য

বিজয়ার বাটি সংলগ্ন উद्याনের অপর প্রান্ত

৩ দূরে সরস্বতী নদীর কিছু কিছু দেথা যাইতেছে, বিজয়া ও বানাই সিং।

দয়াল প্রবেশ করিলেন

দয়াল। তোমাকেই খুঁজে বেড়াচ্ছি মা। শুনলাম এই দিকেই এসেছো, ভাবলাম বাড়ী যাবার আগে এ-দিকটা দেখে যাই যদি দেখা মেলে।

বিজয়া। কেন দয়ালবাবু?

দয়াল। আজ তৃতীয়া, পূর্ণিমা হলো সতেরোই। আর ক'টাদিন বাকি বলো তো মা? বিবাহের সমস্ত উদ্যোগ আরোজন এই ক'দিনেই সম্পূর্ণ করে নিতে হবে। অথচ রাসবিহারীবাবু সমস্ত দায়িত্ব আমার ওপর ফেলে নিশ্চিত হয়েছেন।

বিজয়া। দায়িত্ব নিলেন কেন?

দয়াল। এ যে আনন্দের দায়িত্ব মা,—নেবো না?

বিজয়া। তবে অভিযোগ করছেন কেন?

দয়াল। অভিযোগ করিনি বিজয়া। কিন্তু মুখে বলচি বটে আনন্দের দায়িত্ব তবু কেন জানিনে, কাজে উৎসাহ পাইনে, মন কেবলি এর থেকে দূরে সরে থাকতে চায়!

বিজয়া। কেন দয়ালবাবু?

দয়াল। তাও ঠিক বুঝিনে। জানি এ-বিবাহে তুমি সম্মতি দিয়েছো, নিজের হাতে নাম সই করেছো,—আগামী পূর্ণিমায় বিবাহও হবে,—তবু

এর মধ্যে যেন রস পাইনে মা। সেদিন আমার অসম্মানে বিরক্ত হয়ে তুমি বিলাসবাবুকে যে তিরস্কার করলে সে সত্যিই রুঢ়, সত্যিই কঠোর ; তবু, কেন জানিনে মনে হয় এর মধ্যে কেবল আমার অপমানই নেই, আরও কিছু গোপন আছে যা তোমাকে অহরহ বিধ্বংসে। (কিছুক্ষণ মৌন থাকিয়া) তোমার কাছে সর্বদা আসিনে বটে, কিন্তু চোখ আছে মা। তোমার মুখে আসন্ন-মিলনের স্বর্গীয় দীপ্তি কই,—কই সে সূর্য্যোদয়ের অরুণ আভা ? তুমি জানো না মা, কিন্তু কতদিন নিরালায় তোমার ক্লান্ত বিষন্ন মুখখানি আমার চোখে পড়েছে। বুকেব ভেতর কান্নার ঢেউ উথলে উঠেচে—

বিজয়া। না দয়ালবাবু ও-সব কিছুই নয়।

দয়াল। আমার মনের ভুল না মা ?

বিজয়া। (স্নান হাসিয়া) ভুল বই কি।

দয়াল। তাই হোক মা, আমার ভুলই যেন হয়। এ সময়ে বাবার জন্তে বোধ করি মন কেমন করে—না বিজয়া ? (বিজয়া নীরবে মাথা নাড়িয়া সায় দিল) (দীর্ঘ নিশ্বাস ফেলিয়া) এমন দিনে তিনি যদি বেঁচে থাকতেন !

বিজয়া। আমাকে কি জন্তে খুঁজছিলেন বললেন না তো দয়ালবাবু ?

দয়াল। ওঃ—একেবারেই ভুলেচি। বিবাহের নিমন্ত্রণ-পত্র ছাপাতে হবে, তোমার বন্ধুদের সমাদরে আহ্বান করতে হবে, তাঁদের আনবার ব্যবস্থা করতে হবে,—তাই তাঁদের সকলের নাম খাম জানতে পারলে—

বিজয়া। নিমন্ত্রণ-পত্র বোধকরি আমার নামেই ছাপানো হবে ?

দয়াল। না মা তোমার নামে হবে কেন ? রাসবিহারীবাবু বর-কণ্ঠা উভয়েরই ষষ্ঠান অভিভাবক তখন তাঁর নামেই নিমন্ত্রণ করা হবে স্থির হয়েছে।

বিজয়া। স্থির কি তিনিই করেছেন ?

দয়াল। হ্যাঁ, তিনিই বই কি।

বিজয়া। তবে এ-ও তিনিই স্থির করুন। আমার বন্ধু-বান্ধব কেউ নেই।

দয়াল। (সবিস্ময়ে) এ কেমন ধারা জবাব হলো মা। এ বললে আমরা কাজের জোর পাবো কোথা থেকে?

বিজয়া। হাঁ দয়ালবাবু, সেদিন নরেনবাবুকে কি আপনি একতাড়া চিঠি দিয়েছিলেন?

দয়াল। দিয়েছি মা। সেদিন হঠাৎ দেখি একটা ভাঙা দেয়ালের মধ্যে এক বাগুিল পুরনো চিঠি। তাঁর বাবাব নাম দেখে তাঁর হাতেই দিলাম। কোন দোষ হয়েছে কি মা?

বিজয়া। না দয়ালবাবু, দোষ হবে কেন? তাঁর বাবাব চিঠি তাঁকে দিয়েছেন এ তো ভালই করেছেন। চিঠিগুলো কি আপনি পড়েছিলেন?

দয়াল। (সবিস্ময়ে) আমি? না, না, পরের চিঠি কি কখনো পড়তে পারি?

বিজয়া। চিঠির সম্বন্ধে আপনাকে তিনি কি কিছু বলেন নি?

দয়াল। একটি কথাও না। কিন্তু কিছু জানবার থাকলে তাঁকে জিজ্ঞেস করে আমি কালই তোমাকে বদতে পারি।

বিজয়া। কালই বলবেন কি ক'রে? তিনি তো আর এদিকে আসেন না।

দয়াল। আসেন বই কি। আমাদের বাড়ীতে রোজ আসেন।

বিজয়া। রোজ? আপনার স্ত্রীর অসুখ কি আবার বাড়লো? কই, সে কথা তো আপনি এক দিনও বলেন নি?

দয়াল। (হাসিয়া) না মা, এখন তিনি বেশ ভালোই আছেন। তাই বলিনি। নরেনের চিকিৎসা এবং ভগবানের দয়া।

হাত-জোড় করিয়া উদ্দেশে নমস্কার করিলেন

বিজয়া। ভালো আছেন তবু কেন তাঁকে প্রত্যহ আসতে হয়?

দয়াল। আবশ্যক না থাকলেও জন্মভূমির মায়া কি সহজে কাটে ? তাছাড়া আজকাল ঠুর কাজ-কর্ম নেই, সেখানে বন্ধু-বান্ধব বিশেষ কেউ নেই—তাই সন্ধ্যাবেলাটা এখানেই কাটিয়ে যান। আমাব স্ত্রী তো তাঁকে ছেলের মতো ভালোবাসেন। ভালোবাসার ছেলেও বটে। এমন নির্মল, এমন স্বভাবতঃ ভদ্রমানুষ আমি কম দেখেছি মা। নলিনীর ইচ্ছে সে বি, এ, পাশ করে ডাক্তারি পড়ে। এ বিষয়ে তাকে কত উৎসাহ কত সাহায্য করেন তার সীমা নেই। ঠুর সাহায্যে এরই মধ্যে নলিনী অনেকগুলো বই পড়ে শেষ করেছে। লেখা-পড়ায় দুজনের বড় অনুরাগ।

বিজয়া। তা হোক কিন্তু আপনি কি আর কিছু সন্দেহ করেন না ?

দয়াল। কিসের সন্দেহ মা ?

বিজয়া। আমার মনে হয় কি জানেন দয়ালবাবু ?

দয়াল। কি মনে হয় মা ?

বিজয়া। আমার মনে হয় নলিনীর সম্বন্ধে তাঁর মনোভাব স্পষ্ট ক'রে প্রকাশ করা উচিত।

দয়াল। ও—এই বল্‌চো ? সে আমারও মনে হয়েছে মা, কিন্তু তার তো এখনো সময় যায় নি। বরঞ্চ দু-জনের পরিচয় আরো একটু ঘনিষ্ঠ না হওয়া পর্যন্ত সহসা কিছু না বলাই উচিত !

বিজয়া। কিন্তু নলিনীর পক্ষে তো ক্ষতিকর হতে পারে। তাঁর মনস্তির করতে হয়তো সময় লাগবে কিন্তু ইতিমধ্যে নলিনীর—

দয়াল। সত্যি কথা। কিন্তু আমার স্ত্রীর কাছে যতদূর শুনেছি তাতে, —না না, নরেনকে আমরা খুব বিশ্বাস করি। তাঁর দ্বারা যে কারো কোন ক্ষতি হতে পারে, তিনি ভুলেও যে কারো প্রতি অত্যাচার করতে পারেন এ আমি ভাবতেই পারিনে। কিন্তু এ কি, কথায়-কথায় যে তুমি অনেক দূর এগিয়ে এসেছো। এতখানিই যদি এলে, চলো না মা তোমার এ-বাড়ীটাও একবার দেখে আসবে। নলিনীর মামী কত যে খুসি হবে তার সীমা নেই।

বিজয়া । চলুন, কিন্তু ফিরতে সন্ধ্যা হয়ে যাবে যে ।

দয়াল । হলোই বা । আমি তার ব্যবস্থা করবো । তাছাড়া সন্ধ্যা কানাই সিং তো আছেই ।

উজ্জয়ের প্রস্থান

দ্বিতীয় দৃশ্য

দয়ালবাবুর বাটার নিচের বারান্দা

নলিনী ও নরেন । টেবিলের দুই দিকে দুই জন বসিয়া, সম্মুখে খোলা বই
দোয়াত কলম ইত্যাদি রক্ষিত

নলিনী । সত্যিই মিস্ রায়ের বিবাহে আপনি উপস্থিত থাকবেন না ?
এই তো মাত্র ক'টা দিন পরে, আব বাসবিহারীবাবু কি অনুরোধই না
আপনাকে করেছেন ।

নরেন । তিনি করেছেন বটে, কিন্তু ঋণ বিবাহ তিনি নিজে তো
একটি মুখের কথাও বলেন নি ।

নলিনী । বললে থাকতেন ?

নরেন । না । থাকবার জো নেই আমার । যত শীঘ্র সম্ভব নতুন
চাকরিতে গিয়ে যোগ দিতে হবে ।

নলিনী । কিন্তু আমার বেলায় ? সে-ও থাকবেন না ?

নরেন । থাকবো । নিমন্ত্রণ-পত্র পাঠাবেন, যদি অসম্ভব না হয়
আপনার বিবাহে আমি উপস্থিত হবোই ।

নলিনী । কথা দিলেন ?

নরেন । হ্যাঁ, দিলুম কথা । হয়তো এমনি কথা বিজয়াকেও দিলাম
যদি তিনি নিজে অনুরোধ করতেন । কাজের ক্ষতি হলোও ।

নলিনী । দেখুন ডক্টর মুখার্জি,এ বিবাহে বিজয়ার সুখ নেই,আনন্দ নেই
এই আমার ঘোরতর সন্দেহ । সেই জন্মেই আপনাকে অনুরোধ করেননি ।

নরেন। কিন্তু তিনি নিজেই তো সম্মতি দিয়েছেন।

নলিনী। দিয়েছেন মুখের সম্মতি।—হয়তো বাধ্য হয়ে। কিন্তু অন্তরের সম্মতি কখনো দেননি। আমার মামার মতো নিরীহ সরল মানুষ, যিনি সামনে ছাড়া এতটুকু আশে-পাশে দেখতে পান না তাঁরও কেমন যেন সংশয় জেগেছে, বিজয়া যাকে চায় সে লোক ওই বিলাসবাবু নয়। কালকেই বলছিলেন আমাকে, নলিনী, বিবাহ-আয়োজনের সব ভারটাই এসে পড়েছে আমার 'পরে, কিন্তু মনে উৎসাহ পাইনে মা, কেবলই ভয় হতে থাকে যেন কি-একটা গর্হিত কাজে প্রবৃত্ত হয়েছি। যতই দেখি ওকে ততই মনে হয় দিন দিন শুকিয়ে যেন বিজয়া কালি হয়ে যাচ্ছে। কেনই বা এখানে এসেছিলুম, শেষ বয়সে যদি পাপ অর্জন করেই যাই মরণের পবে তাঁর কাছে গিয়ে কি জবাব দেবো মা।

নরেন। দেখুন মিস্ দাস, ও-সব কিছু না। বিজয়া এই সেদিন অসুখ থেকে উঠলেন, এখনো ভালো সেরে উঠতে পারেননি।

নলিনী। তাই প্রতিদিন শুকিয়ে যাচ্ছেন? ডক্টর মুখার্জি, আমার মামা তবু সাম্না-সাম্নি দেখতে পান, কিন্তু আপনি তা-ও পান না। আপনি তাঁর চেয়েও অন্ধ। সেদিনের কথা মনে করে দেখুন, ভালোবাসলে কোন মেয়ে প্রভু-ভৃত্য সম্বন্ধের কথা বিলাসবাবুকে কিছুতে বলতে পারতেন না,—তা যত রাগই হোক।

নরেন। বড়-লোক টাকার অহঙ্কারে সব পারে মিস্ দাস। ওদের মুখে কিছু আটকায় না।

নলিনী। এ বলা আপনার ভারি অগ্রায় ডক্টর মুখার্জি। আপনার আগে আমি শুঁকে দেখেছি,—আমরা এক কলেজে পড়তুম। ঐশ্বর্য্য আছে কিন্তু ঐশ্বর্য্যের গর্ভে কোনদিন কেউ অহুভব করিনি। গুঁর কত দয়া, কত দান, কত পুণ্য-অনুষ্ঠান।—কেনে নেই আপনার? অপরিচিত আপনি, তবু আপনার কথাতেই পূর্ণবাহু বাড়ীর পূজোর অনুমতি তখনি দিয়ে দিলেন।

বিলাসবাবু, রাসবিহারীবাবু শত চেষ্টাতেও তা বন্ধ করতে পারলে না। ভদ্রতা, সহানুভূতি, শ্রায়-অশ্রায় বোধ কতটা জাগ্রত থাকলে এ রকম হতে পারে একবার ভেবে দেখুন দিকি। আমার মামা তো গরীব কিন্তু কি শ্রদ্ধাই না তাঁকে করেন? এ কি ধনীর দর্পের প্রকাশ ডক্টর মুখার্জি?

নরেন। (কিছুক্ষণ চিন্তা করিয়া) সে সত্যি। কেউ অভুক্ত জানলে না খাহয়ে কিছুতে ছেড়ে দেবে না যেমন করে হোক খাওয়াবেই। আর সে কি যত্ন!

নলিনী। তবে? এসব কি আসে সম্পদের দস্ত থেকে?

নরেন। আর কি অদ্ভুত অপরিসীম পিতৃভক্তি এই মেয়েটির। এই বাড়ীটা নিয়ে পর্য্যন্ত তাঁর মনে শান্তি ছিল না, নিতে হয়েছিল শুধু বিলাস-বাবব জববদস্তিতে—

নলিনী। এ কথা আমবা সবাই জানি ডক্টর মুখার্জি।

নরেন। হা অনেকেই জানে। সেদিন ঠুকে একটু বিপদগ্রস্ত করার উদ্দেশ্যেই বনমালীবাবুর সেই চিঠির উল্লেখ করে বলেছিলুম আমার বাবা যত ঋণই কবে থাকুন আপনার বাবা কিন্তু এ বাড়ী আমাকেই যৌতুক দিয়েছিলেন! তবু আপনি কেড়ে নিলেন। শুনে বিজয়ার মুখ ফ্যাকাশে হয়ে গেল, বললেন, সত্যি হলে এ বাড়ী আপনাকে আমি ফিরিয়ে দেবো। বললুম, সত্যিই বটে, কিন্তু ফিরিয়ে নিয়ে আমি করবো কি? পেটের দায়ে চাকুরি করতে নিজে থাকবো বাহরে,—বাড়ী হবে বন-জঙ্গল, শিয়াল কুকুরের বাসা—তার চেয়ে বা হবেছে সেই ভালো। তিনি মাথা নেড়ে বললেন, না সে হবে না,—নিতেই হবে আপনাকে। বাবার আদেশ আমি প্রাণ গেলেও উপেক্ষা করতে পারবো না। অন্ততঃ বাড়ীর শ্রাঘ্য বা দাম—তাই নিবু। বললুম, ভিক্ষে নিতে আমি পারবো না। তিনি বললেন, তাহলে বিলিয়ে দেবো আপনার দূরসম্পর্কীয় আত্মীয়দের। বাবা যা দিয়ে গেছেন আমি তা অপহরণ করবো না—কোন মতেই না—এই আমার

পণ। শুনে ছুঁছুঁবুদ্ধি মাথায় চেপে গেল, বললুম, ও পণ রাখতে গেলে কি কি দিতে হয় জানেন? শুধু ওই বাড়ীটাই নয়, এই বাড়ী, এই জমিদারী দাস-দাসী, আমলা-কর্মচারী, খাট-পালক-টেবিল-চেয়ার, মায় তাদের মনিবটিকে পর্যন্ত আমার হাতে তুলে দিতে হবে। দেবেন এই সব? পারবেন দিতে?

নলিনী। (সবিস্ময়ে) বনমালীবাবুর আছে নাকি এই সব চিঠি? কই আমাদের তো কাউকে বলেন নি!

নরেন। (হাসিয়া) এ তামাসা বলবো কাকে? আমি কি পাগল? কিন্তু চিঠির কথা যদি বলেন তো সত্যিই আছে বনমালীবাবুর চিঠি। সত্যি আছে এই সব লেখা। (আঙুল দিয়া দেখাইয়া) ঐ ঘরটায় ছিল একতাড়া চিঠি একটা ভাঙা দেরাজের মধ্যে—বাবার চিঠি বলে দয়ালবাবু দিলেন আমার হাতে, পড়ে দেখি তাতে এই মজার ব্যাপার। জানেন তো, আমার বাবার বনমালীবাবু ছিলেন অকৃত্রিম বন্ধু। লেখাপড়ার জন্তে আমাকে বিলোতে পাঠিয়েছিলেন তিনিই।

নলিনী। তারপরে?

নরেন। বিজয়া বললেন, কই দেখি বাবার চিঠি। পকেটেই ছিল, ফেলে দিলুম স্নমুখে। বাণ্ডিল খুলে ফেলে খুঁজতে লাগলো বুভুক্ষু কাঙালের মতো—হঠাৎ চোঁচিয়ে উঠলো—এই যে আমার বাবার হাতের লেখা। তারপরে চিঠি দুটো নিজের মাথায় চেপে ধরে চক্ষুর নিমেষে যেন একেবারে পাথর হয়ে গেল।

নলিনী। তারপরে।

নরেন। মুষ্টি দেখে ভয় পেয়ে গেলুম। একেবারে নিঃশব্দ নিশ্চল! হঠাৎ দেখি চাপা স্কান্নায় তার বুকের পাঁজরগুলো ফুলে ফুলে উঠচে—আর বসে থাকতে সাহস হলো না নিঃশব্দে বেরিয়ে এলুম!

নলিনী। নিঃশব্দে বেরিয়ে এলেন? আর যাননি তাঁর কাছে?

নরেন। না, সে দিকেই না।

নলিনী। তাঁকে দেখতে ইচ্ছে করে না আপনার ?

নরেন। (হাসিয়া) এ কথা জেনে লাভ কি ?

নলিনী। না, সে হবে না, আপনাকে বলতেই হবে।

নরেন। বলতে আপনাকেই শুধু পারি। কিন্তু কথা দিন কখনো কাউকে বলবেন না ?

নলিনী। কথা আমি দেবো না। তবু বলতেই হবে তাঁকে দেখতে ইচ্ছে করে কিনা।

নরেন। করে। রাত্রি দিনই করে।

নলিনী। (বাহিরের দিকে চাহিয়া মহা উল্লাসে) এই যে ! আসুন, আসুন। নমস্কার। ভালো আছেন ?

বিজয়া ও দয়ালের প্রবেশ

বিজয়া। (নরেনের দিকে সম্পূর্ণ পিছন ফিরিয়া নলিনীকে) নমস্কার। ভালো আছি কি না খোঁজ নিতে একদিনও তো আর গেলেন না ?

নলিনী। রোজই ভাবি যাই কিন্তু সংসারের কাজে—

বিজয়া। সংসারের কাজ বুঝি আমাদের নেই ?

নলিনী। আছে সত্যি, কিন্তু মামীমার অসুখে—

বিজয়া। একেবারে সময় পান না। না ?

নরেন। (সন্মুখে আসিয়া হাসিমুখে বলিল) আর আমি যে রয়েছি, আমাকে বুঝি চিনতেই পারলেন না ?

বিজয়া। চিনতে পারলেই চেনা দরকার না কি ? (নলিনীর প্রতি) চলুন মিস্ দাস, ওপরে গিয়ে মামীমার সঙ্গে একটু আলাপ করে আসি। চলুন।

নরেনের প্রতি দৃষ্টিপাত মাত্র না করিয়া নলিনীকে একপ্রকার ঠেলিয়া লইয়া চলিল

নলিনী । (চলিতে চলিতে) ডক্টর মুখার্জি, চা না খেয়ে আপনি যেন পালাবেন না । আমাদের ফিরতে দেরি হবে না বলে যাচ্ছি ।

নলিনী ও বিজয়া চলিয়া গেল

দয়াল । তুমিও চলো না বাবা ওপরে । সেখানেই থাকে ।

নরেন । ওপরে গেলেই দেরি হবে দয়ালবাবু, ছটার গাড়ি ধরতে পারবো না ।

দয়াল । তুমি তো সেই আটটার ট্রেনে যাও, আজ এত তাড়াতাড়ি কেন ? চা না হয় এখানেই আনতে বলে দি । কি বল ?

নরেন । না দয়ালবাবু, আজ চা খাওয়া থাক । (ঘড়ি দেখিয়া) এই দেখুন পাঁচটা বেজে গেছে—আব আমার সময় নেই । আমি চললুম । মামীমা যেন ছুঃখ না করেন ।

দয়াল । ছুঃখ সে করবেই নরেন ।

নরেন । না কববেন না । আর একদিন আমি তাঁকে বুঝিয়ে বলবো ।

প্রস্থান

ভিতরে নলিনী ও বিজয়ার হাসির শব্দ শোনা গেল, এবং পরক্ষণে তাহারা দয়ালের স্ত্রীকে লইয়া প্রবেশ করিল

দয়ালের স্ত্রী । (স্বামীর প্রতি) নরেন কোথা গেল তাকে দেখচিনে তো ?

দয়াল । সে এই মাত্র চলে গেল । কাজ আছে, ছটাব ট্রেনে আজ তার না ফিরে গেলেই নয় ।

দয়ালের স্ত্রী । সে কি কথা ! চা খেলে না, খাবার খেলে না,—এমন-ধারা সে তো কখনো করে না ।

সকলেই নীরব । বিজয়া আর একদিকে চোখ ফিরাইয়া রহিল

দয়ালের স্ত্রী । (স্বামীর প্রতি) তুমি যেতে দিলে কেন ? বললে না কেন আমি ভারি ছুঃখ পাবো ।

দয়াল । বলেছিলাম কিন্তু থাকতে পারলে না ।

দয়ালের স্ত্রী । তবে নিশ্চয় কোন জরুরি কাজ আছে । মিছে কথা সে কখনো বলে না । কি ভদ্র ছেলে মা । যেমন বিদ্বান তেমনি বুদ্ধিমান ।

আমাকে তো মরা বাঁচালে। রোজ বিকালে নলিনী আর ও বসে বসে পড়াশুনো করে আমি আড়াল থেকে দেখি। দেখে কি যে ভালো লাগে তা আর বলতে পারিনে। ভগবান ওর মঙ্গল করুন।

বিজয়া। সন্ধ্যা হয়ে গেল আমি এবার যাই মামীমা।

দয়ালের স্ত্রী। তোমার বিয়েতে আমি উপস্থিত থাকবোই। তা যত অসুখই করুক। নরেন বলে, বেশি নড়া-চড়া করা উচিত নয়। তা সে বলুক গে—ওদের সব কথা শুনতে গেলে আর বেঁচে থাকা চলে না। আশীর্বাদ করি, সুখী হও, দীর্ঘজীবী হও,—বিলাসবাবুকে চোখে দেখিনি, কিন্তু কর্তার মুখে শুনি খাসা ছেলে। (সহাস্ত্রে) বর পছন্দ হয়েছে তো মা, নিজে বেছে নিয়েছো—

বিজয়া। বেছে নেবার কি আছে মামীমা। মেয়েদের সম্বন্ধে সব পুরুষই সমান। মুখের ভদ্রতায় কেউ বা একটু হুঁসিয়ার কেউ বা তা নয়। প্রয়োজন হলে দুটো মিষ্টি কথা বলে, প্রয়োজন ফুরোলে উগ্রমুষ্টি ধরে। ওর ভালো মন্দ নেই মামীমা, আমাদের দুঃখের জীবন শেষ পর্য্যন্ত দুঃখেই কাটে।

নলিনী। এ কথা বলা আপনার উচিত নয় মিস্ রায়।

বিজয়া। এখন তর্ক করবো না, কিন্তু নিজের বিবাহ হলে একদিন স্বরণ করবেন বিজয়া সত্যি কথাই বলেছিল। কিন্তু আর দেরি নয়, আমি আসি। কানাই সিং—(নেপথ্যে)—মাইজি—

দয়াল। (ব্যস্তভাবে) অন্ধকার রাত, একটা আলো এনে দিই মা।

বিজয়া। (হাসিয়া) অন্ধকার কোথায় দয়ালবাবু, বাইরে জ্যোৎস্নায় আকাশ ভেসে যাচ্ছে। আমরা বেশ বেতে পারবো আপনি উদ্ভিন্ন হবেন না। নমস্কার।

বিজয়া বাহির হইয়া গেল

দয়ালের স্ত্রী। (স্বামীর প্রতি) মেয়েটা কি বললে—শুনলে?

দয়াল। কি?

দয়ালের স্ত্রী। তোমাদের কি কান নেই? এসে পর্য্যন্ত ওর কথায় যেন একটা কান্নার সুর। যখন হাসছিল তখনও। বিজয়াকে আগে

কখনো দেখিনি, কিন্তু ওর মুখ দেখে আজ মনে হ'লো যেন ধরে বেঁধে ওকে কেউ বলি দিতে নিয়ে যাচ্ছে। জিজ্ঞাসা করলুম, বর পছন্দ হয়েছে তো মা ? বললে, পছন্দের কি আছে মামীমা, মেয়েদের ছুঃখের জীবন শেষ পর্যন্ত ছুঃখেই কাটে। এ কি আত্মাাদের বিয়ে ? দেখো, কোথায় কি-একটা গোলমাল বেধেছে। ওর মা নেই, বাপ নেই,—মুখ দেখলে বড্ড মায়্যা হয়। না বুঝে শুঝে একটা কাজ করে বোসো না।

দয়াল। আমি কি করতে পারি বলো ? রাসবিহারীবাবুই কর্তা।

দয়ালের স্ত্রী। তাঁর ওপরেও আর একজন কর্তা আছে মনে রেখো। তুমি ওর মন্দিরের আচার্য্য, ওর টাকায়া, ওর বাড়ীতে তোমরা থেয়ে পরে স্নখে আছো,—ওর ভালো-মন্দ, স্নখ-দুঃখ দেখা কি তোমার কর্তব্য নয় ? সমস্ত না ভেবেই কি একটা করে বসবে ?

দয়াল। তবে কি করবো বলো ?

দয়ালের স্ত্রী। এ বিয়েতে আচার্য্য-গিরি তুমি কোরো না। আমি বলচি তোমাকে একদিন মনস্তাপ পেতে হবে।

দয়াল। (চিন্তাশ্রিত মুখে) কিন্তু বিজয়া যে নিজে সম্মতি দিয়েছে। রাসবিহারীবাবুর স্নমুখে নিজের হাতে কাগজে সই করে দিয়েছে !

নলিনী। দিক। ওর হাত সই করেছে কিন্তু হৃদয় সই করেনি, ওর জিভ সম্মতি দিয়েছে কিন্তু অন্তর সম্মতি দেয়নি। সেই মুখ আর হাতই বড় হবে মামাবাবু, তার অন্তরের সত্যিকার অসম্মতি যাবে ভেসে ?

দয়াল। তুমি এ কথা জানলে কি করে নলিনী ?

নলিনী। আমি জানি। আজ যাবার সময় নরেনবাবুর মুখ দেখেও কি তুমি বুঝতে পারোনি ?

দয়াল ও দয়ালের স্ত্রী। (সমস্বরে) নরেন ? আমাদের নরেন ?

নলিনী। হাঁ তিনিই।

দয়াল। অসম্ভব। একবার অসম্ভব।

নলিনী । (হাসিয়া) অসম্ভব নয় মামাবাবু, সত্যি ।

দয়াল । (সজোরে) কিন্তু বিজয়া যে আমাকে নিজে বললেন—

নলিনী । কি বললেন ?

দয়াল । বললেন, তোমার আর নরেনের পানে একটু চোখ রাখতে ।
বললেন, নরেনের উচিত তোমার সম্বন্ধে তাঁব মনোভাব স্পষ্ট করে
জানাতে—

নলিনী । (সলজ্জে) ছি ছি, নরেনবাবু যে আমার বড় ভায়ের
মতো মামাবাবু ।

দয়ালের স্ত্রী । কি আশ্চর্য্য কথা । তুমি আমাদের সেই জ্যোতিষকে
ভুলে গেলে ? তার বিলেত থেকে ফিরতে তো আর দেরি নেই ।

দয়াল । জ্যোতিষ ? আমাদের সেই জ্যোতিষ ?

দয়ালের স্ত্রী । হাঁ হাঁ আমাদের সেই জ্যোতিষ । (হাসিয়া) এই
অন্ধ মানুষটিকে নিয়ে আমার সারা জীবন কাটলো !

দয়াল । আমি এখুনি যাবো নবেনের বাসায় ।

দয়ালের স্ত্রী । এত রাত্রে ? কেন ?

দয়াল । কেন ? জিজ্ঞেসা করছো কেন ? আমার কর্তব্য আমি
স্থির করে ফেলেচি—সে থেকে কেউ আর আমাকে টলাতে পারবে না ।

নলিনী । তুমি শাস্তমানুষ মামাবাবু, কিন্তু কর্তব্য থেকে তোমাকে কে
কবে টলাতে পেরেছে ! কিন্তু আজ রাত্রে নয়,—তুমি কাল সকালে যেও ।

দয়াল । তাই হবে মা, আমি ভোরের গাড়ীতেই বেরিয়ে পড়বো ।

নলিনী । আমি তোমার চা তৈরি করে রাখবো মামাবাবু । কিন্তু
ওপরে চলো তোমার খাবার সময় হয়েছে ।

দয়াল । চলো ।

ভূতীয় দৃশ্য

লাইব্রেরী

বিজয়া চিঠি লিখিতেছিল, পরেশের মা প্রবেশ করিল

পরেশেব মা । রাত্তিরে কিছু খাওনি, আজ একটু সকাল-সকাল
খেয়ে নাও না দিদিমনি !

বিজয়া মুখ তুলিয়া চাহিয়া পুনরায় লেখায় মনঃসংযোগ করিল

পরেশের মা । খেয়ে নিয়ে তারপরে লিখো । ওঠো—ওমা, ডাক্তার-
বাবু আসচেন যে !

বলিয়াই সরিয়া গেল । পরেশ নরেনকে পৌছাইয়া দিয়া চলিয়া গেল । নরেন ঘরে
চুকিয়াই অনুরে একথানা চৌকি টানিয়া বসিল । তাহার মুখ শুষ্ক, চুল এলো-মেলো,
উদ্বেগ ও অশান্তির চিহ্ন তাহার চোখে-মুখে বিজ্ঞমান

নরেন । কাল আমাকে চিনতে চাননি কেন বলুন তো ! এখন থেকে
চিরদিনের মতো অপরিচিত হয়ে গেলুম এই বুঝি ইঙ্গিত ?

বিজয়া । আপনার চোখ-মুখ এমন ধারা দেখাচ্ছে কেন, অস্বস্থ-
বিস্বস্থ করেনি তো ? এত সকালে এলেন কি করে ? কিছু খাওয়াও
হয়নি বোধ করি ?

নরেন । ষ্টেশনে চা খেয়েছি । ভোরে উঠেই বেরিয়ে পড়েছিলুম ।
কাল খেতে পারিনি, ঘুমোতে পারিনি, সারারাত কেবল এক কথাই মনে
হয়েছে দোর বোধ হয় বন্ধ হলো,—দেখা আর হবে না ।

বিজয়া । ও বাড়ী থেকে কাল না খেয়ে পালিয়ে গেলেন, বাসায
ফিরে গিয়ে খেলেন না গুলেন না, আবার সকালে উঠে স্নান নেই খাওয়া
নেই, এতটা পথ হাঁটা,—শরীরটা যাতে ভেঙে পড়ে সেই চেষ্টাই হচ্ছে
বুঝি ? আমাকে কি আপনি এতটুকু শাস্তি দেবেন না ?

নরেন । আপনি অদ্ভুত মানুষ । পরের বাড়ীতে চিন্তে চান না,
আবার নিজের বাড়ীতে এত বেশি চেনেন যে সেও আশ্চর্য্য ব্যাপার ।
কালকের কাণ্ড দেখে ভাবলুম খবর দিলে দেখা করবেন না তাই বিনা
সংবাদে পরেশের সঙ্গে এসে আপনাকে ধরেচি । একটু ক্লান্ত হয়েছি

মানি, কিন্তু এসে ঠকিনি। (বিজয়া নীরবে চাহিয়া রহিল) কাল ফিরে গিয়ে দেখি সাউথ আফ্রিকা থেকে কেবল এসেছে, আমি চাকরি পেয়েছি। চার দিন পরে করাচি থেকে জাহাজ ছাড়বে—আজ আসতে না পারলে হয়তো আর কখনো দেখাই হতো না। আপনার বিবাহের নিমন্ত্রণ পত্রও পেলুম। দেখে যাবার সৌভাগ্য হবে না, কিন্তু আমার আশীর্বাদ, আমার অকৃত্রিম শুভ কামনা আপনাদের পূর্বাহ্নেই জানিয়ে যাই। আমার কথা অবিশ্বাস করবেন না এই প্রার্থনা।

বিজয়া। এখানকার কাজ ছেড়ে দিয়ে সাউথ আফ্রিকায় চলে যাবেন? কিন্তু কেন?

নরেন। (হাসিয়া) বেশি মাইনে বলে। আমাব কলকাতাও যা সাউথ আফ্রিকাও তো তাই।

বিজয়া। তাই বই কি। কিন্তু নলিনী কি রাজি হয়েছেন? হলেও বা এত শীঘ্র কি ক'রে যাবেন আমি তো ভেবে পাইনে। তাঁকে সমস্ত খুলে বলেছেন কি? আব এত দূরে যেতেই বা তিনি মত দিলেন কি ক'রে?

নরেন। দাঁড়ান, দাঁড়ান। এখনো কাউকে সমস্ত কথা খুলে বলা হয়নি বটে, কিন্তু—

বিজয়া। কিন্তু কি? না সে কোন মতেই হতে পারবে না। আপনারা কি আমাদের বাস্তব-বিছানার সমান মনে করেন যে, ইচ্ছে থাক না থাক দড়ি দিয়ে বেঁধে গাড়ীতে তুলে দিলেই সঙ্গে যেতে হবে? সে কিছুতেই হবে না। তাঁর অমতে কোনমতেই অত দূরে যেতে পারবেন না।

নরেন। (কিছুক্ষণ বিমূঢ়ের স্থায় স্তব্ধ ভাবে থাকিয়া) ব্যাপারটা কি আমাকে বুঝিয়ে বলুন তো? পরশু না কবে এই নূতন চাকরির কথাটা দয়ালবাবুকে বলতে তিনিও চমকে উঠে এই ধরণের কি একটা আপত্তি তুললেন আমি বুঝতেই পারলুম না। এত লোকের মধ্যে নলিনীর মতামতের ওপরেই বা আমার যাওয়া না যাওয়া কেন নির্ভর করে, আর তিনিই বা

কিসের জন্তে বাধা দেবেন,—এ সব যে ক্রমেই হেঁয়ালি হয়ে উঠছে ।
কথাটা কি আমাকে খুলে বলুন তো !

বিজয়া । (ক্রণেক পরে ধীরে ধীরে) তাঁর সঙ্গে একটা বিবাহের
প্রস্তাব কি আপনি করেননি ?

নরেন । আমি ? না কোনদিন নয় ।

বিজয়া । না কবে থাকলেও কি করা উচিত ছিল না ? আপনার
মনোভাব তো কারো কাছে গোপন নেই ।

নরেন । (কিছুক্ষণ স্তব্ধ থাকিয়া) এ অনিষ্ট কাব দ্বাৰা ঘটেছে
আমি তাই শুধু ভাবচি । তাঁর নিজের দ্বাৰা কদাচ ঘটেনি । হুজনেই
জানি এ অসম্ভব ।

বিজয়া । অসম্ভব কেন ?

নরেন । সে থাক । একটা কারণ এই যে আমি হিন্দু এবং আমাদের
জাতও এক নয় ।

বিজয়া । জাত আপনি মানেন ?

নরেন । মানি ।

বিজয়া । আপনি শিক্ষিত হয়ে একে ভালো বলে মানেন কি কবে ?

নরেন । ভালো মন্দর কথা বলিনি জাত মানি তাই বলেচি ।

বিজয়া । আচ্ছা অত্ন জাতের কথা থাক, কিন্তু জাত যেখানে এক
সেখানেও কি শুধু আলাদা ধর্ম-মতের জন্তই বিবাহ অসম্ভব বলতে চান ?
আপনি কিসের হিন্দু ? আপনি তো একঘরে । আপনার কাছেও কি
কোন অত্ন সমাজের কুমারী বিবাহ-যোগ্যা নয় মনে করেন ? এত অহঙ্কার
আপনার কিসের জন্তে ? আর এই যদি সত্যিকার মত, তবে সে কথা
গোড়াতেই বলে দেননি কেন ?

বলিতে বলিতে তাহার চক্ষু অশ্রুপূর্ণ হইয়া উঠিল এবং ইহাই গোপন

করিতে সে মুখ ঝরাইয়া লইল

নরেন। (ক্ষণকাল একদৃষ্টে নিরীক্ষণ করিয়া) আপনি রাগ করে বা বলচেন এতো আমার মত নয়।

বিজয়া। নিশ্চয় এই আপনার সত্যিকার মত।

নরেন। আমাকে পবীক্ষা করলে টের পেতেন এ আমার সত্যিকার মিথ্যাকার কোন মতই নয়। এ ছাড়া নলিনীব কথা নিয়ে কেন আপনি বৃথা কষ্ট পাচ্ছেন? আমি জানি তাঁর মন কোথায় বাঁধা এবং তিনিও নিশ্চয় বুঝবেন কেন আমি পৃথিবীর অন্ধ প্রান্তে পালাচ্ছি। আমার যাওয়া নিয়ে আপনি নিরর্থক উদ্বিগ্ন হবেন না।

বিজয়া। নিরর্থক? তাঁর অমত না হলেই আপনি যেখানে খুসি যেতে পারেন মনে করেন?

নরেন। না তা পারিনে। আপনার অমতেও আমার কোথাও যাওয়া চলে না। কিন্তু আপনি তো আমার সব কথাই জানেন। আমার জীবনের সাধও আপনার অজানা নয়, বিদেশে কোনোদিন হয়তো সে সাধ পূর্ণ হতেও পারে, কিন্তু এ দেশে এতবড় নিষ্কর্মা দীন-দরিদ্রের থাকা না থাকা সমান। আমাকে যেতে বাধা দেবেন না।

বিজয়া। আপনি দীন দরিদ্র তো নন। আপনার সবই আছে, ইচ্ছে করলেই ফিবে নিতে পারেন।

নরেন। ইচ্ছে করলেই পারিনে বটে, কিন্তু আপনি যে দিতে চেয়েছেন সে আমার মনে আছে এবং চিরদিন থাকবে। কিন্তু দেখুন, নেবারও একটা অধিকার থাকা চাই—সে অধিকার আমার নেই।

বিজয়া। (উচ্ছ্বসিত রোদন সংবরণ করিতে করিতে উত্তেজিত স্বরে) আছে বই কি। বিষয় আমার নয়, বাবার। সে আপনি জানেন। নইলে পরিহাস-চ্ছলেও তাঁর যথা-সর্বস্ব দাবি করার কথা মুখে আনতে পারতেন না। আমি হলে কিন্তু ঐখানেই ধামতুম না। তিনি যা দিয়ে গেছেন সমস্ত জোর করে দখল করতুম, তার একতিলও ছেড়ে দিতুম না। টেবিলে মুখ রাখিয়া কাঁদিতে লাগিল

নরেন। নলিনী ঠিকই বুঝেছিল বিজয়া, আমি কিন্তু বিশ্বাস করিনি। ভাবতেই পারিনি আমার মতো একটা অকেজো অক্ষম লোককে কারও প্রয়োজন আছে। কিন্তু সত্যিই যদি এই অসম্ভব খেয়াল তোমার মাথায় ঢুকেছিল শুধু একবার হকুম করোনি কেন? আমার পক্ষে এর স্বপ্ন দেখাও যে পাগলামি বিজয়া।

বিজয়া মুখের উপর আঁচল চাপিয়া উচ্ছ্বসিত রোদন সংবরণ করিতে লাগিল। নরেন পিছনে পদশব্দ শুনিয়া ফিরিয়া দেখিল দয়াল দাঁড়াইয়া দ্বারের কাছে। তিনি ধীরে ধীরে ঘরে আসিয়া বিজয়ার আসনের একান্তে বসিয়া তাহার মাথায় হাত দিলেন, বলিলেন—

দয়াল। মা?

বিজয়া একবার মুখ তুলিয়া দেখিয়া পুনরায় উপড় হইয়া পড়িয়া মুখ গুঁজিয়া কাদিতে লাগিল। দয়ালের চোখ দিয়া জল গড়াইয়া পড়িল, সম্মুখে মাথায় হাত বুলাইতে বুলাইতে বলিলেন—

দয়াল। শুধু আমার দোষেই এই ভয়ানক অত্যাচার হয়ে গেল মা, শুধু আমি এই দুর্ঘটনা ঘটালুম। কাল তোমরা চলে গেলে নলিনীর সঙ্গে আমার এই কথাই হচ্ছিল,—সে সমস্তই জান তো। কিন্তু কে ভেবেছে নরেন মনে মনে কেবল তোমাকেই,—কিন্তু নির্বোধ আমি সমস্ত ভুল বুঝে তোমাকে উন্টো খবর দিয়ে এই দুঃখ ঘরে ডেকে আনলুম। এখন বুঝি আর কোন প্রতীকার নেই? (তেমনি মাথায় হাত বুলাইয়া দিতে দিতে) এর কি আর কোন উপায় হতে পারে না বিজয়া?

বিজয়া। (তেমনি মুখ লুকাইয়া ভগ্নকণ্ঠে) না দয়ালবাবু, মরণ ছাড়া আর আমার নিষ্কৃতির পথ নেই।

দয়াল। ছি মা, এমন কথা বলতে নেই।

বিজয়া। আমি কথা দিয়েছি দয়ালবাবু। তাঁরা সেই কথায় নির্ভর করে সমস্ত আয়োজন সম্পূর্ণ করে এনেছেন। এ যদি ভাঙি সংসারে আমি মুখদেখাবো কেমন ক'রে? শুধু বাকি আছে মরণ—

বলিতে বলিতে পুনরায় তাহার কণ্ঠরোধ হইল। দয়ালের চোখ দিয়াও আবার জল গড়াইয়া পড়িল। হাত দিয়া মুছিয়া বলিলেন—

দয়াল। নলিনী বললে, বিজয়া কথা দিয়েছে, সই করে দিয়েছে—এ ঠিক। কিন্তু কোনটায় তার অন্তর সায় দেয়নি। তার সেই মুখের কথাটাই বড় হবে মামাবাবু, আর হৃদয় যাবে মিথ্যে হয়ে? তার মামী বললে, ওর মা নেই, বাপ নেই,—একলা মেয়ে,—আচার্য্য হ'য়ে তুমি এতবড় পাপ কোরো না। যে দেবতা হৃদয়ে বাস করেন এ অধর্ম্ম তিনি সইবেন না। সারা রাত চোখে ঘুম এলো না, কেবলি মনে হয় নলিনীর কথা—মুখের বাক্যটাই বড় হবে, হৃদয় যাবে ভেসে? ভোর হতেই ছুটলুম কলকাতায়—নরেনের কাছে—

নবেন। আপনি আমার কাছে গিয়েছিলেন?

দয়াল। গিয়ে দেখি তুমি বাসায় নেই, খোঁজ নিয়ে গেলুম তোমার আফিসে তারাও বললে তুমি আসোনি। ফিরে এলুম বিফল হয়ে, কিন্তু আশা ছাড়লুম না। মনে মনে বললুম, যাবো বিজয়ার কাছে, বলবো তাকে গিয়ে সব কথা—(পরেশ গলা বাড়াইয়া দেখা দিল)

পরেশ। মা-ঠান্, একটা ছুটো বেজে গেল—তুমি না খেলে যে আমরা কেউ খেতে পাচ্চিনে।

শুনিয়া বিজয়া ব্যস্ত হইয়া উঠিল

বিজয়া। (ব্যস্ত ভাবে) দয়ালবাবু, এখানেই আপনাকে স্নানাহার করতে হবে।

দয়াল। না মা, আজ তোমার আদেশ পালন করতে পারবো না। তারা সব পথ চেয়ে আছে। নরেন, তোমাকেও যেতে হবে। কাল না খেয়ে চলে এসেছো সে দুঃখ ওদের যায়নি। এসো আমার সঙ্গে।

নরেন উঠিয়া দাঁড়াইল। বিজয়া ইঙ্গিতে তাহাকে একপাশে ডাকিয়া

লইয়া দয়ালের অগোচরে মুহূর্ত্তে বলিল—

বিজয়া। আমাকে না জানিয়ে কোথাও চলে যাবেন না তো?

নরেন। না। যাবার আগে তোমাকে বলে যাবো।

বিজয়া। ভুলে যাবেন না?

নরেন। (হাসিয়া) ভুলে যাবো? চলুন দয়ালবাবু আমগ্না যাই।

দয়াল। চলো। আসি মা এখন।

একমিক দিয়া দয়াল ও নরেন, অন্তিমিক দিয়া বিজয়া প্রস্থান করিল

গল্প অঙ্ক

প্রথম দৃশ্য

বিজয়ার বসিবার ঘর

পরেশ প্রবেশ করিল। তাহার পরিধানে চওড়া পাড়ের শাড়ী, গায়ে ছিটের জামা, গলায় কোঁচানো চাদর কিন্তু খালি পা

পরেশ। মা-ঠান্ তিনটে চাবটে বেজে গেল পাল্কি এলো না তো ? আমার মা কি বলচে জানো মা-ঠান্ ? বলচে, বুড়ো দয়ালের ভীমরথি হয়েছে নেমস্তন্ন করে ভুলে গেছে।

বিজয়া। তোর বুঝি বড্ড ক্ষিদে পেয়েছে পবেশ ?

পরেশ। হিঁ—বড্ড ক্ষিদে পেয়েছে।

বিজয়া। কিচ্ছু খাসনি এতক্ষণ ?

পরেশ। না। কেবল সকালে দুটি মুড়ি-মুড়কি খেয়েছিলাম, আর মা বললে, পরেশ, নেমস্তন্ন বাড়ীতে বড় বেলা হয় দুটো ভাত খেয়ে নে। তাই—দেখো মা-ঠান্, এই এত কটি খেয়েছি।

এই বলিয়া সে হাত দিয়া পরিমাণ দেখাইয়া দিল। জিজ্ঞাসা করিল—

পরেশ। তোমার ক্ষিদে পায়নি মা-ঠান্ ?

বিজয়া। (মুহূ হাসিয়া) আমারও ভারি ক্ষিদে পেয়েছে রে।

পরেশের মা প্রবেশ করিল

পরেশের মা। পাবে না দিদিমণি, বেলা কি আর আছে ! বুড়ো করলে কি বলো তো,—ভুলে গেলো না তো ? লোক পাঠিয়ে খবর নেবো ?

বিজয়া। ছি ছি, সে করে কাজ নেই পরেশের মা। যদি সত্যিই ভুলে গিয়ে থাকেন ভারি লজ্জা পাবেন।

পরেশের মা । কিন্তু নেমন্তন্ন-বাড়ীর আশায় তোমার পরেশ যে পথ চেয়ে চেয়ে সারা হলো । বোধহয় হাজার বার নদীর ধারে গিয়ে দেখে এসেছে পালকি আসচে কি না । যা পরেশ, আর একবার দেখ্ গে । (পবেশ প্রস্থান করিলে পরেশের মা পুনশ্চ কহিল) কিন্তু সত্যিই আশ্চর্য্য হচ্ছি তাঁর বিবেচনা দেখে । কাল অতো বেলায় তো ডাক্তারবাবুকে নিয়ে বাড়ী গেলেন, আবার ঘণ্টা কয়েক পরেই দেখি বুড়ো লর্ঠন নিয়ে নিজে এসে হাজির । পরেশের মা, তোমার দিদিমণি কোথায় ? বললুম, ওপরে নিজের ঘবেই আছেন । কিন্তু এত রাত্তিরে কেন আচাখিমশাই ? বললেন, পবেশের মা, কাল ছপুবে আমাদের ওখানে তোমরা থাকবে । তুমি, পরেশ, কালীপদ আর আমার মা বিজয়া । তাই নেমন্তন্ন করতে এসেছি । জিজ্ঞেসা করলুম, নেমন্তন্ন কিসের আচাখিমশাই ? বললেন, উৎসব আছে । কিসেব উৎসব দিদিমণি ?

বিজয়া । জানিনে পরেশের মা । আমাকে গিয়ে বললেন, কাল দ্বিপ্রহবে আমার ওখানে যেতে হবে মা । পালকি-বেহারা পাঠিয়ে দেবো হেঁটে যেতে পারবে না । কিন্তু ততক্ষণ কিছু খেওনা যেন । জিজ্ঞেসা করলুম, কেন দয়ালবাবু ? বললেন, আমার ব্রত আছে । তুমি গিয়ে পা দিলে তবেই সে ব্রত সফল হবে । ভাবলুম মন্দির তো ? হয়তো কিছু-একটা করেছেন । কিন্তু এমন কাণ্ড হবে জানলে স্বীকার করতুম না পরেশের মা ।

রাসবিহারী প্রবেশ করিলেন

রাস । এ কি কাণ্ড ! এখনো যাওনি—চারটে বাজলো যে !

পরেশের মা । পালকি পাঠাবার কথা, এখনো আসেনি ।

রাস । এমনই তার কাজ । পালকি যদি সে না পেয়ে ছিল একটা খবর পাঠালে না কেন ? আমি জোগাড় করে দিতুম । মধ্যাহ্ন-

ভোজন যে সায়াহ্ন করে দিলে। ভারি টিলে লোক, এই জন্তেই
বিলাস রাগ করে। আবাব আমাকেও পীড়াপীড়ি,—সন্ধ্যার পরে
যেতেই হবে।

ছুটিয়া পরেশের প্রবেশ

পরেশ। পাল্কি এসতেছে মা-ঠান্।

রাসবিহারীকে দেখিয়াই সে সঙ্কুচিত হইয়া পড়িল

রাস। বলিস্ কিবে? এসতেছে? তোবই মোচ্ছব বে! দেখিস
পরেশ, নেমন্তন্ন খেয়ে তোকে না ডুলিতে করে আনতে হয়। (বিজয়ার
প্রতি) যাও মা আর দেরি কোরো না—বেলা আর নেই। গিয়ে পালকিটা
পাঠিয়ে দিও;—আমি আবাব যাবো। না গেলে তো রক্ষে নেই, মান-
অভিমানের সীমা থাকবে না। সে এ বোঝে না যে ছুদিন বাদে আমার
বাড়ীতেও উৎসব,—কাজের চাপে নিশ্বাস নেবার অবকাশ নেই আমার।
কিন্তু কে সে কথা শোনে! রাসবিহারীবাবু পায়ে ধুলো একবার দিতেই
হবে! কাজেই না গিয়ে উপায় নেই। বাত হলে কিন্তু যেতে পারবো না
বল্লে দিও। যাও তোমরা মা,—আমি ততক্ষণ মিস্ত্রীর কাজের হিসেবটা
দেখে রাখি গে। প্রায় ষাট-সত্তর জন উদয়াস্ত খাটচে,—প্রাসাদ তুল্য
বাড়ী, কাজের কি শেষ আছে! অতিথির ঘাঁরা আসবেন বল্তে না পারেন
আয়োজনের কোথাও ত্রুটি আছে।

এই বলিয়া তিনি প্রস্থান করিলেন, অন্তান্ত সকলেও বাহির হইয়া গেল

দ্বিতীয় দৃশ্য

দয়ালের বহির্বাটী

মাঙ্গলিক সজ্জায় নানাভাবে সাজানো । নানালোকের যাতায়াত, কলরব ইত্যাদির মাঝখানে পাল্কি-বাহকদের শব্দ শোনা গেল এবং ক্ষণেক পরে বিজয়া প্রবেশ করিল । তাহার পিছনে পরেশ, কালীপদ ও পরেশের মা ।

দয়াল কোথা হইতে ছুটিয়া আসিলেন

দয়াল । (মহা উল্লাসে) এই যে মা আমার এসেছেন ।

বিজয়া । (হাসিমুখে) বেশ আপনার ব্যবস্থা । পালকি পাঠাতে এত দেরি করলেন, আমবা সবাই ক্ষিদেয় মরি । এই বুঝি মধ্যাহ্ন নেমন্তন্ন ?

দয়াল । আজ তো তোমার খেতে নেই মা । কষ্ট একটু হাৰে বই কি । ভট্টচাৰ্য্যমশায়ের শাসন আজ না মানলেই নয় । নরেন তো না খেতে পেয়ে একেবারে নিৰ্জ্জীব হয়ে পড়ে আছে । কিরে পরেশ, তুই কি বলিস্ ?

একজন লোক ব্যস্তভাবে প্রবেশ করিল, তাহার হাতে চেলীর জোড় প্রভৃতি মোড়কে বাঁধা লোক । (দয়ালের প্রতি) দান-সামগ্রী এসে পৌছেচে, আমি সাজাতে বলে দিলুম । বর-কন্যার চেলীর জোড় এই এল—নাপিতকে কৌচাতে দিই ।

দয়াল । হাঁ দাও গে । ক'টা বাজলো সন্ধ্যার পরেই তো লগ্ন,—আর বেশি দেরি নেই বোধ করি । (বিজয়ার প্রতি) ভাগ্যক্রমে দিন-ক্ষণ সমস্ত পাওয়া গেছে,—না পেলোও আজই বিবাহ দিতে হতো, কিছুতে অস্তথা করা যেতো না,—তা যাক্, সমস্তই ঠিক-ঠাক মিলে গেছে । তাইতো ভট্টচাৰ্য্যমশাই হেসে বসেছিলেন, এ যেন বিজয়ার জন্তেই পাৰ্জ্বিক আজকের দিনটি সৃষ্টি হয়েছিল । তোমার যে আজ বিবাহ মা ।

বিজয়া । আজ আমার বিবাহ ?

দয়াল । তাই তো আজ আমাদের আনন্দ আয়োজন, মহোৎসবের ঘটা ।

বিজয়া । (করুণ কর্তে) আপনি কি আমার হিন্দু-বিবাহ দেবেন ?

দয়াল । হিন্দু-বিবাহ কি বিবাহ নয় মা ? কিন্তু সাম্প্রদায়িক মতবাদ মানুষকে অমনি বোকা কবে আনে যে; কাল সমস্ত বিকেলটা ভেবে ভেবেও এই তুচ্ছ কথাটার কূল-কিনারা খুঁজে পাইনি । কিন্তু নলিনী আমাকে একটি মুহূর্তে বুঝিয়ে দিলে । বললে, তাঁর বাবা তাঁকে যাব হাতে দিয়ে গেছেন তোমরা তাঁর হাতেই তাঁকে দাও । নইলে ছল কবে যদি অপাত্রে দান করো তোমাদের অধর্মের সীমা থাকবে না । আর মনের মিলনই তো সত্যিকার বিবাহ, নইলে বিয়ের মন্ত্র বাংলা হবে কি সংস্কৃত হবে, ভট্টাচার্য্যমশাই পড়াবেন কি আচার্য্যমশাই পড়াবেন তাতে কি আসে যায় মা ? এতবড় জটিল সমস্যাটা বেন একেবারে জল হয়ে গেল বিজয়া, মনে মনে বললুম, ভগবান ! তোমাব তো কিছু অগোচর নেই, এদের বিবাহ আমি যে কোন মতেই দিই না তোমার কাছে অপরাধী হবো না আমি নিশ্চয় জানি ।

জনৈক ভদ্রলোক । নিশ্চয় নিশ্চয় । অতি সত্য কথা ।

ঋণকাল মৌন থাকিয়া

দয়াল । তুমি জানো না মা, নরেন তোমাকে কত ভালবাসে । তবু সে এমন ছেলে যে তোমার মাথায় অসত্যের বোকা তুলে দিয়ে তোমাকেও গ্রহণ করতে রাজী হতো না । একবার আগাগোড়া তার কাজগুলো মনে করে দেখ দিকি বিজয়া ।

বিজয়া নিঃশব্দে নতমুখে স্থিরভাবে দাঁড়াইয়া রহিল । নলিনী ছুটিয়া আসিয়া তাহার হাত ধরিল

নলিনী । বাঃ আমি এতক্ষণ খবর পাইনি ! কাজের ভিড়ে কিছু জানতেই পারিনি । ওপরে চলো ভাই, তোমাকে সাজাবার তার পড়েছে আজ আমার ওপর । চলো শিশুগির ।

এই বলিয়া সে বিজয়াকে টানিয়া লইয়া ভিতরে চলিয়া গেল। সঙ্গে গেল পরেশ, পরেশের মা ও কালীপদ। নেপথ্যে শব্দ বাজিয়া উঠিল, ভট্টাচার্য্য মহাশয় প্রবেশ করিলেন।

ভট্টাচার্য্য। লগ্ন সমুপস্থিত। আপনারা অল্পমতি করুন শুভকার্য্যে ব্রতী হই।

সকলে। (সমস্বরে) আমরা সর্বান্তঃকরণে সম্মতি দিই ভট্টাচার্য্য-মশাই, শুভকর্ম্ম অবিলম্বে আরম্ভ করুন।

যে আজ্ঞে, বলিয়া ভট্টাচার্য্য মহাশয় প্রস্থান করিলেন। গ্রামের চাষা-ভূষা নানা লোক নানা কাজে আসা যাওয়া করিতেছে এবং ভিতর হইতে কলরব শুনা যাইতেছে

দয়াল। আমারও সংশয় এসেছিল। একটা বড় কথা আছে যে, বিজয়া তাঁদের প্রতিশ্রুতি দিয়েছেন। নলিনী বললে, বড় কথা নয় মামাবাবু। বিজয়ার অন্তর্যামী সায় দেয়নি। তবু তার হৃদয়ের সত্যকে লজ্জন করে তার মুখের বলাটাকেই বড় করে তুলবে? শুনে অবাক হয়ে চেয়ে রইলুম। ও বলতে লাগলো, কেবল মুখ দিয়ে বার হয়েছে বলেই কোন জিনিস কখনো সত্য হয়ে ওঠে না। তবু তাকেই জোর করে যারা সকলের উর্দ্ধে স্থাপন করে তারা সত্যকে ভালবাসে বলেই করে না, তারা সত্য-ভাষণের দম্ভটাকেই ভালবাসে ব'লে করে। আপনারা সকলে হয়তো জানেন না যে এই ভট্টাচার্য্যমশায়ের পিতা-পিতামহ ছিলেন রায়-বংশের কুলপুরোহিত। আবাব বহুদিন পরে সেই বংশেরই একজনকে যে এ বিবাহে পোরোহিত্যে বরণ করতে পেলুম এ আমার বড় সান্ত্বনা। সকলের আশীর্ব্বাদে এ বিবাহ কল্যাণময় হোক, নিষিদ্ধ হোক এই আপনারদের কাছে আমার প্রার্থনা।

সকলে। আমরা আশীর্ব্বাদ করি বর-কন্যার মঙ্গল হোক!

দয়াল। কন্যা সম্প্রদান করতে বসেছেন তাঁর দূর সম্পর্কের এক পিসি—

জনৈক ভদ্রলোক। কে—কে? ঈশ্বর কালী ঘোবালের বিধবা?

দয়াল। হাঁ তিনিই। ক্রেশের সঙ্গে মনে হয় আজ বনমালীবাবু যদি জীবিত থাকতেন। তাঁর একমাত্র কন্যা বিজয়াকে নরেন্দ্রনাথের হাতে সমর্পণ করবেন বলেই নরেনকে তিনি মাহুষ করে তুলেছিলেন। দয়াময়ের আশীর্বাদে সে মাহুষ হয়ে উঠেছে। তাঁর সেই মাহুষ-করা ধনের হাতেই তাঁর কন্যাকে আমরা অর্পণ করলুম। বনমালীর অভিলাষ আজ পূর্ণ হলো।

সকলে। আমরা আবার আশীর্বাদ করি তারা সুখী হোক।

অন্তঃপুর হইতে শঙ্খধ্বনি ও আমল কলরোল শুনা গেল

দয়াল। (চোখ বুজিয়া) আমিও ভগবানের কাছে প্রার্থনা করি আমাদের শুভ ইচ্ছা সফল হয় যেন।

জমৈক বৃদ্ধ। আমরা আপনাকেও আশীর্বাদ করি দয়ালবাবু। শুনেছিলুম রাসবিহারীর ছেলে বিলাসের সঙ্গে হবে বিজয়ার বিবাহ। আমরা প্রজা, শুনে ভয়ে মরে যাই। সে যে কিরূপ পাষণ্ড—

নন্দাল। (সলজ্জে হাত তুলিয়া) না না না—অমন কথা বলবেন না মজুমদারমশাই। প্রার্থনা করি তাঁরও মঙ্গল হোক।

বৃদ্ধ। মঙ্গল হবে? ছাই হবে। গোলায় যাবে। আমার পুকুরটার—

দয়াল। না না না না—ওকথা বলতে নেই—বলতে নেই—কারো সম্বন্ধে না। করুণাময় যেন সকলেরই মঙ্গল করেন।

বৃদ্ধ। কিন্তু ঐ যে বুড়ো দেড়ে—

ধীর গভীর পদে রাসবিহারী প্রবেশ করিতেই সকলে চক্ষের পলকে উঠিয়া দাঁড়াইয়া

সকলে। আস্থন, আস্থন, আস্থন, আসতে আজ্ঞা হোক রাসবিহারী-বাবু। আমরা সকলেই আপনার শুভাগমনের প্রতীক্ষা করছিলাম।

রাস। (কটাক্ষে চাহিয়া, দয়ালের প্রতি) আজ ব্যাপারটা কি বলো তো দয়াল? দোরগোড়ায় কলাগাছ পুতেছো, ঘট বসিয়েছো, বাড়ীর ভেতরে শাঁকের আওয়াজ শুনেতে পেলুম,—আয়োজন মন্দ করোনি—কিন্তু কিসের শুনি?

দয়াল। (সভয়ে ও সবিনয়ে) আজ যে বিজয়ার বিবাহ ভাই !

রাস। মংলবটা কে দিলে শুনি ?

দয়াল। কেউ নয় ভাই করুণাময়ের—

রাস। হুঁ—করুণাময়ের। পাত্রটি কে ? জগদীশের ছেলে সেই নরেন ?

দয়াল। তুমি তো—আপনি তো জানেন বনমালীবাবুর চিরদিনের
ইচ্ছে ছিল—

রাস। হুঁ, জানি বই কি । বনমালীর মেয়ের বিয়ে কি শেষকালে
হিন্দু মতেই দিলে না কি ?

দয়াল। আপনি তো জানেন, আসলে সব বিবাহ-অন্ত্যস্তানই এক ।

রাস। ওর বাপকে যে হিঁদুরা দেশ থেকে তাড়িয়েছিল মেয়েটা তা-
ও ভুললো না কি !

এমনি সময়ে অন্তঃপুরের নানাবিধ কলরব শব্দধ্বনি কানে আসিতে লাগিল

দয়াল। শুভকার্য্য নির্বিন্দে সমাপ্ত হয়েছে। আজ মনের নন্দনা
কোন গ্লানি না রেখে তাদের আশীর্ব্বাদ করো ভাই, তারা যেন সুখী হয়,
ধর্ম্মশীল হয়, দীর্ঘায়ুঃ হয় ।

রাস। হুঁ । আমাকে বললেই পারতে দয়াল, তাহলে ছল-চাতুরী
করতে হতো না । ওতেই আমার সব চেয়ে ঘৃণা ।

এই বলিয়া তিনি গমনোদ্ভূত হইলেন । নলিনী কোণায় ছিল ছুটিয়া আসিয়া পড়িল

নলিনী । (আবদারের সুরে বলিল) বাঃ—আপনি বুঝি বিয়েবাড়ী
থেকে শুধু শুধু চলে যাবেন ? সে হবে না, আপনাকে খেয়ে যেতে হবে
রাসবিহারীমামা । আমি কত কষ্ট করে আপনাকে নেমন্তন্ন করে আনিয়াছি ।

রাস। দয়াল, মেয়েটি কে ?

দয়াল। আমার ভাগ্নী নলিনী ।

রাস। বড় জ্যাঠা মেয়ে ।

এহান

দয়াল। (সেইদিকে ঋণকাল চাহিয়া) অন্তরে বড় ব্যথা পেয়েছেন ।

ভগ্নবান ঠুঁব ফ্লোভ দূর করুন। গাঙ্গুলীমশাই, চলুন আমরা অভ্যাগতদের খাবার ব্যবস্থাটা একবার দেখি গে। আজকের দিনে কোথাও না অপরাধ স্পর্শ করে।

পূর্ণ। প্রজাপতির আশীর্বাদে কোথাও ত্রুটি নেই দয়ালবাবু—সমস্ত ব্যবস্থাই ঠিক আছে। প্রস্থান

দয়াল। (ইঙ্গিতে বরবধুকে দেখাইয়া) নলিনী এদেরও যাহোক দুটো খেতে দিতে হবে যে মা ! যাও তোমার মামীমাকে বলো গে।

নলিনী। যাই মামাবাবু—

দয়াল। আমিও যাচ্ছি চলো— প্রস্থান

ঋণকালের জন্ত রত্নমণ্ডে বরবধু ভিন্ন আর কেহ রহিল না

নরেন। গম্ভীর হয়ে কি ভাবচো বলো তো ?

বিজয়া। (সহাস্তে) ভাবচি তোমার দুর্গতিব কথা। সেই যে ঠকিয়ে microscope বেচে ছিলে তার ফল হলো এই। অবশেষে আমাকেই বিয়ে করে তার প্রায়শ্চিত্ত করতে হলো।

নরেন। (গলার মালা দেখাইয়া) তার এই ফল ! এই শাস্তি ?

বিজয়া। হাঁ তাই তো। শাস্তি কি তোমার কম হলো না কি !

নরেন। তা হোক, কিন্তু বাইরে একথা আর প্রকাশ করো না,—তাহলে রাজ্যশুদ্ধ লোক তোমাকে microscope বেচতে ছুটে আসবে।

উভয়ের হাস্য

নলিনী। (প্রবেশ করিয়া) এসো ভাই, আসুন Dr. Mukherji, মামীমা আপনাদের খাবার দিয়ে বসে আছেন,—কিন্তু অমন অট্টহাস্য হচ্ছিল কেন ?

বিজয়া। (হাসিয়া) সে আর তোমার শুনে কাজ নেই—

সমাপ্ত

সুব্রহ্মণ্য চট্টোপাধ্যায় এও সনের পক্ষে

মুদ্রাকর ও প্রকাশক—শ্রীগোবিন্দপদ ভট্টাচার্য, ভারতবর্ষ প্রিন্টিং ওয়া।

২৭/১১/১২, কর্ণওয়ালিস স্ট্রীট, কলিকাতা.

